

**PSALTERIUM  
LYRICUM, SEU  
PARAPHRASIS  
PRIMAE...**

---

Nicola Avancini











6

21. K.

22

11/12/1901

29.

29.

29.

29.

29.

29.

# PSALTERIUM

*Bibl:* LYRICUM, *Sec*

SEU

PARAPHRASIS

PRIMÆ QUINQUAGENÆ

PSALMORUM

*coll:* D A V I D I S *Sec*

Ad Horatii modos olim cantata

â

R. P. NICOLAO AVANCINO.

*Soc:* Societatis JESU. *Sec*  
Nunc verò

Admodum Reverendis, Religiosis,

Nobilibus, Excellentibus, ac Doctissimis

Dominis AA. LL. & Philoso. Magistris,

SS. Theologiæ Baccalaureis Formatis,

Cum per Admodum Reverendum, ac Cla-  
rissimum Patrem

FRANCISCUM RESCALLI è Soc. JESU.

SS. Theologiæ Doctorem, ejusdemq; Pro-  
fessorem ordinarium, nec non Inclytæ Facult.

Theolog. p. r. Decanum Spectabilem

In Basilica D. Stephani Proto-Martyris Docto-  
rali SS Theolog. laureâ solenni ritu condecorarentur,

A Theologia Viennensi dicata, consecrataq;.

Viennæ, typis Leopoldi Voigt, Anno 1696.



# NOMINA NEO-DOCTORUM

Admodum Reverendus, Religiosus, Nobilis, Excellens, ac Clarissimus Dominus JACOBUS CINI, Ordinis S. Augustini Canonicus, in Antiquissima ac Celeberrima Canonica Claustro-Neoburgi Professor.

Admodum Reverendus, Religiosus, Nobilis, Excellens, ac Clarissimus Dominus ERNESTUS PERGER, Ordinis S. Augustini Canonicus, in Antiquissima ac Celeberrima Canonica Claustro-Neoburgi Professor.


Admodum Reverendus, Religiosus, Nobilis, Excellens, ac Clarissimus Dominus MAURITIUS SCHWEIGER, Ordinis S. Benedicti, in Celeberrimo & exempto Monasterio Gottwicensi Professor.

Admodum Reverendus, Religiosus, Nobilis, Excellens, ac Clarissimus Dominus CAROLUS GRUNDNER, Ordinis S. Benedicti, in Celeberrimo & exempto Monasterio Gottwicensi Professor.

Admodum Reverendus, Religiosus, Nobilis, Excellens, ac Clarissimus Dominus GODEFRIDUS BESSELIUS, Ordinis S. Benedicti, in Celeberrimo & exempto Monasterio Gottwicensi Professor.

Admodum Reverendi, No-  
biles, Excellentes, ac Doctissimi  
Domini Neo-Doctores Cla-  
rissimi.

LIBRARY OF THE  
ROMAN ACADEMY  
VITTORIO EMANUELE



**C**upressum victricibus Honoris  
Laureis innectere vobis videbi-  
mur, Neo-Doctores Cla-  
rissimi, dum hodie in apertum gloria ve-  
stre theatrum prorumpentes posthumum in-  
genij partum Vobis in perennis obsequij a-  
nathema consecramus. Verum nihil à con-  
ditione vestra, nostraq; alienum molimur,  
quando triumphantibus Vobis inter honoris  
Theologici suprema insignia is Apollo acci-  
nit, Theosophiamq; vestram sub Lauri um-  
bra confidentem modulante Lyrâ adsalutat,  
quem olim hac ipsa Archiducum, Caesarum-  
q; sedes Vienna & in Theatris suscepit Co-  
micum, & in Antiquissimo hoc Archi-  
Gymnasio excepit Theologum. Capite pro-  
indè Solem in speculo, & magnitudinem in  
umbra veneremini. Calami mollioris Ve-  
neres, & lepôres abhorruimus, probè gnari  
Heroës Vos esse, purpurâ potius aut ada-  
mante



mante in ære sculpendos. Præterquam quod  
Theologi, & Viri sacri in Honoris Amphitheatro compareant: nec ab Eloquentia  
flores, aut à Parnasso fabulas quarunt aut  
admittunt: suis contenti virtutibus, & hinc  
Magni. Quod enim Jovis ales, hoc Theologus est; ille in Solem, hic in DEUM obtutus figit irretortos. Uterq; tamen rarâ  
vel volatûs, vel ingenij pernecitate in alta  
enititur, quia uterq; nescit contagia terræ.  
Admittite ergo Neo-Doctores Theologi pro Austriaca vestra, quâ nos fovetis,  
humanitate, affectûs hoc nostri erga Vos monumentum, & PSALTERIUM hoc, quod vobis  
concentum Musicum in applausus adornamus, benevoli suscipite: Davidicum est,  
quod vestrum ad tactum diversissimos sonos in unam colliget gratiam, quæ etiam millies  
repetita nunquam nauseam generabit, nisi  
Orci Præsidibus, quibus illæ solùm tristissima  
sunt nenia, quæ Superis dulcissima. Vivite  
& perennate: Ita precantur  
Honori Vestro

addictissimi

Theologi Viennenses.

# TYPOGRAPHUS AD LECTOREM.

**N**on est, quòd multis operose contendam, Amice Lector, ut tuam posthumò huic libello benevolentiam conciliem. Solùm AVANCINI Nomen fronti præfixum amplissimi e-logii vicem subit, quod, licet silentiò pressissem ego, ipsa florentis styli mascula vivacitas, & in argumento tam difficili nativa quædam, Auctoriq; suo propria spontaneæ, ac veluti sub lingua nascentis venæ felicitas abundè tibi prodidisset. Celebrantur concordibus literati Orbis applausibus reliqua Viri eloquentissimi opera, quæ tam vinctâ, quàm solutâ oratione supra duodena in lucem vivus edidit, pluraq; communi studiosæ juventutis bono, cujus semper vixit studiosissimus, edidisset, nisi eorû aliqua typis jam parata sinister casus



sus irreparabili jacturâ involvisset,  
alia animô designâta assiduæ curæ  
ministeriorum, quæ in Societate  
J E S U præter supremum ejus Ma-  
gistratum rarâ prudentiæ & dexte-  
ritatis laude gessit universa, inter-  
cepissent. De palma cum omnibus  
decertâset Psalterium Davidicum,  
cui ad Horatianos numeros piè ad-  
modulando supremas sexagena-  
riæ Lyræ voces consecraturus erat  
Divino cantui immoriens Cygnus;  
sed & huic senili conatui medio in  
cursu gravissima primùm negotia,  
tum ferrea mortis jura intercesse-  
runt. Sola prima Psalmorum quin-  
quagena post ejus funus, ab ipsis  
etiam Augustissimis Capitibus de-  
ploratum, reperta est, cujus typis  
meis vulgandæ gloriæ mihi obti-  
gisse plurimùm sanè gratulor. Tu  
fruere tanti Poëtæ ingeniô, & la-  
bore meo. Vale.

Leopoldus Voigt,  
Typog.

PSALMUS I.

Justorum felicitas, impiorum mi-  
feriæ, & dispar exitus.

*Beatus vir, qui non abiit, &c.*

**I**llum beatum dixeris, impiū  
Qui non secutus consilii viam :  
Ductumq; pravorum, scholæq;  
Pestiferæ documenta fugit.  
Purusq; mentis candidæ, & innocens,  
Divinitatis legibus imbuit  
Sinum: neq; hac curâ solutum  
Sol oriens, moriensvè spectat.  
Illum virentem dixeris arborem,  
Quam vitreorum gratia fluminum  
Fœcundat, & crines amœno  
Flore replet, gremiumq; fructu.  
Si pōst December sævus inhorreat,  
Hyemsq; sylvas crinibus exuat;  
Constans virebit, nec valebit  
Acre gelu violare frondem.  
Audiente quid quid mente notaverit,  
biq; agendum fixerit, exitu  
Ducet secundo, & faustitatis  
Ætherio pluet imber axe.  
Non hæc reorum conditio est: virent  
Surgente Phœbo, vespere defluunt;

Et pulverum instar vile in auras  
 Ludibrium rapiuntur Euris.  
 Hinc multa quamvis turba nocentium  
 Sese innocentum misceat ordini,  
 Et sæpe felicem scelestum  
 Sors videat meliore vultu,  
 Et innocentem perpetuis virum  
 Premat flagellis; ultima linea  
 Discernet actus, disparique  
 Falce metet Libitina vitam.  
 Nam, cum supremi Judicis ultimus  
 Pandetur actus, gloria Cælitum  
 Justos vocabit; sub profundi  
 Stagna Erebi ruet impiorum  
 Damnata pœnis turba perennibus  
 Urenda flammæ. Discite posteri,  
 Nos judicandos, arbitrumque  
 Esse Deum, vigilique nostra,  
 Spectare vultu. Si via prospera  
 Nunc impiorum est, tunc malè lubrico  
 Lapsu ferentur sub profundi  
 Sulphureas Acherontis undas.





# LYRICUM.

## PSALMUS II.

In persona Christi describit, quas  
passura est contradictiones lex Evangelica :  
describit hujus triumphum ; & memoriâ  
finalis judicij exhortatur ad timo-  
rem Dei.

*Quare fremuerunt gentes, &c.*

**Q**uæ causa flammâs gentibus injicit,  
Movetque in iras ? seditionibus

Quis miscet insanos tumultus ?

Et populos agit in furorem ?

Qui sceptrâ torquent, qui populo imperant,  
Jungunt scelesto fœdere dexterâs

Contra Tonantem, in filiumque  
Sacrilego rapiuntur æstu.

Rumpamus, ajunt, quæis malè stringimur,  
Colli catenas ; quoque gemit jugo

Depressa cervix, illud unâ  
Impavidi laceremus irâ.

At qui polorum præsidet atriis,  
Certoque mundum comprimit ordine,  
Deridet insanos labores,

Ludibrium populi futuros.

Si post serenæ frontis in aream  
Nubem furoris contrahat, ilicet

Pavore concussi jacebunt,

Vel pedibus sine lege pennas.

Addent fugaces. Tunc ego regiâ  
Frontem coronâ cinctus, in edito

# 4 PSALTERIUM.

Sione sedem collocabo, &  
 Jura Dei, facilemque legem  
 Vulgabo terris? At Pater, huc ades,  
 Inquit, meorum gratia luminum,  
 Mentisque partus; teque Patris  
 Progeniem veneretur orbis.  
 Quodcunque posces, protinus affluet  
 Hæreditatis nomine, gentium  
 Avita jura, & quidquid igne  
 Sol veniens abiensque lustrat.  
 Si quæ rebelles gens violentior  
 Instaret ausus, comprime ferro  
 Æstum flagello, frange dorsum,  
 Ceu figulus sua vasa frangit.  
 Audite Reges, quos solio Deus  
 Celso locavit: discite Principes  
 Timere Numen, debiti que  
 Obsequiis cumulare amoris;  
 In iussâ pronum subdere verticem  
 Legi Tonantis; ne propero dies  
 Adsit volatu, ac imparatos  
 Tartareas agat in cavernas.  
 Audite Reges: Imminet, imminet  
 Vindictâ cœli, jamque propinquius  
 Sonat flagellum, quo ferocis  
 Sævities animi edometur.  
 At vos beati, qui per amabilem  
 Docti æquitatis currere semitam;  
 Sperare vobis tunc licebit,  
 Cum reliquos premet ira cœli.

# LYRICUM.

## PSALMUS III.

In persecutionibus erigit se spe divini auxilii, & implorat cœli benedictiones.

*Domine, quid multiplicati sunt, &c.*

**A**udi querelas, & gemitus meos,  
O mite Numen ! Cernis, ut impiâ  
Agor procellâ, hostiumque  
Mole premor, neque parte ab ulla  
Certæ salutis spes mihi promicat ?  
Instant, miaantur, composito agmine  
Premunt inermem, destinantque  
Me Lachesi malè victimandum :  
Et dum labantem multiplici vident  
Me sub procella ; destitui manu  
Cœli adjuvantis arbitrantur :  
Inde furor, rabiesque crescunt  
Surgamus, ajunt, jam nihil æthere  
Sperare præsens auxilii potest :  
Surgamus, & concisa membra  
Alitibus lanianda demus.  
Sed vana jactant. Tu mea gloria,  
Tu spes salutis : nec pateris diu  
Premi innocentem : tu levabis  
Me pavidum, & religabis aurei  
Caput coronâ. Nam quoties mihi  
Pulsatus æther, & gemitu pio  
In vota Numen provocatum,  
Certa salus mihi lapsa cœlo est.



Si quæ hora fluxit, quâ mihi dexteram  
Negare visus (sed brevis hæc fuit)

Tamen malorum mole major

Vivo super; trepidique vivo

Expers timoris, dum tua protegit

Me dextra scuto. Si mihi militis

Congesta moles in cruentam

Arma ferat sociata cædem,

Nil expavescam, nec trepidum gelu

Per ossa curret. Scilicet in tuo

Sinu quietus jacta vilem

Disco jocum jacula æstimare.

Tu namque prono verbere dissipas,

Quæcunque nostro fulmina vertici

Ædem minantur, dentiumque

Vim reprimis malè Sævientum.

Canamus ergo, ac ultimus audiat

Nos cardo terrarum: A Domino est salus:

Omnisque virtus: ille Justis

Præsidium, clypeumque præstat.

#### PSALMUS IV.

In angustias ab Absolone redactus

hortatur hostes ad Dei cultum, & contra

eos auxilium implorat.

*Cum invocarem, exaudivit me Deus justitiae meae, &c.*

SI quando cœlo propitium mihi  
Sidus vocavi, protinus adfuit



In vota Numen, providoque  
 Auxilio retudit ferocem  
 Nubem malorum: quodque necessitas  
 Angustiarum mille pavoribus  
 Pectus coarctabat, sereno  
 Lætitiæ statuit theatro.  
 Et nunc eodem lumine respice  
 Me deprecantem, Numen amabile,  
 Dum lingua fervet, bulliensque  
 Mens rigidam meditatur oden  
 In insolentes. Quò malè prorsus  
 Mortale vulgus, cui rigido grave est  
 Pectus metallo? quam tuorum  
 Constituis tibi metam amorum?  
 Heu! vanitatem; quam fugat horula:  
 Mendacium; quod deteget Hesperus.  
 Quodcunq; amatis, somnus, umbra est;  
 Umbra fugax, & imago somni.  
 Nescitis, igneo quam Deus addidit  
 Zelo facultatem insolitis modis  
 Miranda agendi? Si vocâro,  
 Excipiet mea vota Numen.  
 Audite surdi. Si furor injicit  
 Flammam medullis, non veto pectora  
 Fervere in iram: sed sequatur  
 Imperium rationis ira.  
 In vos furoris vertite spicula,  
 In vestra totis crimina viribus  
 Tonate. Quàm vellem, tyrannus  
 Quisque suæ foret ipse culpæ!

Ipsi latentis pingite imaginem  
Cordis, quod alto mergitis in luto,  
Horaque nocturnæ quietis  
Irriguis lachrymis lavate.  
Quid mugientes cogitis impiam  
Boves ad aram ? quid vitulos datis  
Sacram in securim ? quid fluente  
Innocuæ violatis agnæ  
Cruore terram ? cœdite, cœdite  
Cupiditates pectoris improbi  
Semper rebelles, quæ feroce  
Bella cient animis tumultu.  
Hæc grata solum victima Numini est :  
Hæc sola cœlum propitium dabit.  
At multa fœx, ignara Divum,  
Ingenii putat ista ludum.  
Quis ista terfis auribus, inquirunt,  
Audivit unquam, quæ tibi fabulæ  
Cantat inani, dona cœli,  
Delicias & amœnitates,  
Quas spondet æther ? Hæc procul ultimis  
Reposita terris, extra hominum vias  
Remota, deludunt labores,  
Et facilis fidei appetitum.  
O cœca, & atris nubibus obsita  
Mortalium mens ! Erige lumina,  
Vivoque pictam in te colore  
Numinis effigiem intuere.  
Huc purioris lumina pectoris  
Dum flecto, meque haud absumilem Deo  
Ad-

Admiror, exulto, & penetrat  
 Lætitiæ seges in medullas.  
 Jactate porrò fortis amabiles,  
 Stulti, favores, quod vel in horrea  
 Dives Canopus conferatur,  
 Vel liquidas ferat in tributum  
 Moab olivas, vel Cyprus impleat  
 Fœcunda cellas : scilicet auctior  
 Fortuna curas mentis auget,  
 Atque animi laniat recessus.  
 Ergo sub umbrâ Numinis abditus,  
 Dies serenos lætior exigam,  
 Et nocte tranquillâ quietos  
 Ducam oculis animoque somnos;  
 Dum me supremi dextera Numinis  
 Tuetur : illo spes mea nititur,  
 Quam nulla Martis ira, nulla  
 Eripiet mihi vis tyranni.

---

PSALMUS V.

Ad ortum solis, noctisque fugam,  
 describit odium, quo Deus in peccatores  
 fertur : & prædicit suis adversariis pœnas,  
 & justis præmia.

*Verba mea auribus percipe Domine, &c.*

**Q**ui supra Olympi sidera confides,  
 Solemque calcas, & sola despicias ;  
 Admitte clamorem vocantis  
 Aure piâ, placidoque vultu.



Nam quòd recurram ? Tu mihi es anchora  
Inter sonantis fulmina Nerei,

Tu spes salutis, tu labantis

Præsidium columenque vitæ.

Cùm manè Titan aurea flammeo

Urget flagello sidera, & æthere

Detergit umbras noctis, ad te

Verto oculos, animique vocem.

Nec tu benignis auribus abnuis

Audire totum. Sollicitudinum

Hæc prima me urget, quando ab ortu

Sol juvenis radiante vultu

Arridet orbem : me tibi sistere

Præsentem, & alto pectore Numinis

Haurire lucem, quâ fugantur

Perfidia scelerumque noctes.

Nam ceu marito fœdere nescia est

Jungi umbra luci, sic fugit à tuo

Aspectu iniquus, nec scelestus est

Ante tuos via tuta vultus.

Quicumque gressu non bene provide

Viam nocendi calcatur, & impudens

Mendace lingua machinatur

Gorde dolos, animoque fratris

Sitit cruorem, vel parat impio

Mucrone cœdes ; hic tibi patrium

Extinguit affectum ; huic Averni

Sulphureos minitaris ignes.

At me juvabit tegmine protegi

Tui favoris, quæque tuo sacræ

Splendore majestatis imple  
 Templâ, gradu reverente adire,  
 Et curvo ad aras poplite supplices  
 Levare vultus. Tunc ego gaudio  
 Laxabo pectus, spēque plenus  
 Ore tuas memorabo laudes.  
 Dicamque lætus: Tu mihi semitam  
 Pande æquitatis: tu rege lumine  
 Gradum ambulantis: nam cruentos  
 Turba ferox acûere dentes  
 Tu me innocentem. Quàm procul a viis  
 A veritatis tramite passibus  
 Stulti recedunt! Vanitatis  
 Gorde sovent animoque fumum  
 Quodsi loquuntur, cœu tumulto gravis  
 Exhalat aura, & sidera Colchico  
 Afflat veneno, dum nocentes  
 Lingua procax meditatur astus.  
 At non secundo semper iniquitas  
 Ibit triumpho. Tu rigidum, Deus,  
 Ream ad tribunal evocabis  
 Supplicium sceleri daturus.  
 Quæ cogitarunt, irrita concident  
 Labore casso, & diffugient tuâ  
 A fronte, Numen, quod scelesto  
 Impietas violavit ausu.  
 At, fixa cœlo quæis stetit anchora  
 Ignara flecti, quæis amor est tui  
 In corde descriptus, perennis  
 Lætitiæ statuent triumphos;

Illamque ducent gloriæ amabilis  
 Partem supremam, se manuum tegi  
 Umbrâ tuarum, teque eorum  
 Pectoribus statuisse sedem.

Atque hæc tuorum est gratia munerum,  
 Quâ pendis actis præmia : tu tuis  
 In orbe scutum es, post corona,  
 Quæ veniet redimire frontes.

---

## PSALMUS VI.

Petit suis erroribus indulgeri, &  
 ab inferno liberari : detestatur suos reatus,  
 & sperat veniam.

*Domine, ne in furore tuo arguas me, ne-  
 que in ira, &c.*

**N**E Numen armis fulmineis tuos  
 In me furores exere ; si licet  
 Reus : nec irâ metiâre  
 Supplicium meritamque pœnam.

Infirmus urnæ jam propior meæ  
 Languente ductu vix traho spiritum.

Tu Numen adsis, & cadenti  
 Porge manum, medicosque morbo  
 Affunde succos. Cernis, ut ossium  
 Compago nutat ? nec bene sustinent  
 Artus labantem, dum laboro  
 Membra suo relevare strato ?

Vides, ut angor pectoris intima  
 Dirè occupavit ? Me cruciat dolor,



Timorque, & immitis remorsus  
 Spinâ animam laniante pungit.  
 Et tu paterni viscera pectoris  
 Occludis ægro ? nec grave rejicis  
 Fulmen ? nec extinguis furorem  
 Tanto oculi lachrymantis imbre?  
 Quousque Numen te juvat anxium  
 Terrere pectus ? Desine, desine  
 Ultriciû irarum, & modesto  
 Mite supercilium tenore  
 Demitte paullum, meque benignior  
 Tuere vultu, turbine & ultimo  
 Discriminis jam jam imminentis  
 Solve tuâ miseratione.  
 Nam quæ verendo gloria nomini  
 Tuo paratur, si subitæ immoler  
 Morti cadaver, victimamque  
 Me rapiat sibi gratam Avernus ?  
 Ubi inter umbras claustrî Acherontici,  
 Interque noctes noctibus obstitas  
 Nulli videris, nulla lingua est  
 Digna tuas memorare laudes.  
 Nondum meorum lachryma planctuum  
 Suprema fluxit, sit licet arida  
 Jam vena fletûs : incitabo  
 Irriguos lachrymarum in imbres  
 Arentis omnem pectoris impetum,  
 Ut copioso flumine pronatet ;  
 Dieque vultum, nocte stratum  
 Fletibus assiduis rigabo.



Jam me quis horror ? quis furor intima  
Sinûs medullas corripit ? & piâ

Inter pluentes cordis undas

Nube oculos animumque turbat ?

In me ira sævit, me pudor obruit,  
Quod inter hostes, quos patior diu,

Jam tot per annos firm reatûs

Ipse mei veteranus hostis.

Valete iniqui. Jam satis impii

Hausi furoris. Cedite, cedite

Profana turba. Subtrahenda est

Esca foco nimis æstuanti.

En lachrymantis mitis inaudit

Voces Olympus, seque pio in preces

Inclinat auditu. Quid ultra

Ira, furor, rabiesque possit

Hostilis in me ? Dispereant, ruant,

Aut erubescant, & melioribus

Flammis calescant, qui supremum

Interitum mihi quæsierunt.

PSALMUS VII.

Implorat auxilium contra persecu-  
torum calumnias, quas diluit ; & spe ple-  
nus gaudet æquitate Dei.

*Domine Deus meus in te speravi, saluum  
me fac, &c.*

**C**Alumniarum dum mare concitat  
In me procellas, dum Boreæ & Noti

Latus

Latus flagellant, & timenti  
 Naufragium minitantur alno,  
 Spe plenus à te, Numen amabile,  
 Opem requiro : tu preme fluctuum  
 Insanientium tumorem,  
 Et facilem mihi pande portum.  
 Qualis sub antris Armeniis leo  
 Famem severis dentibus asperans,  
 Si fortè prædam conspicatur,  
 Impavidam famis urget iram,  
 Et innocentes infilit in greges,  
 Ac dente sævo carpit, & unguibus :  
 Talis scelestorum ferocit  
 Ira meis inimica rebus,  
 Et me furoris postulat in dapem :  
 Nec est, salutem dextera quæ ferat ;  
 Aut rugientium exasperatis  
 Dentibus eripiat leonum.  
 Si contumaci pectore restiti  
 Legi Tonantis; si mihi iniquitas  
 Pejorum adhæsit ; si meorum  
 Interitum volui æmulorum;  
 Votorum inanis spes mea concidat,  
 Subdarque sævo victima acinaci ;  
 Fossisque costis tam nocentis  
 Pêrfidie cruor hauriatur :  
 Turbo fugacem me premat hostium,  
 Instetque tergo, vel trepidam celer  
 Fugam antevertat, vel paratâ  
 Cœde latus mihi utrumque cingat.  
 Me

Me comprehendat, me liget æneis

Arctè catenis, me subigat pede ;

Et quidquid illustre emicabat,

Pulveream fluat in favillam.

At si innocentes continui manus,

Purusque candor pectoris integri

Calumniarum vim repressit,

Cur jaculum manus in trifulcum

Non tendit iram ? Surge, tui ac mei

Vindex honoris ; finibus hostium

Immitte vexillum triumphans,

Et statue in foribus trophæa.

Tu lege sancis non violabili,

Virum innocentem nullus ut opprimat :

Quin ergo surgis non nocenti

Præsidium capiti daturus ?

Surge, & tenaci propositum tuum

Exemplo adurge : te populus frequens

Ultrò sequetur. Facta Regum

Imperiis grave pondus addunt.

Fac, ut Tonantis quisque potentiam,

Sceptrumque adoret : fama tuum ferat

Sub astra nomen, Judicemque

Te trepidus veneretur orbis,

Discatque, quando justitiæ tuæ

Stabo ad tribunal, te mihi Judicem

Ex institutis æquitatis

Esse simul, simul & patronum.

Si porro iniquus porrigat impiam

In arma dextram, defluat irritò



Vis omnis ictu ; nec timoris  
Acre gelu penetrabit ossa.

Nam tu, profundi qui abdita pectoris

Falli impotenti lumine perspicis,

Tu ductor, & custos proborum es,

Nec pateris pede deviante

Iniquitatis, vel scelerum impium

Calcere callem. Discite posteri

In me notata exempla ; quàm sit

Certa salus maculâ solutis,

Et corde rectis, quàm facili pluit

E nube Judex, cûi pia viscera

Sunt lenta in iras, plena quamvis

Dextra rogo caleat trifulco.

Quid ? an putabis , si semel ardeat

Iustas in iras, non placidum amplius

Vultum explicabit ? nec minarum

Ulla dies faturum videbit ?

O stulta, & atris pectora nubibus

Obducta ! tandem discite, discite :

Qui parcus iræ in non nocentes ,

Ille manu celeri rotabit

Telum in nocentes. Hinc ego turbinis

Vates futuri conscius ominor :

Si caute pectus inductis

Æmoniâ, veteremque callem

Non deferetis, corripiet manu

Fatale ferrum, cornua contrahet

Arcûs, & impellente nervo

Funercas jaciet sagittas.

Vestram in ruinam vos faciet suæ  
 Iræ ministros. Invida pectora  
     Sibi architectantur dolores,  
     Ipsa sibi fabricant ruinam.  
 Mens fraude prægnans parturit invidis  
 Tormenta : Justis quem fodiunt, lacu  
     Sorbentur ipsi. Structa demum  
     Techna suum petit architectum.  
 Quandoque nubes sacrilega invidis  
 Cælum sagittis impetit ; at suum  
     Retortæ in auctorem sagittæ  
     Mole ruunt violentiore.  
 Hanc ergo legem Justitiæ tuæ  
 Semper verebor ; lætus huic dabo  
     De corde plausus , & perennes  
     Mente humili celebrabo laudes.  
 Resume plectrum dextera : Delphicæ  
 Lauri coronent tempora ; carmina  
     Nascantur ultro, & sponte sacra  
     In cytharam veniat Poësis.

---

## PSALMUS VIII.

In dispositione universi admiratur  
 Creatoris magnificentiam, ejusque in ge-  
     nus humanum beneficentiam.  
*Domine Dominus noster, quàm admirabi-*  
*le est nomen, &c.*

Quacunque Phœbus provehit aureâ  
 Diem quadrigâ, cernit in omnibus

Tuæ verenda exempla dextræ, &

Attonito stupet igne grande

Molimen artis. Magnificentiam

Tuam loquuntur sidera flammulis,

(Sint muta quamvis) gestiuntque

In solium tibi convolare.

Tuas loquelæ ignara puertia

Laudes, & altæ encomia gloriæ

Lactente vagitu, & fluente

Ex oculis lachrymâ celebrat.

Hinc erubescat, si sileat tuam

Superbus hostis Magnificentiam.

Ab his peremptum subticentis

Invidiæ cadet omne robur.

Ego at reflexo in sidera lumine

Tuæ obstupefcam lucida dexteræ

Portenta, lunam, stelleumque

Agmen, opus manuum tuarum.

Admiror ista, & pendulus hæreo,

Dicamne vilem nunc hominem, cui

Hæc præparasti? An promereri

Tanta tui documenta amoris?

Sed nempe magnum tu facis: Angelis

Propinquiorem tu statuis; caput

Tu laureâ cingis coronâ,

Et Dominum pelago imperare.

Terræq; mandas, atq; operi tuæ

Præesse dextræ. Quidquid humo viret

Frugumq; fructuumq;, tellus

Ante pedes locuplete cornu



Fœcunda sternit : virgam ovium greges  
 Ejus verentur, collaq; sub jugum  
     Armenta mittunt, vestibusq;  
     Materiem pecudes ministrant.  
 Quodcunq; in auris navigat alitum,  
 Quodcunq; pinnis in pelago natat,  
     Mortalium pronâ veretur  
     Imperium veneratione.  
 O quàm stupenda est gloria nominis  
 Tui, verendum Numen ! ad ultimos  
     Diffusa terrarum recessus,  
     Atq; poli pelagiq; fines.

---

## PSALMUS IX.

Gaudet victoriâ, quam ope divinâ  
 de Goliatho retulit : in strage hostium  
 miratur superborum vanitatem, & divina  
     judiciâ ; & adventum Redempto-  
     ris suspirat.

*Confitebor tibi Domine in toto corde meo,  
     narrabo omnia, &c.*

Quidcunq; fervet pectore spiritûs,  
 Totum Tonantis consecro gloriæ :  
     Huic lingua, vox, cor, & medullæ  
     Obsequium dare laudis optant.  
 Exultet in te, qui mihi in intimo  
 Sinu est repositus sanguis, & impias  
     Post hostium vires repressas  
     Læta paret tibi lingua carmen.



Jam versa retro terga fugæ dedit  
 Hostilis ardor, languida jam jacet  
 Moles furoris, diffluitq;  
 Ante tuos oculos procella.  
 Ego inter hostes, & dubios metus,  
 Mavortis inter mille pericula,  
 Te Judicem elegi, tuamq;  
 Justitiam mea causa sensit.  
 Nam tu tribunal vindictium ignium  
 Mox occupasti, deq; reconditis  
 Armis reorum in ultionem  
 Arripuit tua dextra fulmen,  
 Quod nube ruptâ defiliit super  
 Collum nocentum. Tunc manibus chalybs  
 Diffluxit omnis; tunc ruerunt,  
 Quêis timidi latuêre, turres.  
 Illo tonitru percita concidit  
 Fama impiorum; nec memorabitur  
 Infame nomen; sed perenne  
 Fama DEI solium tenebit,  
 Quod supra Olympi sidera, & igneas  
 Supra quadrigas Solis, in aurea  
 Nube est locatum, quò severum  
 Justa Themis vocat ad tribunal  
 Mortalium res, five perennibus  
 Dignas coronis sidera postulent,  
 Seu flammâ Averni puniendas  
 Supplicium vocet æviternum.  
 Posthac tyranni pauperies jugum  
 Non extimescet. Sæviat impotens

Fortuna; nunquam destitutum  
 Auxiliis inopem occupabit.  
 Ardente qui te pectore diligunt,  
 Tuaq; gaudent currere semitâ,  
 Et si flagellentur sinistrae  
 Imperio graviore fortis,  
 Non deserentur. Fidite quæis DEI  
 Nota est potestas: nulla necessitas  
 In arcta coget, quæis tuarum est,  
 Magne DEUS, pia cura legum.  
 Vos innocentes, vos, quibus ætheris  
 Gustus medullas pectoris occupat,  
 Fervete plausu, Numinisq;  
 Et studium celebrate, & artes,  
 Usq; ad diremptas Oceano plagas  
 Narrate mundo. Scilicet huic amor  
 Conilans suorum est, sanguinisq;  
 Sollicitum studium innocentis.  
 Hæc cura porro sit tibi, siderum  
 Monarcha, de me; qui pedibus terror  
 Tot æmulorum, rideorq;  
 Ludibrium populi exprobrantis.  
 Ut te Sionis vertice in edito  
 Laudare fas sit, tu mihi vincula  
 Mortis resolvis, vindicasq;  
 (Grandis amor!) Libitinæ ab ungue.  
 Serenior hinc pectora gaudio  
 Persusa adorant, quam tua dextera  
 Præstat, salutem: quin fuisse  
 Fraude suâ malè ferjatas

Gentes ; & illo , quem mihi struxerant ,  
 Dolo implicatas cerno , nec amplius  
 Tenace visco compeditos  
 Possè Pedes iterum explicare .  
 Unde æquitatis se folio tuæ  
 Substernit Orbis ! discit & impium ,  
 Quem præparavit non nocenti  
 Interitum , sibi fabricasse .  
 Nam qui in recessus Pectoris intimos  
 Semel recepit Sacrilegam Dei  
 Oblivionem , unâ recepit  
 Tartaræ genus omne pœnæ .  
 Non sic egentes deferis in tua  
 Mandata pronos , nec tolerantiam  
 Deludis in finem tuorum ,  
 Quos rabies inimica mordet .  
 Exurge Numen , protere spiritus  
 Superbientum , nec sine , ut improbi  
 Sese arroganter , sublevare in  
 Astra manus potuisse , jactent .  
 Emitte cœlo , qui premat impios  
 Legum lupatis ; ut sapiant Phryges ,  
 Seroq ; discant : esse stultum ,  
 Velle DEUM exagitare bello .





PSALMUS Idem :

*secundum Hebræos X.*

Querimonia contra superbiam &  
iniquitatem tyrannorum : & implo-  
ratio vindictæ.

*Ut quid Domine recessisti longè ! despicias  
in opportunitatibus , &c.*

**H**eu me ! quid egi ? cur tuus à meo  
Favor recessit vertice ? despicias  
Ad te recurrentem ? nec adfers  
Pronus opem, auxiliumq; pressor  
Intemperatâ hinc flamma tyrannica  
Desævuit irâ , & quidlibet impotens  
Præsumptio audet , pauperemq;  
Igne furor malesanus urit.  
Vides ? & alto fulmina dormiunt  
Oppressa somno ? surge potentior ,  
Retunde iniquos , propriisq;  
Fraudibus illaquea nocentes.  
Quis ordo rerum ? plausus in impios  
Conspirat omnis : laudis iniquitas  
Mercede donatur , reisq;  
Vox populi fremitusq; servit.  
Cui cor rapinis , sanguine , cœdibus ,  
Dolisq; fervet , furrigit insolens  
Audaciam in cœlum , nec illi  
Cura DEI movet ulla pectus.

Huic nullus , orbem qui regat , est DEUS,  
Quem mente spectet , vel timeat : vias

Hinc

Hinc per palustres raptus, omne  
Tot scelerum bibit ore cœnum.

Audit, supremum vivere Judicem,  
Et ultionem instare pedissequam  
Culpæ, & jocatur, ac cruenta  
Fata suo meditatur hosti.

Haud, inquit, haud est, quem cojitis, Deus:  
Ancilla votum serviet ad meum

Fortuna semper, posterisque  
Illa meis famula obsequentem

Rotam movebit. Vana superbia est,  
Tumorque inanis, qui labiis gerit  
Et corde fraudes, & labores,

Quæisq; humilem cruciet, dolores.

Subseffor umbras, tuta cubilia,  
Ad instruendas insidias tenet,

Telumq; & arcum, ferrum, & arma in  
Interitum parat innocentum.

Acuto inermem lumine pauperem  
Observat, alto ut vulnere sanguinem

Exhauriat, vitamque dextra  
Eripiat violenta ferrô.

Qualis cavernis Armeniis leo,  
Si spectet agnum, protinus exfilit,

Ruitque, correptamque prædam  
Dilaniat truculentus ungue.

Aut qualis auceps fistulâ amabili  
Fingit volucrem, & chromata gutturis

Aptè æmulatur, pellicitque,  
Ut propior volet ad periclum:

Tum monstrat escam; sed viridi tegit  
Sub fronde casses : advolat innocens  
    Escæ volucris, moxque mortis  
    Victima retibus implicatur.  
Talis dolosi est machina pectoris,  
Silente quâ se consilio fovet,  
    Non esse Numen, quod videre  
    Corda queat scelere impiata.  
Si porro vincas, esse aliquem Deum;  
Obliviosum fingit, & arduo  
    Mundi implicatum labori,  
    Vel liquidæ medium innatare  
Cœli voluptæ, nec sibi sumere  
Humana curæ. Surge, sonantibus  
    Dextram sagittis Numen arma,  
    Et scelerum statue ultionem.  
Sed unde tanto abducitur impius  
Errore mentis? Scilicet improbè  
    Vel esse Numen, vel videre  
    Nostra, negat, facili vè dextrâ  
Piare culpas. Ast acies tibi est  
Acuta, Numen : tu numeras dolos,  
    Quêis innocentes opprimuntur;  
    Tu statuis meritas nocenti  
Pœnas furori : tu tibi pauperis  
Causam reservas : Orphanus in tuo  
    Sinu quiescit : tu superbam  
    Deprime stultitiam potentis  
Virtute dextræ : cum Duce criminis  
Exscinde crimen; nec tumulto super



Vel vivat auctor, vel superstes  
Fama loquatur opus tyranni.

Sic temperabit de folio Deus  
Subjecta mundi regna, & iniquitas  
Dejecta sede, cum cohorte  
Fracta caput sub Averna condet.

At non benignam pauperibus Deus  
Aurem negabit, pronus in omnia  
Venire vota, & supplicantes  
Auxilio facilis levare.

Favore demum quando humilem putri  
Terrâ levabit, discet iniquitas,  
Stultum esse, bellaci furore  
Fulmineum violare cœlum.

PSALMUS X.

Divino confusus auxilio contemnit  
iniquitatis & invidiæ minas; & celebratâ  
Dei justitiâ prædicit impiis supplicia.

*In Domino confido: quomodo dicitis ani-  
ma mea, &c.*

**S**pes fixa cœlo est. Nil mihi concutit  
Timore pectus. Sed quis in auribus  
Sonat susurrus? qualis, inquit,  
Passer abi, fuge in alta montis.

Non vanè aberro: perfidia invidum  
Tetendit arcum; disposuit suas  
Polus sagittas, & pharetram  
Mortiferâ rabie replevit,

Ut innocentem, pectoris integri,  
 Mentisq̃ue puræ, noctis in horrida  
     Umbra trucidet, toxicoq̃ue  
     Tincta rotet jacula in modestum  
 Et recticordem. Cerno (quid ambigo?)  
 Cerno superbo calce premi tua  
     Mandata, Numen, & tyranno  
     Innocuos lacerari ab ungue.  
 Quæ culpa Justî est? quò scelere abditam  
 Mentem impiavit? quod facinus procax  
     Lingua elocuta est? cujus audax  
     Dextra pium fitiit cruorem?  
 Hæc imputari si valeant, nequit  
 Scelus probari. Qui super æthere  
     Sedem locavit, cernit alto  
     Clausa sinu, ciliique nictu  
 Se nôsse prodit. Justus & impius  
 Hoc ad tribunal sistitur. Alterum  
     Coeli ad coronas, alterumq̃ue  
     Sulphureos jubet ire ad ignes.  
 Periculosâ currit in orbitâ,  
 Quem vasta moles tot scelerum premit:  
     Gratæq̃ue dum servit voluptæ,  
     Ipse sibi sua damna acervat.  
 Nam per catenam ducta cadent polo  
 Tormenta, pœnæ, diluvia ignium,  
     Sulphur, procellæ, turbinesq̃ue, &  
     Assiduus pavor ultionis.  
 Quin ergo gressum reprimis incita  
 Libido eundi, quâ trahit impetus

Cupiditatum, non modestâ  
 Imperium ratione ducit ?  
 Quem tu laceffis, justus & æquus est,  
 Sanctamque de te justitiam exigit ;  
 Et censor actorum severus  
 Nostra oculo vigilante spectat.

---

PSALMUS XI.

Invehitur in corruptelam sæculi,  
 & maledicas linguas. Sperat earum ja-  
 cula evadere.

*Salvum me fac Domine, quoniam defecis  
 Sanctus, &c.*

**S**uccurre cœlum ! porrige dexteram  
 Sæpe invocatam. Qui pius ambiit  
 Aut esse in orbe, aut nominari,  
 Ossa suâ sepelivit urnâ.

Nemo est superstes. Candida veritas,  
 Fidesque simplex, integritas, pudor,  
 Sincera libertas agendi est  
 Mortua, vel moribunda spirat.

Linguae veneno Theſſalico tument,  
 Coquuntque fraudes, & gravidæ horridâ  
 Mendaciorum nube, labra

Melle linunt, animumque felle  
 Plenum recondunt. Dispereant doli  
 Oris bilinguis, labraque perfidas  
 Mentita technas, quæque vano  
 Eloquio sibi blandiuntur.



Et vasta jactant : lingua potens mihi est,  
Ajunt, ut alto culmine gloriæ,

Rotisq̃ue Honoris confidentem  
Præcipitem dare ad ima possim.

Nam quis vetabit ? quis valeat meis  
Resistere ausis ? Nullius improbum

Mordebo frænum, nulliusq̃ue  
Imperio mea colla subdam.

Sed porro jactet. Vana superbia est,  
Cû lapsus instat. Quin brevis impio

Felicitatis est meatus ;

Quemq̃ue dies veniens superbum  
Vidit, jacentem despicit Hesperus.

Lamenta Numen pauperis audiet,

Dicetq̃ue : Surgam, dormientis

Tela manûs properè excitabo ;

Et innocentem numine sub meo

Tuebor. Ibit per mare fluctibus

Exasperatum, & per ruentes

Insidias sibi destinatum

Portum tenebit. Namq̃ue ego patrii

Favoris aurâ lina volantia

Implebo, tranquilloq̃ue somno

Oceani rabiem edomabo.

Sic pollicetur, cû nitidus fluit

Ab ore sermo, puraq̃ue veritas,

Examen argenti æmulata,

Cû precium repetita flamma

Dat, & nitorem. Ne sua fulmina

Solùm minari credite. Tunc ferit,

Cûm

Cùm non timetur. Fulgurantem  
 Mox sequitur grave fulmen ignem.  
 Tui favoris præsidium, Deus,  
 Nobis reservas : nos tua protegit  
 Manus, procellosumque motæ  
 Involans reprimat furorem.  
 Hinc ægra quamvis sit ratis, & minor  
 Pulsante fluctu, stabit ad obviam  
 Iræ procellam; postque dura  
 Bella suam referet coronam.  
 Non hæc quietis spes alat impios,  
 Quos inquietis amplexio rotat  
 Semper procellis : se eminere  
 Quando putant, cecidisse plorant.  
 Quisquis per astûs progreditur vias,  
 Et fraude in altum se solum ingerit,  
 Infamiam refert de honore,  
 Deque levi sua damna lucro.

---

PSALMUS XII

Pia querela de dilato auxilio divi-  
 no, quod contra insolentiam inimico-  
 rum implorat.

*Usquequò Domine oblivisceris me in  
 finem, &c.*

**E**Rgo perenni ( sic trepido mea  
 Mihi loquuntur crimina) tu Deus  
 Oblivioni me dedisti,  
 Nec memorem libet esse nostri ?

Adhuc feveri nube supercilii  
 Amanda claudis lumina ? nec finis  
     Patere Frontem ? candidumque in  
     Luce vetas jubar intueri ?  
 Quamdiu mearum sollicitudinum  
 Cogam senatum cordis in ara  
     Dieque mæsto, & lachrymante  
     Nocte meos recoquam dolores ?  
 Quamdiu supra me sacrilega efferet  
 Vexilla Avernus ? Respice lachrymas,  
     Quas mæstus effundo, & mearum ad-  
     mitte preces placidâ aure vocum.  
 Tu mi inter atras mortis imagines  
 Frontis pyropos instrue lumine,  
     Ne quando me caligo mortis  
     Perpetuis tumultet tenebris :  
 Nec gloriatur, funere qui meo  
 Suæ lucratur gaudia mentis, &  
     Voce insolente dicit : Euge !  
     Prævalui : jacet, & fluente  
 Tabo arrogantem pectore spiritum  
 Effundit hostis. Nempe meam sua  
     In lucra jacturam reponit,  
     Deque mea sibi morte vitæ  
 Adauget annos. At pietas tua,  
 Et mite pectus si mihi præbuit  
     Promptum levamen, anchoraque  
     In dubiis pelagi procellis  
 Firmavit alnum ; gaudia divite  
 Torrente mæsta in pectora confluent,



Tuoque confusus favore,  
 Quo toties miserum levâsti,  
 In gratiarum carmina spiritum,  
 Et ora solvam, & gloria nominis  
 Tui, perenni concinenda  
 Laude, meam cytharam occupabit.

---

PSALMUS XIII.

Detestatur impiorum scelera, & ad  
 eorum emendationem, ac proborum au-  
 xilium implorat Redemptoris  
 adventum.

*Dixit insipiens in corde suo : non est  
 Deus, &c.*

**H**Eu ! quod scelesti infania pectoris  
 Errore ducta est ? Sub tacito sibi  
 Locuta corde : quis ? quis, inquit,  
 Ille Deus, cui vel timoris,  
 Vel sancti amoris pendere debeat  
 Homo tributum ? Præmia Cælitum,  
 Pœnas Averni, Æternitatem,  
 Vana puta simulachra vocum  
 Nil audienti significantium.  
 Hinc ore frænos excutit impius,  
 Deoque & orbi abominandum  
 Se studiis facit ipse iniquis.  
 Et quantus horum est ordo ? per omnia  
 Adusque fines Imperia ultimos

Circumfero aspectum : nec unus

Perfidiae reperitur insons.

Quin & supremâ de speculâ Deus

Consideravit, num quis ab ultimo

Ad ultimum terræ recessum

Lege Dei sua gesta frænet.

Consideravit : Vidit & omnium

Moresque, gestusque, & studia, & modos

Ab æquitatis calle abîsse,

Et rapido per iniqua cursu

Ferri viarum. Non ego inania,

Vel falsa canto. Ringite eos loqui,

Et ponderate verba : fœtent

Ora cadavereo putore :

Guttur sepulchrum, linguaque toxicum,

Verbum sagitta, & Sulphurea halitus

Nubes Averni est, aspidisque

Labra tegunt vitiata telum.

Quodcunque fœdi filia pectoris

Vox ore profert, vel gravia in Deum

Blasphemiæ tela jactat,

Vel maculis notat innocentem

Famam proborum, vel vomit integra

Calumniarum plaustra, vel obruit

Dolis amicum, vel cruenta

Vulnera, fata, necesque spirat.

Hinc incitatis se temerarius

Turbæ procellæ gressibus ingerit,

Miscere rixas, seque in atras

Dissidiis animare cœdes.

Quantis rotatur fluctibus, heu miser !  
 Quâcunq̃ue spectat, quâ fugit, obviat  
     Fortuna fronte exasperatâ,  
     Et calidos remoratur æstus ;  
 Quêis ad putatam sese agit impiger  
 Felicitatem : ringitur, æstuat,  
     Speratq̃ue, desperatq̃ue, & intus  
     Bella gerit truculenta secum  
 Ignara pacis : nec timet ætheris  
 Summum Monarcham : sed tamen undiq̃  
     Haurit timores. Sic meretur,  
     Qui superûm posuit timorem,  
 Timere cuncta. An non malè perdit,  
 Quibus vel escam dat caro pauperum,  
     Vel sanguis haustum, nubilosa  
     Ex oculis animisq̃ue tandem  
 Vela amovebunt ? Actum agimus : suâ  
 Nunquam explicabunt cæca volumina  
     A fronte, qui nunquam Tonantem  
     Supplicibus coluere votis ;  
 Quamvis viderent mille periculis  
 Sese implicari, & corda pavoribus  
     Percelli ; ibiq̃ue se timere,  
     Nullus ubi scopulus timori est.  
 Sed ô tyranni ! cernitis, æthera  
 Adesse justis, & rigidâ manu  
     Tonare Numen in nocentes,  
     Et clypeo tegere innocentes :  
 Et nondum acerbo desinitis probos  
 Mordere ludo, candida simplicis



Ridere cordis verba, spemque,  
 Quam Domini locat in favore,  
 Jactare inanem ? O arbiter omnium,  
 Impunè crebrò læse, & adhuc tamen  
 Pie in scelestos ; nostra ad aures  
 Vota tuas patere advenire.  
 O quis volanti tandem Hyperioni  
 Affigat alas, ut celere advehat  
 Diem quadrigâ , quò propinquæ  
 Conspiciam radium salutis,  
 Jugumque collo demptum Acheronticæ  
 Captivitatis ! tunc effluet edito  
 Sione plausus, Israelque  
 Læta canet tibi metra laudis.

---

## PSALMUS XIV.

Moralis integritatis axiomata, quæ  
 constituunt justum, spemque æterno-  
 rum faciunt.

*Domine, quis habitabit in tabernaculo  
 tuo, &c.*

**A**Rgenteorum patria siderum,  
 Amata Divis Regia ; quis tuum  
 Calcare gressu limen, aut quis  
 Tecta meris habitata stellis  
 Subire dignus ? postque pericula  
 Subacta speret montis in editum  
 Cacumen eniti, & quietis  
 Perpetuæ gremio foveri ?

Quem

Quem nulla labe, aut macula inficit  
Iniquitatis ; quique tumultibus  
Excelsior vulgi jacentis

    Nullo animum vitiavit æstu.

Cûi purioris gratia pectoris  
Perspecta cœlis , integritas, fides,  
Omnisq̃ue virtutum senatus  
    Obsequiis latus omne cingit.

Cûi sub fideli pectore veritas  
Sincera, candorq̃ue in labiis sedet,  
Gestuq̃ue in omni, moribusq̃ue  
    Simplicitas adamata Divis :  
Nec scit, nec audet texere fraudibus  
Mendaciorum verba , nec impium  
    Molimen ore , aut cogitatu

    In niveos animi recessus  
Admisit unquam : qui mala nesciit  
Inferre Civi : qui neq̃ue sanguine  
    Manum inquinavit, nec furoris  
    Ulli animum referavit igni.

Si quando forsân lingua procacior  
Opprobriorum grandine sæviit,  
    Avertit obtutum, & nocentûm  
    Innocuâ bibit aure murmur.

Qui nec recurvum flectere poplitem  
Doctus malignis, nec facilis rea  
    Probare gesta, defluentes  
    In nihilum redigit superbos :

Magisq̃ue gaudet fidereas super  
Levare flammâs, quos melior fides,

Timorque commendat, sinum cui  
Integritas, pietasque honestant.

Qui, quæ spondit, non violabili  
Firmata pacto, servat, & integrâ  
Fide reponit, nec per astum  
Sancta studet violare pacta.

Qui foenerari nescius auream  
Solvit fluentes in pluvias manum;  
Nec, unde succurrit benignus  
Pauperibus, sua lucra quærit.  
Cui splendor auri limpida sordidis  
Non occupavit lumina nubibus,  
Nec spe, nec oblati gravavit  
Muneribus Themidis bilancem.

Hæc qui profundo pectore condidit,  
Factisque constans exprimit, orbitâ  
Salutis incedit, suusque  
Sorte vices variante stabit.

## PSALMUS XV.

In persona Christi rememorat  
suam charitatem, & gaudet sibi paratâ  
remuneratione.

*Conserve me Domine, quoniam speravi  
in te, &c.*

Insultat hostis, meque furoribus  
Suis amatam destinat hostiam:  
Adesto Numen, me tuere,  
Deque manu rape perfidorum.

Nam.



Namque unde sperem ? tu Deus es meus,  
Quamvis caduci corporis induar

Vili lacernâ , teque votis

Supplicibus venerer Tonantem,

Me non repelles. Non ego copiam

Fero bonorum , non meritis gravem

Ostento dextram : te creati

Nulla boni recreat voluptas.

Arcana nôsti , quæ mihi pectore

Clauduntur imo : quo feras in tuos

Amore justos , quos Sionis

In populum tibi segregâsti :

Quæ sit voluntas , quod studium mihi

Tuos fovendi. Quin amor anxius,

Quo sæpè in electos flagrabam,

Attonitum stupefecit orbem.

Artus premebat languor , & impotens

Dolor medullas ; jamque ferocior

Vis aucta morborum, ad secunda

Fila, Erebo Lachesis vocabat.

Ego fugacem corpore spiritum,

Viâ impeditâ , continui, & malo

Tuli medelam ; ut, qui jacebat,

Jam celeri pede inambularet.

At qui probroso in devia & avia

Errore ducti funeribus manus

Contaminârunt, jam profanis

Consiliis necis abstinebunt.

Sed hæc perenni sub tumultu juvat

Oblivionis condere : non ego

Ætatis exactæ sepulta

Facta meâ revocabo linguâ.

Sic & fluentes à genitoribus

Hæreditatis nomine copias

Argenti & auri, quasque adorat

Vulgus opes, memorabo nunquam.

Hæreditatis portio nam meâ

Cœlo reposita est; linea sanguinis

Deducta cœlo est: hîc & hæres

Jura patris mihi vendicabo.

Si quem juvabit fune Geometram

Possessionum scribere limites;

Dimetiatur evagantes

In spatia haud numeranda campos,

Sylvas, & urbes: non ego livido

Spectabo vultu. Nam melior mihi

Hæreditas cœlo est reposita,

Quæ spatio precioque tantum,

Quantum jacentes exsuperat polus

Terræ paludes. Gratia Numini

Debetur ista, à cujus igne

Mens radium bonitatis hausit.

Hinc sæpè longâ prociduius prece

Diem peregi, nec poplitem prius

Terrâ levavi, quàm tenebris

Atra diem sepeliret umbra.

Unde & dolores impete per meos

Fluxêre renes, & genibus gravis

Infixa spina est, quæ sapore

Nocte meos oculos vetabat.

Inter

Inter dolores hos mea lumina  
 Ad astra tollebam, & lateri Deum  
 Præsentem adorabam : hic paternam  
 Semper opem tulit invocanti.  
 Hinc spe futuræ post mea funera  
 Hæreditatis fretus, amabile  
 Suspiro cœlum, & totus amplo  
 Oceano nato gaudiorum.  
 Et lingua laudes exilit in tuas,  
 Mei voluptas unica pectoris,  
 Deus. Caducum funeratus  
 Cùm spolium tu paulo jacebo,  
 Adhuc superstes me mea spes alet  
 Vitam resumendi. Emoriar licet,  
 Tu me sepulchro suscitabis,  
 Nec putridam patieris escam  
 Dari chelydri. Jam mihi tramitem  
 Vitæ dedisti nôsse : quod ultimum est,  
 Metam obtinebo, & tu perennis  
 Lætitiæ mihi amœnitates  
 In fronte pandes. sæcula sæculum  
 Prius sequentur mille, quibus mihi  
 Ad dexteram tuam licebit  
 Cœlituum bibere ore nectar.





## PSALMUS XVI.

Contestatur animi sui rectitudinem, ejusque conservandæ studium. Implorat auxilium contra suos adversarios : & per imprecationem prædicit eorum supplicia.

*Exaudi Domine justitiam meam, intende, &c.*

**Q**uæ vox ad aures Numinis insonat,  
Est innocentis filia pectoris ;  
Morumque testis candidorum,  
Qui calido cadit imbre mœsta

In ora fletus : tu riguas Deus  
Vultu benigno respice lachrymas ;  
Et explicatâ admitte fronte  
Ad patrium mea vota pectus.

Tu, qui sereno in lumine mentium  
Secreta spectas, tu propius vides,  
Quàm corde puro, candidoque  
Proveniant mea vota fonte.

Assume munus Judicis ; at simul  
Ne pone patrem : temperet ultimam  
Sententiam rigorque amorque ,  
Quando meæ documenta cernis

Tot æquitatis. Tu ima cubilia  
Cordis probâsti : tu mihi noctium  
Umbris dolores addidisti, &  
Vota sinu bene clausa flammis

*Exa-*

Examinaſti, qualiter aurea  
 Examinatur maſſa : nec improbum  
     Quidquam repertum eſt, quod patrati  
     Me ſcleris faciat nocentem,  
 Ne lingua, frenò libera, ſæculi  
 Laudaret artes, lege ſilentii  
     Os obligavi, & ad ſeveram  
     Omnem apicem trutinam vocavi.  
 Atque, ut tuarum verba recondita  
 Promiſſionum ſanctiùs inſequi  
     Liceret, elegi labore  
     Difficilem ſuperare montem,  
 Quo pulchra virtus hospita confidet.  
 Periculofæ plena ſed aleæ  
     Reſ iſta, Numen. Ne vel errem  
     Calle tuo, vel iniqua fallat  
 Pedes euntis ſemita, tu mihi  
 Greſſus magiſter dirige, tu mihi  
     Dux, & levamen, per viarum  
     Ambiguos rege me reflexus.  
 Sic vota ſupplex, & gemitus pios  
 Depono ad aras. Tu quoque pectoris  
     Taſtus mei clamore, votis  
     Supplicibus Deus adſuiſti.  
 Et nunc, ut olim, ſe pietas tua  
 Exaggerato flumine gratiæ  
     Effundat in me, qui invocantùm  
     Semper amas precibus faventem  
 Præbere vultum. Sunt, quibus impiam  
 Manum armat æſtus, qui que potentiæ

Tuæ resistunt, ut furoris  
 Tela meo satient cruore:  
 At qualis alto in pulvere debilis  
 Pupilla curæ est; talis ab improbis  
 Tu me tuere, ac innocentem  
 Tuta tuæ tegat umbra dextræ.  
 Vides, ut instant? & velut agmine  
 Facto, cruentis me undique & undique  
 Vallis coronant, exulemque  
 Corde jubent pietatem abire?  
 Adduntque promptæ in funera dexteræ  
 Linguae venenuse; cumque periculis  
 Depræliantem me superbi  
 Ludibrio graviores rident.  
 Tentata frustra sæpius est fuga,  
 Laborque lusus: vel jaculis petunt  
 Certis fugacem, vel coronâ  
 Invidiæ latus omne cingunt.  
 Si fortè callis quis patuit fugæ,  
 Vestigiorum signa oculis notant  
 Impressa terræ, ut persequantur,  
 Et lanient mea membra dente.  
 Qualis per agros Armeniæ leo  
 Prædam voraci sollicitus fami  
 Vestigat, aut qualis paternæ  
 Se catulus feritatis hæres  
 Condit sub umbras, unde vagantibus  
 Instare prædis discat, & invidum  
 Dentem tenelli adhuc furoris  
 In juvenes animare prædas.



Sed surge Numen, telaque præveni  
 Cruditatis : quas mihi machinas  
 Struunt, in auctore retunde, ut  
 Retrogrado pereant furore :  
 Meque imminenti ut funere vindices .  
 Ferrum tyrannis excute dexteris,  
 Nec sustine, ut crudelitate  
 Sanguineâ premar impotentum.  
 Ab innocentum cœtibus impias  
 Turbas nocentum divide, quæis sui  
 Est cura ventris, quos refossas  
 Divitias juvat eripisse  
 Telluris imo : sit numerosior  
 Proles eorum, quæque penatibus  
 Par una multis ; gaudeantque  
 Multiplici fluvio in nepotes  
 Hæreditatem currere : me juvat  
 Servare labis non nocuas manus,  
 Purumque pectus. Cum patebit  
 Pulchra tuæ, sine nube, frontis  
 Spectanda menti gratia, tum mihi  
 Pura natabunt pectora gaudio,  
 Sinumque replebit voluptas  
 Illecebris cumulata Divum.



## PSALMUS XVII.

Canit Epinicion triumphale Divi-  
 næ Omnipotentiae, cujus ope liberatus est:  
 lætatur innocentiam suam, & in laudes  
 Divinas effunditur.

*Diligam te Domine, fortitudo mea, &c.*

**T**E demum amabo, vis mea, lux mea,  
 Robusta turris praesidii, anchora  
 Meae salutis; naufraganti  
 Tuta quies, placidusque portus.

Amabo, amabo te, clypeus meus,  
 Et murus hosti non penetrabilis,  
 Paventi asylum, in rebus arctis  
 Dulce animi trepidi levamen.

Vix præco laudes incipio in tuas  
 Laxare linguam, jam mihi candidis  
 Defertur alis Pax, & hostes  
 Exanimis cecidisse plaudit.

Jam me dolorum cinxerat agmine  
 Mors atra, jam me sulphureis aquis  
 Afflabat Orcus, jam impeditum  
 Me laqueis Erebus tenebat.

Deprensus alto ut navita in æquore,  
 Cum fervet æstus, cum Boreas Notis  
 Depræliatur, invocavi  
 Rebus in ambiguis benignum

In vota Numen: Lumine supplicem  
 Vidit paterno, nec lachrymis suas

Negavit aures ; protinusque  
 Terra suâ resoluta fede  
 Intra cavernas infremuit, vago  
 Commota vento ; culmina montium  
 Nutare visa in partem utramque,  
 Et trepidas agitare sylvas.  
 Namque atra fronti inducere nubila  
 Visum Tonanti est : fumea naribus  
 Ibat procella, & ignis ora,  
 Flamma oculos animabat irâ.  
 Ut imperantem sideri & æquori,  
 Terræque Regem deferat editò  
 In terram Olympô, totus altâ  
 Sede polus facili meatu  
 Defluxit ad nos : retrò pedissequa  
 Umbra insecuta est : at folium Deo  
 Dedêre Cherub, & volanti  
 Tergora supposuêre venti.  
 Tum densa circum in nubila fumeum  
 Volumen egit, seque recondidit  
 Atrò tenebrarum involucrò,  
 Et niveum jubar imbre texit.  
 Sed evibrati fulgura luminis,  
 Splendorque vultûs igneus, horridas  
 Fregêre nubes; unde nimbi  
 Et pluvix cecidêre flammæ.  
 At cùm soluto fræna silentio  
 Laxare linguæ cæpit, euntium  
 Fulgur sagittarum minantis  
 Signa necis per inane jactat.



Tellus hiatu rupta fluentibus  
 Recludit amplos fontibus alveos,  
     Pavensque fundamenta mundi  
     Eruit, & chaos in vetustum  
 Confundit orbem. Tanta potentia  
 Voci est Tonantis, cum merito intonat  
     Tormenta mundo, ac evibratis  
     Fulminibus sua sensa prodit.  
 Ille à supremo cardine dexteram  
 Porrexit, & me fluctibus obrutum,  
     Fatisque luctantem, voraci  
     Eripuit a plagi procellâ:  
 Confudit hostes, atque potentium  
 Elusit artes, quæis odio fui,  
     Qui ferro & igne, clàm, palamque  
     Fraude meum petière collum.  
 In rebus arctis ille pericula  
 Mei removit sanguinis, & vias  
     Inire iussit ampliores,  
     Omni animi vacuas timore.  
 Hæc est supremi gratia Numinis  
 Me diligentis: nec deseret  
     Me spes in ætatem futuram,  
     Dum qua animum vegetabit aura.  
 Hic nempe mentem in pectore candido  
 Puram videbit, quasque habeo manus  
     Intaminatas, præmiumque  
     Ille animo dabit innocenti.  
 Nam me nec error flexit ad improbos  
 Calles viarum, nec scelere impio

A lege cœli deviantem

Ulla dies, oculusvè Lunæ

Conspexit unquam. Sic mihi scilicet

Verenda Olympi jussâ per arduæ

Callem æquitatis ambulanti

Innocuos sine labe semper

Rexêre gressus, ut facili jugum

Labore ferrem, per licet asperas

Vias, nec ullo, ponderosum

Essè humeris, gemitu faterer.

Hâc semper ibo, dum mihi Spiritus

Fovebit artus ; mentis & integræ

Servabo candorem, nec ullâ

Labe nives animi inquinabo.

Et Numen æquâ retribuet mihi

Mercede vitam, & præmia pondere

Virtutis appendet, pariâque

Et meritum, & sua dona lance

Examinabit. Nempe tibi, Deus,

Est tanta nostri, quanta solet tui

Cura esse nobis : innocenti es

Innocuus, probo amico amicus,

Justusque justis, & gravibus gravis,

Atque hostis hosti : tu obsidionibus

Periculorum convolutas

Res humilis populi tueris.

Tu fastuosi grande supercili

Jubar potenti deprimis impetu ;

Tu me natantis vulgi ab ima

Nube levas, statuisque clarâ

In luce servum, nec pateris levi  
Nigrari ab umbra : te Duce aheneas  
Rumpam phalanges, te magistro  
Indomitos superabo muros.  
Ut sanctus ipse est, sic amat & suos  
Sancto viarum currere tramite :  
Quæ spondet, & quæ mandat, auro  
Invidiam faciunt per ignem  
Examinato : confugientibus  
Ad sese, asylum est ; & clypeo tegit  
Cum spe recurrentes ; vetatque,  
Si trepidi moveatur orbis,  
Pavore tangi. Dicite, faxeos  
Auroque fusos qui colitis Deos,  
Alternè cœlo est, univrsum  
Qui dominus moderetur orbem ?  
Ille inter hostes inviolabili  
Me Marte cinxit : me docuit pari  
Tenore semper innocentum  
Ire viam maculâ carentem.  
Ineruditos ille fugæ pedes  
Veloce cervorum induit impete,  
Proculque subductum periculis  
Me statuit super alta montis.  
Ille in severo turbine, & hostium  
Circum procellâ me docuit manu  
Tractare ferrum, brachiumque  
Ille mihi solidavit ære.  
Te rursus adoro : tu mihi pectoris  
Scutum fuisti non violabile



Vel vi, vel armis : te magistro  
 Ire vias didici æquitatis :  
 Plenumque & amplum tu trepido mihi  
 Callem dedisti ; perque pericula,  
 Per hostium elusos furores  
 Intrepido pede inambulare.  
 Bene auspicatum Numine sub tuo  
 Inibo bellum : persequar hostium  
 Agmen meorum : comprehendam :  
 Nec gladium prius amovebo,  
 Quàm strata virtus ante pedes meos  
 Deponat arma, & robore perduto  
 Despumet iras, nec priores  
 Post valeat reparare flammæ.  
 Ineruditam tu mihi dexteram  
 Armis gerendis instruis, & fibras  
 Accendis igne Martiali,  
 Subque meas inimica cogis  
 Vexilla plantas. Hic gemitus, dolor,  
 Clamorque ferus ; nec sequitur salus  
 Prece invocata, nec benignâ  
 Tarda Deus bibit aure vota.  
 Hoc concitatus pulveream velut  
 Nubem rotabo, quam Boreas Noto  
 Pugnante versat : ceu lutosam,  
 Et pluvio Jove diffluentem  
 Calcabo terram. Ne petulantiam  
 Vulgi insolentis ridear, auream  
 Tu me locabis imperantum  
 Sede, supra populi jacentis

Undas minores : imperiis tuis  
Parebit ultrò, qui latet ultimo.

Mundi recessu, & qui remotis  
Littoribus sua castra fixit.

Ad me redibit, qui malè perfidus

A me recessit : quiq̃ue meos lupos  
Nunquam momordit, Regiæq̃ue  
Attonitus novitate famæ

Augusta dextræ sceptrâ verebitur.

Ut ergo laudum summa tibi, Deus,  
Qui destitutum me propinquæ  
Funereo sp̃is ungue mortis.:

Qui vindicantis fulmine dexteræ  
Prosternis hostes, juraq̃ue sub mea  
Gentes remotas præpotente

Lege trahis, populosq̃ue cogis  
Mordere frænos. Hinc tibi gloriam  
Non terminando carmine concinam :

Tuiq̃ue longinquas in oras  
Remigio famulantis auræ  
Ibunt honores. Tu quoq̃ue perfidas  
Turmas vicissim comprime, & obviam  
Averte telorum procellam,

Meq̃ue tui tege scuto amoris.  
Et quod supremum est; fac decimos mea  
Uisq̃ue in nepotes linea defluat,  
Cûi Regiæ jubar coronæ,  
Imperium, soliumq̃ue firmes.

PSALMUS XVIII.

Sapientia Dei relucet tam in mundo condito, quam in legum constitutione; quarum observandarum Zelo tenetur Propheta.

*Cœli enarrant gloriam Dei, &c.*

**A**ttolle cœlo lumina, jam diu  
Infixa terræ, gens malè conscia  
Erroris, & pulchram tuere  
Siderei faciem theatri.

Hæc Architecti se sapientiâ  
Stetisse narrat, seque stupentibus  
Evulgat astris, machinæque  
Artificem loquitur Tonantem.

Dies prioris filius insequens  
Audit parentis verba, quibus Deum  
Testatur auctorem; suisque  
Nox tenebris loquitur sequenti

Nocti stupendæ munera dexteræ;  
Quæ solis ignem, argentea sidera,  
Lunamque suspendit, solumque  
Cinxit aquis, mediisque terram

Firmavit undis. Nec tenui fluunt  
Verba hæc susurro, qui nequeat procul  
Aures ferire, & dormientium

Corda suo strepitu excitare.  
Nam quâ micantes Sol radios jacet,  
Seu manè surgat, Vespere seu Tagi



Se mergat undis, in revulsis  
 Orbe plagis, pelagoque terris  
 Tam furda nulla est, cujus in auribus  
 Cœleste carmen non sonet, & suum  
 Loquatur auctorem, polorum  
 Atque soli fabricata moles.  
 Sol ipse lingua est : seu juvenilibus  
 Aurora comptum crinibus evehat  
 In alta cœli, seu cadentem  
 Excipiat liquida urna ponti,  
 Sui Architecti vim sapientiæ  
 Toto orbe differt : manè velut novus  
 Sponsus decurra fronte, & auro  
 Conspicuus, radiantis ignem  
 Educit oris : tum volat aureis  
 Vectus quadrigis ætheris arduum  
 Usque ad cacumen, pendulusque  
 Axe, diem pari utrinque lance  
 Dispensat orbi : deinde fugacium  
 Cum terga æquorum præcipitem in fugam  
 Urget flagello, par giganti  
 Grande brevi spacium polorum  
 Metitur horâ. Cardine ab ultimo  
 Ad ultimum ausu præcipiti volat,  
 Reditque rursus orbem  
 Irradiat redivivus igne;  
 Secumque semper fronte meridiem,  
 Quâcumque fertur, circumagit ; neque  
 Solaris experiri caloris  
 Barbaries habet ulla terram.

Tali Tonantis dixero lumine  
 Splendere legem. Nuncia Numinis  
     Intaminata, & pura, nata  
     Indomitas cicurare gentes,  
 Viamque honesti sternere perfidis,  
 Probosque nutu simplice flectere,  
     Adest fidelis obsequenti,  
     Et teneras sapiente luce  
 Mentis adornat : regula semitæ,  
 Lex innocentis, pectoris unica  
     Recti voluptas, perque tectum  
     Noctis iter radiosa lampas.  
 Hæc sanctioris spicula Jovibus  
 Figit timoris ; quæ semel indita  
     Hærent profundè, nec per annos  
     Ex animis, veniens vetustas,  
 Erodit unquam. Dicite, lubricâ  
 Quem fraude lusit ? sive perennibus  
     Justos inumbraret coronis,  
     Sive reos stygis ad pavendas  
 Damnaret umbras ? Omnia legibus  
 Aguntur æquis, quas sibi veritas  
     Scripsit tabellis ; addiditque  
     Illecebras, ut amœniores  
 Sint obsequenti, Hinc grandine gemmæ,  
 Auriq[ue] nimbo, nec fluido min[us]  
     Torrente mellis gratiores  
     In penitos animi recessus  
 Blandè feruntur. Sic propriâ mihi  
 Docere fas est experientiâ :

Nam tramitem legum tuarum  
Lætus ij, facilemque gressum  
Lactavit undans copia præmii  
Cœlo repositi. Sed quid amabilem  
Renarro mercedem? quis ausit  
Hanc meritis sibi polliceri!  
Heu! nulla, nulla est vis sapientiæ  
Tam perspicacis, quæ satis intimi  
Errata cordis deprehendat,  
Quæque suâ gravitate penset.  
Sunt, quæ recessu pectoris abdita  
Latent, nec ullis indiciis suum  
Produnt ventum: sunt putore  
Quæ socius male fidus afflat.  
Ab his repurga me Deus, & pias  
Infunde flammæ, quæ tacitum expient  
Fibris venenum, nec mearum  
Imperium grave ferre cogar  
Cupiditatum. Bella domestica  
Affectuum si pressero, candidis  
Ibo quadrigis, nec latentem  
Ulla sinum macula impiabit.  
Tunc & mearum vota precum tibi  
Erunt voluptas, tunc taciti sinûs  
Responsa grata; tunc favente  
Aspicias mea sensa fronte.  
Hic sisto carmen; meque profundius  
Benignitatis mergo tuæ mari,  
O fons salutis! ô Redemptor!  
Una meis medicina morbis.



PSALMUS XIX.

Victoriæ & incolumitatis vota

Regi cum suis hostibus congressuro.

*Exaudiat te Dominus in die tribulationis, &c.*

**S**I quando ferro barbarus hosticæ

Crudelitatis sæviat impetus,

Hincque igne terras, regna, & urbes,

Inde homines populetur ense,

Virtute, damnis cedere nesciâ,

Affurge fortis. Prælia cùm feres,

Exaudiat Numen rogantem,

Detque tuis Deus Israelis

Munimen armis, Hic tibi copiis

Addat calores auxiliaribus,

Tuumque pectus de Sione

Vindicibus tueatur armis.

Gratâ revolvat mente tot hostias,

Tot victimarum munera, quæ sacras

Tulisti ad aras, quando cœlo

Mille greges jacuere donum :

Pronusque anhelis vota calentia

Cordis secundet : Consilium tuum

Eventa firment ; quæque poscis

Cuncta fluant libito petentis.

Tunc nempe bello sanguineo redux,

Dicere vindex patriæ, & artifex

Nostre salutis, & triumpho

In medium populi invehere.

Omnisque circum te fremitu colet  
 Undante Civis, vota que ad æthera  
     Densata fundet : Quod precari  
         Astra avidus valet appetitus,  
 In te profuso munere depluant.  
 Nunc erudimur, munere Numinis  
     Venire, quod Rex hoste fuso  
         Incolumis repetivit urbem.  
 Exaudietur, cum prece supplici  
 Cœlum vocabit, seque potentia  
     Armabit æther, & patrono  
         Incolumem teget inter arma  
 Favore Regem. Perge curulibus  
 Latè per orbem nominis inclitum  
     Jactare splendorem, & volatu  
         Pegaseo per inane ferri,  
 Quem picta virtus, quem fatui juvat  
 Splendoris ignis : nos in atrocia  
     Bella, & procellas Martiales  
         Ire juvat meliore scuto  
 Tectos verendi nominis, & Dei  
 Vocare Numen rebus in asperis :  
     Calcata qui per vilioris  
         Colla gregis super alta nisu  
 Sese efferebant, sorte retrogradâ,  
 Lapsu insecundo, præcipites ruent,  
     Seroque damnabunt superbos  
         Se temerè subiisse calles.  
 Horum per agros strata cadavera  
 Nostros triumphos altiùs evehent ;

Et nostra de illorum cupressis  
 Dextra oleas, viridesque cœdet  
 Secura palmas. Sic tibi supplices  
 Attende Numen, perque pericula  
 Tuere Regem; quando honori  
 Grata tuo meditatur arma.

---

PSALMUS XX.

Gratiæ de reportata victoria: au-  
 gurium perennis gloriæ, & pleni ex-  
 terminij.

*Domine, in virtute tua latabitur  
 Rex, &c.*

**J**Am Marte fracto victor ab hostibus,  
 Non indecoro pulvere sordidus  
 Rex se reducit, & serenam  
 Restituit patriæ quietem.  
 Tuæ has fatetur munere dexteræ  
 Fluxisse palmas, Numen amabile;  
 Tu robur armis, tu labori  
 Vim sociam, ac animum addidisti.  
 Desiderari quod potuit, tulit  
 Te largiente, & sat fuit unicum  
 Movere labrum, ut obtineret,  
 Quod tacitis animi latentis  
 Votis amabat: quin humiles preces,  
 Et vota nondum nata, celerrimâ  
 Præoccupasti largitate, &  
 Melle sinus, opibus penates,



Honore stirpem, prælia laureis,

Amore Cives, perfidiam metu

Largè imbuisti, & commodorum

Omne genus facilis dedisti.

Non postulanti : Regia dexteræ

Sceptra intulisti, sanguine muricis

Latus decorâsti, & coronæ

Mite jubar capiti indidisti.

Vitam poposcit : scilicet hoc minùs

Tuâ arbitratus munificentia,

Vitam dedisti, cui nec ætas,

Nec Lachesis violenta possit

Locare metam. Quis tatus honoribus

Incedit auctus ? gloria laureas

Quàm magna honestat ? quanta Regis

Fama vehit super astra nomen !

Sed nec futuris gloria sæculis,

Deperdet alas. Tu, Deus, altiùs

Vulgò eminentem collocabis

Sede, sui populi unde possit

Audire plausus, votaqué civium

Spectare suavi non sine gaudio,

Quod fronte de tua reflectis

In populum, populiqué Regem.

Hic nempe sacram in te jacet anchoram

Spei ; & timoris nescius, obvias

Martis procellas asperati

Intrepidæ secat arte dextræ.

Euge ! in rebelles fortior emica

Miles cohortes. Si qua superstitis

Est hostis ira, in terga eorum  
 Fulmineos age Rex furores.  
 Quæiscunq̃ sævus livor in ossibus  
 Adhuc ferocit, vindice sentiant  
 Se quæri ab ira, nec fugacēs  
 Ulla tegat latebris caverna.  
 Fervente qualis bullit inæstuans  
 Fornace flamma, & semet in igneas  
 Convolvitur iras, arborumq̃  
 Exuvias agit in favillam.  
 Talis recenti fortior impete  
 Afflabis hostes, moxq̃ cadentium  
 In pectora incumbens jacentū  
 In nihilum rediges furorem.  
 Demolieris tecta minantia  
 Cælis, & arces, marmora Phidiæ  
 Labore signata, & per arma  
 Progeniem vitiosiore  
 Radice vulsâ stirpitūs erues.  
 Te namq̃ contra damna retrograde  
 Pulsu movebant, & malignâ  
 Fraude nefas animo coquebant,  
 Et vota alebant irrita pectore.  
 Te terga ferro diffugientium  
 Urgente, vel per non honesta  
 Vulnera mortis erunt cadaver;  
 Vel ora vertent, ut caveant tuo  
 Impulsa nervo spicula, & obruti  
 Nimbo sagittarum, pudendis  
 Funeribus properata ad imum

Ibunt avernum victima. Dexteram  
 Attolle Numen, votaqué Regia,  
 Et vota plebis, civiumqué  
 Prosequere auspiciis secundis.  
 Tum dulciori carmine barbitus,  
 Et lingua, & omnis te populus canet :  
 Negare te semper nocenti  
 Auxilium, dare non nocenti.

---

## PSALMUS XXI.

Argumentum hujus Psalmi secundum litteram, & allegoriam, est Passio, & Resurrectio Christi, & fidei per totum Universum triumphus.

*Deus Deus meus respice in me, &c.*

**P**ater verende (heu ! nescio, num meum  
 Vocare fas sit, quando minus meus  
 Videris esse) cerne, quanto  
 Me pelagi rotat unda fluctu :  
 Et cur repellis ? nec mihi supplici  
 Manum patronam porrigis ? argue,  
 Quod crimen admissum, quod arcet  
 Me ore tuo, placidoqué vultu ?  
 Pulsare nunquam desino sidera  
 Clamore cordis : dum gemo, tu siles ;  
 Suspiro, non audis : diesque  
 Noxque mihi lachrymis peractæ  
 Nihil reponit. Gloria tu tamen  
 Es Israël : tu colis atria



Quæ sanctitati dedicâsti,  
 Anchora tu Patribus fuisti.  
 Tibi salutis non dublæ patri  
 Se crediderunt ; tuque periculis  
 Longè procellarum remotos  
 In placida statuisti arena.  
 Nemo tibi se credidit irritâ  
 Spe : nullus hosti ludibrio fuit,  
 Qui rebus afflictis Tonantis  
 Auxilium pius invocavit :  
 Vulgò sed illos-altiùs extulit  
 Formosa virtus. Non ego me pari  
 Honore dignabor, & tulcæ  
 Ludibrium opprobriumque turbæ  
 Qui me videbant sub miserabili  
 Sortis flagello, protinùs impios  
 Me per cachinnos, perque nictus,  
 Per labii, capitisque motus,  
 Infanientis plebis in obvium  
 Jocum trahebant : En preciosus hic  
 Est, inquiebant, quem Tonantis  
 Lambit amor ; cui certa Numen  
 Dedit salutis signa : potentiam  
 Nunc ille cælis exerat, & suo,  
 Quem diligit, servo fideli  
 Præstet opem, manibusque nostris  
 Vellat rogantem. Sed tibi debeo  
 Immensa Numen : tu mihi & obstetrix  
 Nato fuisti : tu tenellum  
 Officio gerulæ puellum

Portâsti in ulnis : tu mihi ab ubere  
 Lac præbuiſti : tu fluido mihi  
     Cum lacte pectus roborâſti,  
     Spemque tui tribuiſti amoris.  
 Nunc, cùm ſupremis dura periculis  
 Me ſors fatigat, cùm parat Atropos  
     Secare ſtamen, nec cadenti  
     Auxilium manus ulla præſtat,  
 Ad te recurro. Ne mihi longiùs  
 Abſcede Numen. Cernis, ut undique  
     Tauri mihi latus coronant,  
     Et fremitu, & rabie, ſuprema  
 In fata poſcor ? Quælis inasperat  
 Leo ore dentes ; & properam unguibus  
     Infundit iram cùm innocentem  
     Inſequitur furibundus agnum :  
 Tales timendis faucibus imminent,  
 Et rugientes vulnera, funera,  
     Cædemque poſcunt : interimque ,  
     Dum Subigor pedibus nocentium,  
 In lachrymarum flamina diſfluo,  
 Et exlocatis oſſibus omnium  
     Compago nervorum recedit ;  
     Et, liquido velut amne cera,  
 Exuſta cordis viſcera diſfluunt ?  
 Exaruerunt, in Samij modum  
     Laboris, omnes fibræ, & oſſa,  
     Viſque manûs, animique robur.  
 Calore aduſta, & deſiciens ſiti  
 Palato adhæret lingua , nec uſpiam

Vel fontis argentum , vel una  
Gutta siti micat in levamen.

Jam jam propinquæ mortis ad ostium  
Vicinus adito : dum canibus latus

Ad omne cingor, dum maligni  
Concilii vocor ad tribunal

Fraude opprimendus : dum sodiunt manus  
Pedesque ferrò ; nudaque corporis  
Suâque devestita carne

Ossa legunt, numerantque fibras.

Exhausta postquam vis rabidi cadit  
In me furoris, non saturi meis

Malis, atroce in foras præbent

Dulce suis oculis levamen :

Gaudentque fuso sanguine languidum

Me contueri, & corpore livido

Direpta vestimenta sortis

Arbitrio dare dividenda.

Tu saltem , iniquis dum premor ausibus

Tot belluarum, ne mihi longius

Abstiste Numen ; sed benigno

Auxilium propera favore.

Tu destinatos in mea viscera

Ferri rigores non penetrabili

Repelle scuto ; tu latrantium

Ora canum, & rabidos Leonum

Compesce rictus, cornuaque efferi

Frangere unicornis ; nec tacitæ facis

Languenta flammâ , sævo ab hoste

Disimula mea damna posci.

Tum



Tum morte victâ, grandior aspici,  
Campo reversus, nomen honoribus  
Tuum verebor, cætibusque  
Facta tuæ memorabo dextræ.

O qui Sabæo thure veremini  
Aras potentis Numinis, inclytum  
Cantate nomen, gaudioque  
Progenies generosa Jacob,

Testare tantæ munera gratiæ,  
Quâ vota cœni supplicis in pias  
Admisit aures, nec rogantis  
A precibus sua vertit ora.

Hinc copiosis te Generantium  
Mixtus catervis, primus in arduo  
Templo Eucharisticum intonabo  
Carmen, & innumeras ciebo

In vota turmas. Hic ubi dapifiles  
Panis Sacerdos immolat, à sacra  
Mensa resectus pauperum grex  
Insolitam modulatus oden

Satur recedet, perque sonantia  
In omne vulgus carmina, gratias  
Deo rependet, qui futuræ  
Dat populis alimenta vitæ.

Oblivionis nubila frontibus  
Deterfa claro Numinis indici  
Soli patebunt; unde ritus  
Sacrilegos veterum Deorum

Damnabit orbis; thuraque nomini  
Tuo sacrabit: nam tibi competunt

Et jura terræ, & jura cœli,  
 Et liquidæ dominatus undæ.  
 Reges ab orbis finibus ultimis  
 Venêre ad escam; quævisque potentia  
 Blanditur auro, quos voluptas  
 Deliciis opulenta nutrit,  
 Venêre, & escis edomitâ fame  
 Flexêre virgas, & diademata,  
 Omnemque pompam, purpuramque  
 Ante tuas posuêre plantas.  
 Sic fastus omnis concidat, & suas  
 Deponat alas: sic ego limine  
 Redux sepulchri; fœdæ meorum  
 Turba suum numerosa Numen  
 Colet Nepotum: fidere nuncio  
 Sic discat omnis linea posterum  
 Post nasciturorum, suavem  
 Justitiæ fideique legem

---

PSALMUS XXII.

Sub vario schemate describuntur  
 effectus Divinæ gratiæ, quos in electis  
 operatur.

*Dominus regit me, & nihil mihi de-  
 erit, &c.*

**F**ELicitatem providus hanc mihi  
 Indulsi æther, inter oves tuas  
 Ut censear, Pastor benigne,  
 Et merear numero tuorum

Dignus.

Dignus vocari. Tu mihi pascua  
Amœna pandis : tu mihi dirigis  
Calles viarum : tu ambigenti  
Invigilas oculo paterno,  
Ne quam egentem deficiat bonum.  
Prope admeantis littora fluminis,  
Ubi virentē se smaragdo  
Comit humus , placidoque campo  
Jucunda gustum pabula provocant,  
Me collocāsti, & de fluvii vitro  
Inebriāsti, deviumque, &  
Præcipitem revocare gressum,  
Ac Æquitatis potēre in orbita  
Blândē imperāsti : quā humeris tuis  
Fractum reportāsti : quod ultrā  
Vivo, & adhuc stygio superstes  
Ago leoni, nominis hoc tui est  
Insigne munus. Nec mihi, per vias  
Si fortē anhelas ducat error,  
Aut Lachesis rapiat per umbras,  
Timore pectus sollicitabitur :  
Tu namque mecum es : tu mihi semita,  
Tu dux, & astrum, tu patronus,  
Tu dubiæ clypeus salutis.  
Rectrix tuarum virgo ovium, tuum  
Pedum, meorum grande levamen est  
Mihi laborum, gratiusque  
Si feriat manu amante, quā si  
Parcat severo tangere verberē.  
Quin & beato nectare divitem,



Cibo peregrino gravatam,  
 Ambrosiæ cyathis fluentem  
 Mensam parâsti; meque dolentium  
 Spectantiumque in dedecus hostium  
 Adesse convivam imperâsti, &  
 Deliciis epuli accubare.  
 Tu defluentes unguine balsami  
 Tingis capillos, unde fragrantia  
 Discedit, afflaturque rebus  
 Suavis odor melioris auræ,  
 Gemmis & auro, quem mihi porrigis,  
 Scyphus coruscans, quantus amabili  
 Spumat Lyæo, cûi nunc ausint  
 Ambrosiæ cyathi, nec undans  
 Certare nectar. Grandior hinc mihi  
 Spes est futuri. Scilicet exitum  
 Ad usque vitæ, præeuntem  
 Me pietas tua subsequetur:  
 Donec peracto curriculo, novus  
 Hospes beatis sedibus inferar,  
 Et mole carnis defluente  
 Mens superum volet ad theatra.



Ad cœlum non pertingunt, nisi  
 iusti, & qui expectant redemptionem  
 Israël, quibus cœli janua aperitur.

*Domini est terra, & plenitudo ejus &c.*

**Q**uæcunque tellus, seu rigidâ plagâ,  
 Seu mitiori continet, omnia  
 Illius â dextra reguntur,  
 Qui Superûm dominatur astris.

Hic grande pondus pensilium orbium  
 Dextræ potentis robore sustinet,  
 Et quidquid illis continetur,  
 Præsidio graviore fulcit.

Terram ambientis fluctibus æquoris  
 Innare iussit, quæque frementibus  
 Pulsatur undarum procellis,  
 Impavidum caput elevare.

Fontes per imos currere montium  
 Dedit canales; unde meantium,  
 Vis fluminum crescit, soloque  
 Pendit aquæ riguæ tributum.

At illa sedes propria Numini est,  
 Quæ Sole, & astris exspatiantibus  
 Dispuncta latè terram & æquor  
 Æthereo tenet igne cinctum.

Huc vota tendunt multa: sed omnibus  
 Non est facultas indita. Quis tamen  
 Conscendet in montem? aut beato  
 Colle gradum stabilem locabit?

Cui pura mens est, cui manus innocens,  
 Immunis auri, & nescia munerum;  
 Cui insolentis vanitatis  
 Nulla animum maculavit umbra :  
 Quem nullus error tramite devio  
 In falsa duxit, nulla cupiditas,  
 Fraus nulla adegit, peierando  
 Damna sui cumulare fratris.  
 Hunc lapsa nimbo gratia perpluet,  
 Sinuque Divum suscipiet favor;  
 Huic astra cœli largientur  
 Magna sui documenta amoris.  
 Hoc calle jêrunt, quotquot ad ætheris  
 Venêre sedes : hanc adiget gradum,  
 Quicunque quærit in beata  
 Luce Dei faciem videre.  
 Et jam triumphans grande sequacium  
 Agmen clientum Rex trahit, & polis  
 Succedit : alatae catervæ  
 Spirituum, properate clausi  
 Portas Olympi pandere. At audio  
 Quæri : Quis hic Rex ! qui sibi gloriam  
 Hic vindicaturus, triumphum  
 Accelerat properante passu ?  
 Bellator ille est fortis, & inclytus  
 Ab hoste cæso, pulvere sordidus  
 Adhuc Gradivi : cujus armis  
 Emoriens dedit hostis herbam.  
 Instat triumphus : surgite Principes,  
 Qui pura olympi clauditis atria,



Levate portas : victor urget  
 Æthereas subiturus arces :  
 Quæ rursus eunti sit mora ? Quæritis  
 Quis ille sit Rex ? omnia dixero  
 Compendiosè : Rex beatis  
 Qui superùm dominatur astris.

---

## P S A L M U S XXIV.

Spretis mundi cachinnis & illusionibus  
 spem suam fundat in Deo, cujus  
 auxilium implorat.

*Ad te Domine levavi animam meam, &c.*

**E** Vectus alis & fidei, & spei,  
 Ad te profundo è pectore spiritum  
 Deus levavi : imò profundas  
 Corde preces, oculis severis  
 Tu non repelles. Non ego perluam  
 Rubore vultum, non mihi diffluet  
 Pudor verecundus per ora,  
 Nec populi malesani iniquis  
 Exsibilabor risibus. Omnium  
 Est dogma certum : Qui tibi se facrat,  
 Speratque, sustinetque, nullo  
 Opprobrio patiêre tangi.  
 Illis pudoris se nebula impium  
 In os refundat, quos malè conscius  
 Irretit error, quos severis  
 Impietas cohibet catenis.

At me obsequentem legibus ætheris  
 Non impedito dirige tramite,  
 Quô per salebras culta gemmis  
 Regna poli liceat subire.  
 Lux ambulanti sit mihi veritas,  
 Tectisque mentem fraudibus explicet:  
 Tu Dux ad astra; te supremum  
 Nosco meæ columnen salutis.  
 At lubricantis si pedis impetum  
 Error fefellit; si malè credula  
 Juventa calle tortuoso,  
 Per salebras vitiorum, inanes  
 Absumpsit annos, & fluidæ dedit  
 Sese voluptæ; tu memor attamen  
 Benignitatis, quam Parentes,  
 Atque Atavi coluere nostri,  
 Oblivionis perpetuæ mea  
 Infer sepulchro crimina, & aviæ  
 Prudentiæ errorem in juventæ  
 Flexibilis genium refunde.  
 Ad lenitatis respice regulam  
 Tibi coævæ: quod meritis meis  
 Negare posses, non negabis,  
 Quod bonitas tua postulabit.  
 Bonum, piumque; at non minùs arbitrum  
 Justi tenacem te didici, Deus;  
 Hinc, calle ne exerremus æquo,  
 Lege viam facili docebis.  
 Tu mansuëtis per tua dogmata,  
 Per jura legum tu placidis viris

Discrimen ostendis viarum, &  
Quam teneant, fugiantque, signas.  
Qui te requirunt, legibus & tuis  
Mores coërcent; his tua lenitas  
Blanditur, hos & veritatis  
Calle regis, docilesque flecti  
Sanctis inundas illecebris poli.  
Hoc lenitatis lumine respice  
Me, Numen, errorumque labem  
Tolle tuæ pietatis igne.  
Agnosco crimen: sed pietas tua  
Major reatu est. O! quis in intimo  
Legem Tonantis corde sculpsit?  
Hujus iter regit ille, & alto  
Infert Olympo. Hic ebria gaudiis  
Mens innatabit; quæque sequentibus  
Succedit annis posterorum  
Linea, sola solo imperabit.  
Hic non timebit lapsu Acheronticum  
Turbare sulphur: dextera nam Dei  
Casum vetabit, & latentes  
Luce suâ laqueos docebit.  
Ergo beatum Numen; & ætheris,  
Terræque Rector, tu mihi es unica,  
Dum vivo, cura; non retortos  
In te oculos, animumque figo.  
Tu, ne paratis retibus implicer,  
Pedem docebis lumine provido  
Vitare fraudes, machinasque,  
Quas stygii posuere Manes.



Tuis statutum est vivere legibus  
 Cœli Imperator : sed nisi respicis  
     Me fronte miti, largiusque  
     Dona tuæ miserationis  
 Effundis in me, protinus obviæ  
 Necessitatis pondere suppressor;  
     Et destitutus fortis aurâ  
     In nihilum recido negatæ  
 Felicitatis. Namque laboribus  
 Fractus, dolorum me cruciantium  
     Sub mole lassatus, fatiscam,  
     Et manibus dabor impiorum  
 Optata præda. En quævis in ardua  
 Conjurat hostis prælia ! quàm mea  
     Densam coactus in phalangem  
     Multiplici petit ossa ferro !  
 Tu me tuorum protege Numine,  
 Deus, favorum ; deque periculis  
     Tot erutus non erubescam  
     Te columen dubiæ salutis  
 Mundo fateri. Nec mihi postulo  
 Soli levamen ; postulo id omnibus,  
     Quoscunque commendat peractæ  
     Integritas, probitasque vitæ.  
 Hi me sequuntur, consociataque  
 Dant vota votis : hos Deus eripe  
     Omni procellâ, & tutiorem  
     Portum aperi tuo amore dignum.

A Saule fugitivus Deum innocentie  
Judicem appellat : postulat exiliô libe-  
rari : refert gratias , quod inter impios  
non sit contaminatus.

*Judica me Domine , quoniam ego in inno-  
centia mea, &c.*

**D**um me tyrannus, criminis inscium,  
Reumque solâ voce calumnie,  
Condemnat ; ad tuæ tribunal  
Justitiæ sapientiæque  
Apello, Numen. Mens bene conscia  
Integritatis, puraque candidi  
Juventa cordis nil veretur  
Stare tuos, Deus, ante vultus .

Tuæ æquitatis non variabilis  
Tenor secundam spem mihi suggerit  
Fore, ut tuos cernam ante vultus  
Invidiæ cecidisse tela.

Adsum. Severo contrahe amabilem  
Rigore vultum ; suppliciis meam  
Fidem experire : nil paveſco :  
Ure fibras, fode pectus ense :  
Mentem videbis, ceu speculi in vitro ,  
Benignitatis munera prodigæ  
- Considerantem ; & veritatis  
Luce oculos animumque pasci.

Non vanitatis conciliabulis  
Senator unquam perfidus adfui ;

Nec haufi Avernale execrando  
 A socio focius venenum.  
 Odi fceleftos, qui velut agmine  
 Denfo cohærent, & velut afpides  
 Venena fpargunt, invidamque  
 Linguam acuunt aliena puræ  
 In damna famæ. Non ego mifceor  
 Turbæ impiorum : malo vel horridas  
 Feras, vel infeftos Dracones,  
 Vel Furias focias habere.  
 Procul fcelefti. Mens mihi limpidis  
 Eft lota rivis : cætibus inferar  
 Solùm innocentûr, quæis licebit  
 Sacra tuas dare thura ad aras.  
 Hic te canoro carmine barbitus,  
 Hic te fonoris claffica tympanis  
 Permifxta laudabunt, lyræque  
 Facta tuæ memoranda dextræ  
 Dicent nepoti. Quantùm ego geftiam  
 Tuæ decorem cernere gloriæ,  
 Et clara, Solique invidenda  
 Templam eris habitata ftellis  
 Subire ; tu fcis. Ne patere, ò Deus,  
 Me perditorum funere ad ultimum  
 Trahi fepulchrum, quæis cruoris  
 Torret avara fitis medullas :  
 Quas vel rapinis vivere, vel juvat  
 Captare plenâ munera dextrâ  
 Ad innocentes opprimendos ;  
 Et Themidem lictari avarô



Auri metallò. Si innocuum hæctenus  
 Tume probâsti, jam propior meis  
     Accede votis, & benignâ  
     Fronte pios mihi redde nictus.  
 Quodsi salutis fortior infiti  
 Calli, & retortas non tenui vias  
     Exempla sectatus, malignum  
     Nec focii socius venenum  
 Coactus hausi: muneris hoc tui est.  
 Hinc te sonoris cantibus efferaam,  
     Interque cœtus congregatos  
     Laude tuâ resonabit æther

---

## P S A L M U S XXVI.

Directus gratiâ, protectus brachio  
 Dei, utut orphanus, & derelictus, nil metuit  
     hostiles incurfus, sed spem suam  
     confirmat.

*Dominus illuminatio mea, & salus  
 mea, &c.*

**L**ux, sempiterni filia luminis,  
 Quâ splendet æther, quâ micat aurei  
     Frons læta solis, quaque comunt  
     Astra suas radiosa flammæ;  
 Hæc me benignis aspicit ignibus;  
 Hæc mentis umbras exiliò jubet  
     Faceßere æternò; & beatâ  
     Irradiat mihi luce pectus.

Dextra

Dextra illa firmo robore prædita,  
 Quæ librat orbem, & penſile fiderum  
 Portat theatrum, terminoque  
 Figit aquas, ſolidatque terram:  
 Hæc me tuetur, non ſuperabili  
 Protectionis munere. Quis mihi  
 Inſultet hoſtis? quis timoris  
 Oſſa gelu mihi ſtringat horror?  
 Quid vis coactis denſa cohortibus  
 In me velegit? vel potuit? Minis  
 Stragem ferebant, & voraci  
 Dente famem, mea perdituri  
 Oſſa in minutal: ſed memorabili  
 Clade interempti, tela retrogradæ  
 Senſere vindictæ, ſuâque  
 Impliciti cecidère fraude.  
 Si caſtra denſis obſidionibus  
 Latus coronent, obvia ſi mihi  
 Stet ſylva contis, adſeratque  
 Mille neces pluviis in armis.  
 Qualis frementes Oceani ad minas  
 Stat firma rupes: nec metuit polus  
 Imbres ſagittarum, nec Euri  
 Ad furias bene fabricata  
 Turris movetur: talis ad hoſtium,  
 Quamvis inermis, ſpicula, & æreos  
 Stabo furores, & ſerenâ  
 Excipiam irrita tela fronte.  
 Sic hoſte luſo nil aliud mihi  
 Reſtat votendum, quàm ut veniat dies

Ventura quondam, quæ beati  
 Me statuat regione templi,  
 Divinitati quod voluit suæ  
 Numen parari, ac inde ad olympicas  
 Deducar ædes, quas obryzo  
 Cœlitibus fabricavit auro.  
 Ubi & voluptâ perpete perfruar  
 Æternus hospes. Spes mihi pectore  
 Hæc sculpta firmo est. Nam salutis  
 Ille meæ sitiens sub umbra  
 Tentorii me condidit, hostium  
 Contra procellas ; meque periculis  
 Procul remotum, firmiore  
 Arce sui est tuitus favoris.  
 Quidcunque contrà turba rebellium  
 Molita, jactu concidit irritò ;  
 Et quæ pavebam, cassâ plantæ  
 Ante tuas cecidêre tela.  
 Hinc vota solui : hinc victima multiplex  
 Est cœsa ad aras : hinc tibi gloria  
 Victoriæ cantata ; & ultrâ  
 Sæpè meo recinenda plectro.  
 Ergo benignum tu precibus meis  
 Jubar fereni luminis explica :  
 Te mente semper quæro anhelâ ; in  
 Fronte tua mea fixa frons est.  
 Ne mî benignum subtrahe Cynthium  
 Vultûs paterni, nec tenebris diem  
 Involue frontis, nec severâ  
 Nube oculi tumula pyropum.



Sed me doloris erue castibus,  
 Quos struxit hostis ; nec sine victimam  
     Ferrô immolari : namque cernis  
     Me patre matreque destitutum.  
 Audita vox est ! præsidio undique  
 Tuto carentem me patrio Deus  
     Sinu recepit, filiique  
     Jure dedit mihi gloriari.  
 Hinc qualis infans, figere nescius  
 Pedem tenellum, me tibi dedico,  
     Numen, regendum : per viarum  
     Me dubias rege sectiones ;  
 Nec devianti tramite fastine  
 Ab hoste duci ; nevé libidini  
     Sævæ relictus , impiarum  
     Dilaniæ manuum furore.  
 En, quàm dolosâ nube nocentium  
 Mendaciorum me Furia opprimunt ?  
     Sed ira cassâ est : jacta nervo  
     Tela suum recident in arcum.  
 Nam post labores mox ego nubibus  
 Terræ evolutus, me super æthera  
     Feram volatu, fonte grato  
     Sidereæ fruiturus auræ.  
 Quin ergo surgis spes mea, vincere  
 Secura ? Surge, & te fidei indue  
     Armis, morantemque amœno  
     Disce animo tolerare dextram

## PSALMUS XXVII.

Exaudiri petit à Deo, dum ab æterna damnatione liberari postulat : spem huius concipit, & se, ac populum Deo committit.

*Ad te Domine clamabo, Deus meus ne sileas, &c.*

**M**onarcha Regum, stelliferos super  
Excelsus orbes qui solium tenes,  
Quod sæpè mœrens postulavi,  
Ne sileas, pia quando vota  
Tuas ad aras funde: negante te  
Responsa votis, exanimis cadam,  
Cadaverum miscendus umbris,  
Et tacito tumultu inferendus.  
Audi querelas, dum tibi flebili  
Loquor, profundo è pectore, lachrymâ,  
Manusque tendo supplicantes  
Ad solium miserationis.  
Ne me scelestis misce operantium  
Iniqua turmis, ne simul in lacum  
Flammâ fluentem sulphuratâ  
Cum nocuo innocuum retrudas.  
Ne me malignis associes, Pater,  
Quêis melle lingua est illita, pectore  
Sævit venenum, & illecebris  
Labra fluunt, animusque felle.  
Illos perenni, pro meritis, stygio  
Infer sepulchro: quoque dolos suos,

Fraudesque mensi sunt, eodem  
 Supplicium modio repende:  
 Nî lachrymarum diffuat imbris  
 Cor pœnitentûm, factaque diluant;  
 Id colligant, quod seminârunt,  
 Sitque operi sua, & æqua merces.  
 Si mente surdi magnificentiae  
 Non audiêrunt elogium tuæ,  
 Aut luce cassi, quæ relucet  
 Vis animi sapientis orbe  
 Diffusa toto, non oculis sui  
 Vidêre vultûs; tu celeri genus  
 Extingue fato, omnemque stirpem  
 Exitiô sepeli supremô.  
 Hæc sunt Tonanti debita munera;  
 Cujus potenti, vota supra mea,  
 Fluxêre dextrâ; qui precantem  
 Consilio auxilioque prompto  
 Est prosecutus. Nullius irrita  
 Repulsa spes est: sic mea constitit  
 Firmata cœlo: sic olympus  
 Præsidio properante rebus  
 Præfens in arctis adfuit. En novæ  
 Tranquillitatis me radius subit,  
 Frontemque rursus conferenat  
 Flore novo viridis juventæ.  
 Flammæ canori surgite pectoris,  
 Et excitatis ad sonitum lyris  
 Cantate Numen, roborante  
 Quo populus stetit inter hostes,



Ut murus armis insuperabilis;  
 Pulchroque stravit Marte superbiam  
     Tot perfidorum, qui pæana  
         Ante habitam cecinere palmam.  
 Sic porro, Numen, perge tui gregis  
 Tractare curas, qui datus est tibi  
     In portionem hæreditatis;  
         Hunc gremio patrio fovere  
 Dignare, & alto fidere depluis  
 Donis inunda, donec Olympicas  
 Translatus in sedes perenni  
     Laude tuos memoret triumphos.

---

## PSALMUS XXVIII.

Convocato ad holocausta populo  
 proponit Divinæ Omnipotentiae prodigia,  
 tam per naturæ effecta, quam per Israël's  
     benedictiones.

*Afferte Domino filij Dei, afferte Domino, &c.*

**A** Deste ad aras progenies piis  
 Dilecta cœlis: huc numero gravi  
     Tributa ferte victimarum, Ar-  
         Menta sacro ferienda cultrō.  
 Erravi: ad aras pectoris intimi  
 Tributa laudis ferte, & honoribus  
     Numen coronate, & medullæ  
         Laude sonent, animique cantent  
                                     Deo

Deo triumphos sancta per atria.  
 Audite, quantis Omnipotentia  
     Signis Tonantis vox, quibusque  
     Se indiciis manifestet orbi.  
 Vox hæc volatu fidereas super  
 Incedit undas, commovet aëra,  
     Cietque nimbos, nubiumque in  
     Fulminea coquit officina  
 Ignes trifulcos : si gravius tonet ;  
 Exasperatis fluctibus æquoris  
     Rixantur undæ, & nunc dehiscunt  
     Ad stygii fluvii usque abyssos,  
 Nunc elevatis undique montibus  
 Cælum lacessunt. Magnificientia  
     Virtusque vocis se propagat,  
     Quâ rutilus meat igne Phœbus.  
 Vox illa ventis fræna licentiæ  
 In bella laxat, quâ nemora involant,  
     Et arbores inter strepente  
     Sævitiâ & fremitu laborant.  
 Vox illa cedros, quæ Libano super  
 Risere nuper, stirpitus eruit  
     Radice ab ima : quin Saronem  
     Et Libanum movet Unicornis  
 Saltantis instar, vel vituli in modum  
 Petulcientis. Vocis ad illius  
     Sonum vel unum it fulgetrorum  
     Flamma levi per inane raptu,  
 Terretque montes, & juga concutit  
 Deserta Cades, ac Arabum movet

Pavore tesqua : nil tonantem  
Non trepidâ bibit aure vocem :  
Feræ expavescunt, & timida in fuga  
Foetus acerbos, nec bene propria  
In membra ductos, per timorem  
Cerva suum parit ante tempus.  
Si tesqua nigris æmula noctibus  
Caligo obumbret, vox ea lumine  
Dispundet umbras, quæque tecta  
Nocte diu latuère, mundus  
Aperta cernet, templaque gloriam  
Dei sonabunt, & focium dabunt  
Aves per auras innatantes,  
Astra poli, maris unda, tellus  
Laudis tributum. Quis mare nesciat,  
Jubente voce hac, se super arduos  
Tulisse montes, & sepultum  
Diluvio tumultasse mundum ?  
Sic porrò virtus Omnipotentiae  
Sedebit alto culmine gloriae,  
Marique, terræque, ac Olympo  
Jura dabit, populisque leges.  
Infirmiores impenetrabilis  
Virtute scuti maniet, & suo  
Hosti timendos reddet, et si  
Sit numero, furiisque major.  
Tandemque pacis munere candidæ  
Dabit quietis civibus otia,  
Nostroque, puro cusa ab auro,  
Sæcula restituet nepoti.



PSALMUS XXIX.

Superatâ persecutione invitat ad  
Laudandam Divinam bonitatem, quæ ad  
modicum videtur subtrahere auxilium,  
quod compensat interno animi gaudio.

*Exaltabo te Domine, quoniam suscepisti  
me, &c.*

**E**Xpergefactis ad sonitum lyris  
Te, Rector orbis, semper amabilem  
Vocabo in oden, suggeresque  
Materiem mihi laudis amplam.

Tu me inquietis fluctibus eruis,  
Mortisque telô; nec pateris meis  
Gaudere damnis, qui ferebant  
In celeri mea fata ferro.

Opem poposci: Vix bene protuli  
Vocem canoro pectore, tu mihi  
Opem tulisti, & fauciat  
Vulneribus medicatus, auræ

Me reddidisti, nec spoliū rapi  
Me passus Orco es, nec stygiis dari  
Lupis in escam, nec perennē  
Tartarea sepelire in urna.

Vos, qui crematis thurea Numini  
Tributa ad aras: vos, quibus est amor  
Castus Tonantis, quosque cœli  
Tangit honor, placidum vocate

In plectra Numen; tympana, classica,  
Fidesque, nervique, & cytharæ, & lyræ,

Buxique placato Tonanti  
 Auxilii memores rependant  
 Per metra laudes. Si malè consciis  
 Sum fortè visus poscere vindicem  
 Pœnas per indignationem ;  
 Ira brevis fuit illa, bullæ  
 Par defluenti. Difficilis manu  
 Tonare pœnas ; sed facilis dare,  
 Quod vota poscunt innocentium,  
 Tela tenet brevior pugno,  
 Suisque laxat muneribus manum.  
 Si fortè sero vespere verberat  
 Par vindicanti, & nostra turbat  
 Tristitiâ gravior corda,  
 Cietque fluctus ; mox roseas ubi  
 Aurora Solis nuncia januas.  
 Cœli reducet, insequentur  
 Deliciæ, facilesque risus.  
 Sic gutta fellis flumine melleo  
 Attemperatur : plectere parcior,  
 Levare promptus ; tela tardus,  
 Dona celer sua spargit orbi.  
 Ego, secundis dum Zephyris mare  
 Navis quietum scinderet, & bonâ  
 Vectarer aurâ , blandiebar  
 Ipse mihi, tacitoque corde  
 Mecum loquebar : Quæ mihi plumbeæ  
 Procella fortis fluctibus auream  
 Turbare possit ? quisquis instet,  
 Intrepidum feriet tumultus.

Sic, cùm faveres, fortior Hercule  
 Mihi videbar; nec clypeum manu,  
 Quæcunq̃ue tempestas feriret,  
 Possè rapi, temerè autumabam.  
 At blandientis mox ubi gratiam  
 Vultûs retrorsum flectere visus es,  
 Heu! quanta turbato repentè  
 Incubuit capiti procella!  
 Inter tepentes sic ego lachrymas  
 Quò vertar? inquam: me mea deserit  
 Fortuna; sclicemq̃ue sortem  
 Sors gravior violenter aufert.  
 Ad te revertar, tunc ego dixeram,  
 Creator orbis; te prece supplice,  
 Madensq̃ue fletu, lachrymisq̃ue  
 Irriguis in opem vocabo.  
 Nam quid profuso sanguine juverit  
 Te gloriari? scilicet impii est  
 Hæc laus latronis. Quid juvabit,  
 Me putridam in saniem resolvì?  
 An fortè mutus sub gelido latens  
 Cinis sepulchro postera sæcula  
 Docebit in laudes tuorum  
 Ire operum? vel amica ab umbris  
 Redibit Echo? quæ tua proferat  
 Latè per orbem prodigia? Audiit  
 Deus precantem; moxq̃ue blandæ  
 Frontis ebur, placidumq̃ue vultum  
 In me reflexit, rursus & obviam  
 Opem tetendit. Tunc animo simul



Dolorque, luctusque exulârunt,  
 Et facies novæ amœnitatis  
 Affusa cordi est. Hinc tibi barbiton,  
 Plectrumque, Numen, dedico, laudibus  
 Tuis canendis, quas & olim  
 Voce feram super astra cygnus.

---

## PSALMUS XXX.

In persecutione, quam patitur à  
 filio Absolone, implorat Divinum auxi-  
 lium; deplorat suum statum calamitosum  
 & egestatem: præfagit pœnam impiorum,  
 liberationem Justorum.

*In te Domine speravi, non confundar, &c.*

**I**Nter furentis prælia Nerei  
 Deprênsus alto navita providam  
 Resuscitavi spem, tuoque  
 Non dubiam solidavi amore.  
 Non sustinebis dedecus hoc meæ  
 Spei irrogari, ut concidat irrita,  
 Et lusa me vile æmulorum  
 Ludibrium faciat meorum.  
 Tu justus es; tu sterne tyrannidem  
 In me paratam: si merui, piam  
 Ostende frontem, auremque pronam,  
 Et misero propera levamen.  
 Assume pennas, ocyor advola  
 Meam in salutem. Tu mihi aheneæ

Munimen arcis, inviaque  
 Rupe super mihi forte vallum :  
 Tu robur omne es ; tu mihi es unicum  
 Paventi asylum : tu mihi tramitem  
 Ostende, & ad vitam, viarum  
 Per salebras alimenta præbe.  
 Quo jure vitæ præsidium meæ es,  
 Illo revela condita retia,  
 Cassesque tectos, quos fugaci  
 Turba pedi scelerata struxit.  
 Hinc ducta vitæ stamina, spiritum,  
 Mentemque desertam fidei tuæ  
 Committo. Tu, me liberandi  
 Pacta, fide stabili perenna.  
 Qui vanitatis somnia fabricant,  
 Stultisque præbent auguriis fidem,  
 Vel æthere inconsulto iniquis  
 Consiliis meditata fundant ;  
 His semper ultor vindice dexterâ  
 Post tergus instas, nec reputas tuo  
 Amore dignos ; sed perennis  
 Telô odii interitum minaris.  
 Non hæc probarum est regula mentium,  
 Neque hac cucurri incautus in orbita :  
 Cum ne fatigarent procellæ,  
 Propitium mihi sidus altô  
 Fulisti Olympô. Sculpta profundius  
 Fibris inhærent, quæ pietas tua  
 Collegit in me ; est & voluptas,  
 Hæc memori retinere mente.

Adhuc

Adhuc recenti verso in imagine,  
Cum persequentis retrò tyrannidis  
Furor sonaret, imminensque  
Mors trepido capiti tonaret;  
Necessitatis margine in ultimo  
Me liberâsti, nec manibus dari  
Passus tyranni es, vel triumphi  
Jura meis decorare vinclis;  
Imò perampli tu mihi tramitis  
Campum dedisti, quò celeri pede  
Elapsus hosti, persequentum  
Præcipitem effugerem volatum.  
Et nunc eodem vivimur, impiis  
Dum sævit armis filius in patrem.  
En quæis fluentis lachrymarum  
Continuus rigat ora fletus.  
Timore stringor, ceu fluvius gelu,  
Exangue pectus frigore palpitat,  
Vires recedunt, spiritumque  
Exanimat fugitiva vita.  
Ex quo involutus sum puerilibus  
Pannis tenellus, nulla dies mihi  
Serena fulsit, fletibusque  
Pars melior mihi ducta vitæ est.  
Hoc deêrat unum fortis ad asperæ  
Fatum supremum, ut pauper, & indigus  
Opis peregrinæ latrantem  
Esuriem Cerere edomarem:  
Quâ pes lababat, quâ ciliï vigor  
Fractus cadebat, costaque pectore



Exstabat omnis ; quâ ora livor,  
 Membra rigor, tremor ossa habebat.  
 Mœrore in isto ludibrium meo  
 Sum factus hosti ; quiq̃ue propinquior  
 Me sanguine attingit, sui me  
 Nominis opprobrium, suæq̃ue  
 Immane famæ dedecus æstimat ;  
 Metuq̃ue tactus fors petulantia  
 Derisionum, singulari  
 Perfidiâ negat esse eodem  
 Me fonte natum. Qui mea limina  
 Prius terebant, jam procul abstinent ;  
 Et fronte dejectâ, & silente  
 Prætereunt mea tecta passu.  
 Obliteratus mentibus omnium  
 Condor sepulchrò, nullaq̃ue nominis  
 Fama est superstes, fictilisq̃ue ut  
 Frustra operis, pede transeuntis  
 Conculcor hostis : stant propè in angulis  
 Cœtus coacti, & prætereuntium  
 Aures laceffunt, in meumq̃ue  
 Mille caput maledicta jactant.  
 Quin execrandis conciliabulis  
 Mortis reus pronuncior, & furor  
 Communis assensu nefando  
 Interitum mihi machinatur.  
 Sed, qui tui spe roboror auxili,  
 Æstum meorum non timeo hostium  
 Solorq̃ue me, quòd ducta vitæ  
 Fila meæ tua dextra verset.

Tu me meorum de unguibus hostium,  
Omniq̃ue sævæ perfidiæ metu,

Ut scis, potesq̃ue, sic benigno

Corde velis rapere innocentem.

Vultûs serenô me radiô aspice,

Ut, qui precari sum solitus tuam

Opem, experimentô levamen

Te innocuis properare discam.

Pudor reorum in frontibus occupet

Sedem ruboris, subq̃ue Erebi lacu

Confusione sempiternâ

Corda premat pudibundus horror.

Et lingua apertis sueta latratibus

Mordere famam, texere stamina

Fraudum catenata, & superbo

Calce caput premere innocentium.

Ad antra Lethes, Eumenidum ad focos,

Ad culta Averni incendia Manibus,

Rogosq̃ue, flammantesq̃ue fontes

Perpetuâ pice detrahantur.

Quid ista longo carmine persequor ?

Illuc Camœnæ vertite barbiti

Castæ labores, unde justis

Vena fluit melior bonorum.

O ! quanta merces propositi viros

Iusti tenaces æthereis super

Manet theatris ? quæ voluptas

Irriguis pia corda potat

Torrentis undis ! Quàm libet horridæ

Quandoq̃ue spument fellis amyctides,

Ut fors videtur ; cùm bibuntur,  
 Nectareo recreant sapore.  
 Potest timoris vulnera longius  
 Spectare Justus ; non poterit tamen  
 Illis feriri : intra favoris  
 Namque tui bene ab hoste tutam  
 Arcem locasti. Hinc despicit irritas  
 Livoris artes , castra potentium,  
 Manusque ferrum comminantes,  
 Ac odii invidiæque plenas  
 Linguas veneno. O ! sidereæ plagæ  
 Æterne motor, sit tibi gloria,  
 Qui me, velut murum obsidendum  
 Arce tuæ pietatis ambis,  
 Valloque munis. Et tamen ( ò mei  
 Pudor timoris ! ) primus ubi impetus  
 Factus malorum, penè motus  
 Mente, animi posui vigorem :  
 Gemensque dixi : Quid mea truditur  
 Fortuna, Numen ! Siccinè projecis  
 Te deprecantis vota ? & urges  
 Fronte tuâ procul exulare ?  
 At tu benigni rursus amicior  
 Dignatus oris blanditiis tuum  
 Servum, audiisti supplicantis  
 Vota pio cumulata fletu.  
 Quid innocentes, & nive candidâ  
 Illustriores vos animas tenet ?  
 Quin ad Deum, terrâ relictâ  
 Vester amor sua vela vertit ?



Huc convolemus. Candida veritas  
Illic patebit, nec minùs æquitas

Discriminabit falsa veris,

Nec Furiis stygiis relinquet

Nos devorandos : sed sua fulmina

In fastuosos vertet, & edita

Ab arce dejectos honoris

Præcipites in Averna mittet.

Audete mentes innocuæ, polo

Quæ spem locatis, fidite Numini

Vos diligenti : certa spes est,

Quæ Domino bene fixa adhæret :

Audete : nec vos terreat acrior

Insultus hostis. Prælia gloriam

Campô reportant, quæ Tonantis

Auxiliô, arbitriôque aguntur.

# PSALMUS XXXI.

Describit suum pœnitentis statum.

Commendat mandatorum divinatorum  
observantiam.

*Beati, quorum remissa sunt iniquitates, &c.*

**Q**uàm sorte faustâ, quamque beabili  
Fertur quadrigâ, cûi superûm Arbiter  
Dimisit errores, piæque

• Omne scelus sepelivit urnâ

Oblivionis ! cûi nihil improbi

Cœlum imputavit criminis, & doli

Vestigium in cordis recessu  
 Ipse polus nequit invenire.  
 Quamdiû filebam, cæca profundius  
 Fibris inhæsit plaga, & acutiùs  
 Tantò momordit corda, quantò  
 Tecta magis latuère acerbi  
 Venena morbi. Dissimulatio  
 Mali vorantis non medicabile  
 Fecit venenum, corporisqûe  
 Ossâ meo senuère morbo.  
 Cæco rotatus pectoris impetu  
 Vocem levavi sæpe, sed irritam :  
 Fixam medullarum recessu  
 Dum puduit referare spinam.  
 Seu pura cœli sidera purior  
 Titan olympo pelleret aureis  
 Lucis sagittis, seu silentes  
 Luna boves ageret per axem ;  
 Semper gravantis verberare dexteræ  
 Intus premebar, quâque ferociam  
 Nitebar evitare parte,  
 Spina novo mihi fauciabat  
 Dolore pectus. Tunc ego vulnere  
 Meo eruditus, pectore conditam  
 Plagam retexi, nec sepultum  
 Continui tacitis tenebris  
 Mali venenum : lingua latentium  
 Interpres umbrarum ipsa suum in sceus  
 Philippicas egit, doloris  
 Sunt oculi resoluti in undas.

Tunc flente dixi pectore : quid mo ror  
Noxam fateri non medicabilem ?

En ante vultus, & tribunal

Ante tuum reus ipse & actor

Affisto, Numen ; quodque diu sinu

Clauso tegebam, detego toxicum :

Genuque flexus, supplicique

Voce precor veniam reatûs.

At tu benigno lumine, ut affoles,

In me reflexo, frontis amabilis

Nictum dedisti, & pertinacem

Corde reo maculam expiasti.

Hinc si quis atro funere spiritum

Mentemque merfit, te veniæ patrem

Requirat, & flens deprecetur

Ante tuæ pietatis aram ;

Nec pœnitendi negligat horulam :

Periculosa est quælibet, undique

Cùm mors minatur : certa præsen

Hora tibi est, dubia est futura.

Sic quando cœlum desilientibus

Laxabit undis fræna licentiæ,

Omnemque latè fuso aquarum

Diluvio tumulabit orbem,

In non paventem depluet imbrium

Congesta moles ; & licet omnium.

Salus in undis naufragetur ;

Ille suâ rate tutus ibit.

Tu, gratiarum qui pelagus mihi es,

Et fons bonorum semper euntium,



Et qui patratorum nefando  
 Corde ream maculam abluisti ;  
 Et nunc recentis munere gratiæ  
 Crudelitatem deme doloribus ;  
 Mea ò voluptas, ambientum  
 Me pelago rape acerbis.  
 Audimur ! ò quæ collibus ætheris  
 Respondet Echo ? Mente tuas, ait,  
 Umbras serenâ luce tollam, &  
 Sole novo irradiabo pectus :  
 Viam docebo, quam teneas, gradum  
 Firmare certum tramite lubrico,  
 Vitare præruptum ; tibi que  
 Pervigili comes ibo curâ.  
 Audisti isthæc, gens malè perfida,  
 Et sic amantem non colitis Deum ?  
 Obruta mens ! bruto jugali  
 Mens similis, similisque mulo !  
 Ferant lupatos bruta, vel incubis  
 Discant flagellis imperium pati ;  
 At providente tu appetitum  
 Indomitum ratione flecte.  
 Futura certo lumine provide,  
 Quæ fortè Phœbus crastinus adferet.  
 Benigna natura est Tonanti ;  
 Ille tamen scit & asperare  
 Manum flagellò. Dilige amabilem  
 Patrem ; sed æqui non minus arbitrum  
 Time : ille & arcu, & igne, & armis  
 Persequitur capita impiorum.

At justî & æqui propofiti virum,  
 Spei tenacem femper amantibus  
 Defendit armis, atque muro  
 Infolitæ pietatis ambit.  
 Quin ergo sanctis carmina plaufibus  
 Vos corde puri ad fidera mittitis?  
 Hæc veftra fors eft: huc laborent  
 Ora modis, animique plaufu.

---

## PSALMUS XXXII.

**Argumentis ductis à Dei veritate,**  
 Juftitiâ, Mifericordiâ, Sapientiâ, & poten-  
 tiâ Dei, invitât juftos ad hujus  
 laudes.

*Exultate jufti in Domino, rectos decet, &c.*

**V**Os, quos amante in pectore Numinis  
 Favor paternis ftringit amoribus;  
 Mentemque, facundamque feftis  
 Lætitiis animate linguam.

Hæc eft laborum fumma, volentibus  
 Placere cœlo; cor in amabiles  
 Ciere cantus, & canorâ  
 Voce Dei celebrare laudes.

Hic plectra, nervi, barbita, tympana,  
 Chelesque gratos in modulos fono  
 Concorde fpirent, bisque quinâ  
 Metra fluant modulata chordâ.

Nec pura vocis gratia publico  
 Fefto negetur. Si facili fono

Quandoque, nunc sublimiore  
 Musa fluat liquefacta metro.  
 Namque illi in ore est candida veritas,  
 Ignara flecti in iudicio æquitas,  
 Fides in illis quæ spondit,  
 Et ratio moderata in actis.  
 Quodsi ad tribunal confideat, latus  
 Utrinque cingunt blanda benignitas,  
 Rigor severus; temperatque  
 Blanditias rigor, & rigorem  
 Benignitas. Et quamlibet utraque  
 Sit chara virtus; sed pietas magis  
 Est nota mundo, quam loquuntur  
 Astra, solum, mare, & unda, & aura.  
 Orbes olympi, quos gemino vides  
 Polo rotari, Numinis unicò  
 Verbò steterunt, hosque flatu  
 Uno agiles fugat, & reducit.  
 Mare inquietum margine littoris  
 Conclufit, & ceu vase licentiam  
 Compressit, unde per meatus  
 It liquido tacita unda fluxu,  
 Pontesque terræ de penuario  
 Dispensat orbi. Hunc ergo genu tremens  
 Adoret orbis, qui recentem,  
 Quique senem videt ire solem,  
 Abusque Mauris ad gelidos scythas,  
 A ponto ad Indum. Nullus ut invius  
 Locus Tonanti est, sic Tonantis  
 Nulla pio vacat ora cultu.



Verbum, nec ultra, fatus; euntium  
Statim polorum machina prodiit  
Dispuncta stellis, fluxit aër,  
Oceanus tumefecit undas.

Dixit: nec ultra: mox juga montium  
Sese extulerunt, flumina vallibus  
Fluxêre, stillavêre fontes,  
Et celeres abiêre rivi

Per plana: tellus, quâ exspatiantibus  
Campis aperta est, floribus induit  
Recentibus frontem, togamque  
Omnigenis variavit herbis.

Quis ausit altæ vim sapientiæ  
Jactare? quidquid callida gentium  
Fraus machinatur, sine fraudat,  
Et populi meditata spargit

Vanas in auras, sensaque Principum  
Arcana ludit. Sed sua sæculis  
Stabit voluntas sempiternis.

Quæque semel statuit senatus,  
Firmata fato stant adamantino,  
Æternitatis scripta volumine.

O gens beatâ sorte nata!  
Cûi dominus, Deus est, perosus  
Deos inanes, faxeâ Numina,  
Vel sculpta trunco. O sidere prospero  
Gens orta! quam Numen repleti

Dote sui voluit favoris:  
Cûi dona terræ, cûi Charites poli  
Ex assë legat, quam sibi propriam

Secernit, hæredem & bonorum  
 Constituit, tabulisque scripsit.  
 Ille æviterno de folio aspicit  
 Diffusa mundi regna, nec effugit  
 Vel unus aspectum : ille curas,  
 Ac hominum studia intuetur.  
 Et qui recessus pectoris intimos  
 Manu architectâ composuit, videt  
 Et cogitatus, & quod alto  
 Corde tegi potuisse credis.  
 Quid arma Martis ? quid fluitantia  
 Vexilla campo ? & fulmineo emicans  
 Arista ferrô ? miles auctus,  
 Inque aciem bene distributus  
 Regem juvabit ? quid numerô gravis,  
 Manu timendus, robore fortium  
 Exercitus prodest gigantum ?  
 Nemo Deo movet arma sine  
 Beanda fausto. Qui rapidâ ungulâ  
 Sperat ferentis Bucephali insequens  
 Vitare fulmen, vindicemque  
 Ludere Pegaseo volatu  
 Tonantis iram ; dum præit, attrahit  
 Velociorem : dumque putat procul  
 Fugisse sese, verberantem  
 Ante suos videt ire vultus.  
 Benigniori lumine respicit  
 Cælum innocentes, quique timent poli,  
 Calcare leges, eriguntque  
 Lapsa, Dei pietate, corda.

Illos periculis eximet ultimis  
Lethi imminentis, fatâque proxima  
Cautè antevertet, nutrietque  
Ambrosiâ superûm famentes.  
Huic nostra plenè pectora Numini  
Sese remittunt, cujus in omnibus  
Periculis experta virtus  
Nos studio tuita est paterno.  
Quod cùm recenti mens in imagine  
Sibi exhiberi conspicit, influit  
Cordi voluptas, mensque ad illum  
Certa spei rapitur volatu.  
Quam spe tenemus, re Deus exhibe  
Benignitatem; ut postera sæcula  
Discant, eundem per canalem  
Spem fluere, auxilium redire.





## PSALMUS XXXIII

Ereptus periculô invitat ad reddendas Deo laudes, & plura tradit bene vivendi documenta.

*Benedicam Dominum in omni tempore, &c.*

Sive imperator luminis aureus,  
Sive imperatrix lucida siderum  
Cœlo invehatur; sive dextræ  
Sortis agar meliore cursu;  
Sive in sinistram me furiosior  
Agat procellam turbinis impetus;  
Catastrophen adunque vitæ, &  
Funereas morientis umbras  
Suam Tonanti dicere gloriam  
Non desinam unquam. Tu mihi spiritum  
Per membra fundis, perque nervos.  
Surge anima, & liquidæ voluptæ  
Expandè pectus. Vos, quibus indoles  
Manfueta cordi est, & genius pius,  
Vos carmine applaudente vestram  
Lætitiâ sociate nostræ.  
Mecum triumphos magnificentiæ  
Alternâ cantu per metra dicite,  
Et ejus alternante versu  
Cœlituum super astra nomen  
Tollamus unâ. Nuper euntibus  
Periculorum fluctibus obrutus,

Pavens Tonanti supplicavi,  
Ille preces timidas favente  
Excepit aure, & pronior adfuit  
Sese invocanti; quique meum propè  
Caput flagellabant, pavores  
In faciles dedit ire ventos.  
Ad hunc beati luminis auspicem,  
Fontémque Solis vertite lumina,  
Et sensa mentis, vos serenâ  
Luce sui irradiabit oris;  
Et vindicabit corda pavoribus,  
Umbrisque pectus; nec tacitæ abauens  
Preci, verecundo rubore  
Ora feret pudibunda tingi.  
Exempla nostris discite casibus:  
Hic, quem videtis, fluctibus innatans  
Opem vocavit, & paventem  
E mediis rapuit procellis.  
Ille è supernæ militiæ choris,  
Ad arma promptis, magnanimum Ducem,  
Clarum triumphis, atque amantem  
Sæpè novas iterare pugnas,  
In vestra mittet subsidia; & velut  
Valli fideles munit ambitu;  
Omnisque tempestatis ira  
Ante pedes labefacta vestros  
Deponet æstum. Ne mihi credite;  
Vos experiri, si libeat, velim.  
Gustate cœli suavitatem,  
Quàm liquido fluat illa melle;

Et quàm beatum fortis inambulet  
 Homo theatrum, sollicitudine  
     Metúque liber, qui Tonanti  
     Spéq;, animóq;, & amore adhæret.  
 Quicunq; sancti incendia pectore  
 Nutris amoris, quíque pio metu  
     Numen vereris, parce mento  
     Sollicitas agitare curas.  
 Deum timenti divite se dabit  
 Torrente rerum copia, & alveum  
     Cœlò fluentûm gratiarum  
     Nulla dies vacuum videbit.  
 Non sic superbi, quos opulentia  
 Ambire pompâ creditur, aut ferâ  
     Qui sæv iunt crudelitate,  
     Aut populi sitiunt cruorem:  
 Horrens egestas his pede laneo  
 Incumbit, atroxq; insequitur fames,  
     Premitq; demum, dum secundo  
     Ire putat sua vota cursu.  
 At quos Tonantis vel reverentia  
 Stringit lupatis, vel timor, ac amor  
     Regunt euntes, affluentûm  
     Dives opum comitatur arca.  
 Venite, quæis est, nomine filii  
 Dici, voluptas; & mea dogmata  
     Haurite proni; vos verendâ  
     Lege pii erudiam timoris:  
 Audite. Quisnam est, quem juvat aureæ  
 Felicitatis ducere sæcula?



Sibique semper qui serenos  
Ire cupit sine nube soles ?  
Primum lupatis reprime lubricum  
Linguæ calorem ; nec sine fraudibus  
Stillare labra, vel nocentes  
Ore dolos malè parturiri.  
Cave, sinistram currere semitam,  
Quâ perfidorum fertur iniquitas :  
Dextram teneto, quâ piorum  
Innocuus calor ire gestit.  
Quod regna cordis pacis in otio  
Servare natum est, providus occupa,  
Et ad quietem comparandam  
Omne animi studium reflecte.  
Nam vultu amoris Rex Deus aspicit  
Tranquilli amantes otia pectoris,  
Et aure pronâ supplicantum  
Vota preces, gemitusque captat.  
At vultuosâ fronte, minacibus  
Ardente flammis, aspicit impios,  
Quorum nec umbram non sepultam  
Vult memori susperesse mundo.  
Si quando justus cum gemitu pia  
Astra invocavit, protinus adfuit  
Numen vocanti, lachrymasque  
Ex oculis pia dextra terfit.  
Quin & paratis insidiantium  
Metu solutos cassibus extulit,  
Et, hoste confraeto, in beatæ  
Constituit regione pacis.

Quem

Quem fors putares immemorem tui  
 Cessisse longè, dum premeris gravi  
     Sortis flagello, stat propinquus,  
     Et placidâ bibit aure mæsti  
 Cordis dolores. Fortis, & obsequens  
 Cœli jubentis nutibus, excipe  
     Primos furores, mox sequetur  
     Palma tuis manibus parata.  
 Sunt (quid negârim ?) multa pericula,  
 Duri labores, ardua prœlia,  
     Quêis implicantur, quos regentis  
     Cura tenet, studiumque cœli.  
 Sed quid paveſcunt ? his Deus aspera  
 Tormenta ſuavi nectare perluit,  
     Suique victores timoris  
     Perpetuam parat ad coronam.  
 Illi capilli, ne capite excidat,  
 Eſt cura ſolers : ergonè ab artubus  
     Artus revelli, torta frangi  
     Membra, teri patietur oſſa ?  
 Nullum peribit. Sors manet impiam  
 Tam ſæva turbam, cujus ad exitum  
     Mors obviabit, mille flagris,  
     Mille latus comitata pœnis.  
 Tandemque juſtus ſollicitudine  
 Metuque liber, ſe ſuper ardua  
     Ferri videbit, hoſtiumque  
     Se necibus ſuperèſſe plaudet.

## PSALMUS XXXIV.

Implorat divinum judicium contra  
 perversos & fraudulentos impugnatores,  
 quibus confusionem, suis protectoribus  
 gratiam precatur.

*Judica Domine nocentes me, expu-  
 gna, &c.*

Supreme Regum, æquissime Judicium,  
 Tuum ad tribunal provoco: tu mei  
 Damna hostis acta, & verte retrò,  
 Quæ veniunt, inimica castra.

Apprênde scutum, fulmineâ manu  
 Dirringe ferrum; Cortior emica  
 In bella, frange hostile robur,  
 Meque tuæ tegat umbra dextræ.

Effunde cœlô tela volantia,  
 Mixtamque ferri turbine grandinem,  
 Et hostium me persequentum  
 Omni aditu prohibe furorem.

Adverte vultum; dic animæ meæ:  
 Tuæ salutis non superabile  
 Me præsto scutum. Fac meorum  
 Dedecoris pudor æmulorum

In ora currat: quique suæ student  
 Felicitati per mea funera,  
 Dum vim supremam moliuntur,  
 Terga retrò fugitiva vertant.

Tempestuoso ut turbinis impetu  
 Nabem jacentis pulveris emovet,

Girat.



Girat, rapitque, dissipatque

Aut Aquilo, aut furiosus Auster :

Sic indecoram præcipites agat

Instans flagellis Angelus in fugam,

Cogatque in arctum, lubricoque

Per tenebras & opaca noctis

Galle insequatur. Nam mihi fraudibus

Struxere casses, quàm libet exitu

Minore votis, inque lapsum

Ante pedes foveam eruerunt.

In architectum fraus redeat suum,

Pedemque cæcis cassibus implicet

Mihi paratis, quamque fodit,

In foveam cadat ipse præceps.

Perfusa sacris interea mihi

Mens illecebris gestiet, & Dei

Secura dextrâ, gaudiorum

Irriguum colet ore fontem.

Si desit ore carmen, & eloqui

Facunda virtus, ossa tuas mea

Laudes loquentur ; alterumque

Esse tui similem negabunt.

Tu fortiorum ex unguibus eripis

Infirmiores, & violentiam

Frangis superborum, & paratis

Auxiliis inopes tueris.

Quantis procellis tela calumniæ

In me ruebant ! criminibus mihi

Nec cogitatis, nec patratis

Perniciem malè fabricabant.

Quid-

Quidquid bonorum munificâ manu  
Prodesse avarus contuli in improbos,  
Malis repensabant, nec ulla  
Dona suum petiêre fontem.  
At sub feroci dum gemerem jugo  
Sortis prementis, squalida lugubri  
Veste induebam membra, & atrâ  
Esurie stomachum domabam ;  
Humo quæ stratus sidera supplice  
Voce invocabam : si nihil hostibus  
Prece impetravi, fructus in me  
Fœnore non dubio redibit.  
Placere quales officiis student  
Amici amicis, aut studiis amat  
Fratris sui favere frater,  
Talis ego studui meorum  
Bono æmulorum. Nec gemitu sui  
Sic mæsta mater funera filii  
Deplorat, ut me persequentium  
Sanctus amor tetigit dolore.  
Et tunc, severus cùm capiti meo  
Turbo immineret, me petulantibus  
Jocis, cachinnis, risibusque, &  
Lætitiæ petiêre signis.  
Horrente nimbo flagra sonantia  
In me ruebant, quem neque conscia  
Mens arguebat cogitati  
In populum sceleris, dolivê.  
At dissipatis viribus impetus  
Fuit retusus ; nec tamen impotens

Furor refedit, nec minaces  
 Composuit fremitus labores.  
 Mordacis ergo plebis aculei  
 Me vellicabant, nec minùs invida  
 E nube livor depluebat  
 Ludibriis populiqùe fannis.  
 Et cùm remotum plebs violentior  
 Me non valeret lædere, dentium  
 Stridore frendebat, suamqùe  
 More canum stimulabat iram.  
 O quando tandem ! quando benignior  
 Bonum meorum constitues Deus  
 Finem malorum ! si favorem  
 Non mereor, tua te monebit,  
 Laudata per tot sæcula, lenitas.  
 Exasperatis eripe rictibus  
 Me tot leonum, perditoque  
 Tot tygridum cadat ira morfu.  
 Tunc te salutem ferre vocantibus,  
 Nostrosqùe fletus mergere gaudiis,  
 Cantabo cœtus ad frequentes,  
 Et celebres populi coronas.  
 O Numen, audi ! nec patere, improbis,  
 Ut unde fluctus me premit, hostibus  
 Pandatur inde gaudiorum  
 Vena fluens, hilaresqùe risus.  
 Amica pacis verba dabant mihi  
 Condita melle ; at pectore toxicum  
 Iræ tegebant, callidisqùe  
 Insidiis malè cauti iniquam



Mortem petebant. Si laqueo pedem  
Forſan tenebar, ſcilicet improbo

Riſu ſoluti, oriſque hiatu

Mille probris mihi ſauciabant

Cordis medullas: Euge! ſaventibus

Noſtra, inquiebant, provehitur rotis

Fortuna; captum jam tenemus

Cûi toties lanqueos latentes

Labore caſſo ſtruximus. O Deus!

Aperta cûi ſunt omnia, respicis

In hæc? ſilesque? meque prædam

Dentibus eſſe ſinis luporum?

Expergeſaſto iudicio meam

Defende cauſam, quamque fero innocens

Culpam ad tribunal evocatus

Lege tuæ perage æquitatis.

Exurge vindex, nec ſine, ut impii

Mærore noſtro lætitiâ hauriant,

Nec, (Euge!) dicant, Euge! ſupra

Vota animi fluit unda ſortis:

Nec glorientur: jam vehimur boni

Curru triumphi! jam jacet: aſpice,

Fractusque, concuſſusque noſtræ

Dente famis lanianda præda.

Quin erubeſcant, quæis ſua luctibus

Noſtris emuntur gaudia, & induant

Vultu pudorem, quæis amorî eſt

Dente meam lacerare famam.

At quæis amorî eſt, juſtitia meæ

Intaminatus candor, & integræ

Mens puritatis ; semper æquâ  
 Lege dies videant beatos ;  
 Dicantque semper, qui mihi dulcia  
 Verè apprecantur pectoris otia,  
 Laudes Tonanti, cûi suorum est  
 Cura vigil, studiumque promptum  
 Favendi in arctis. His ego pectore  
 Et voce jungam gaudia , quamdiu  
 Videbo soles, & perenni  
 Laude tuum celebrabo nomen.

---

PSALMUS XXXV.

Magna est sæculi perversitas ; sed  
 major est Dei misericordia.  
*Dixit injustus, ut delinquat in semet-*  
*ipso, &c.*

**D**ogma hoc profundis impius imprimit  
 Cordis medullis : Quà lubet, hæc abi :  
 Hac lege vive, ut lege nullâ  
 Vota tibi patiare stringi.  
 Stultum est, timoris phasmata fingere,  
 Dum te voluptas blandior afficit,  
 Suadetque jucundis gravatum  
 Deliciis relevare pectus.  
 Timore pulso Numinis, omnia  
 Sunt ad ruinam rupta repagula,  
 Doli que fervent non latentes  
 Cœli oculos, radiumque solis.

O dogma flammis dignum Acheronticis !  
Iniquitatis fructus hic emicat,

Exosa terræ ut sit, poloque, &  
Ipsa suis laceretur ausis.

Si verba promat, verba nefario  
Miscentur astu, nequitiâ, & dolis ;

Spernitque, si quis sanctiore  
Consilio potiora suadet,  
Intenta semper deterioribus,  
Quæ nocte secum consule fabricat,  
Ut calle tecto sese honesti

Submoveat, scelerumque amicum  
Iter sequatur. Maxime siderum

Terræque Rector, muneribus tuæ  
Benignitatis plena terra est,  
Astra poli, pelagique fluctus.

At lenitate est non minor æquitas,  
Quæ par micantùm ad sidera montium  
Stat firma semper, atque abyssum  
Judiciis abit in profundam.

Humana gens hinc, hinc pecudes quoque  
Sumpsêre vitam : par tibi, & improbi est,  
Et innocentis cura, solis

Luce frui pius impiusque  
Possunt eâdem. O ! quàm bonitas tua  
Diffusa latè ad sidera, & ultimos  
Terræ recessus, marginésque  
Oceani sua signa profert.

At qui tuo se Numine muniunt,  
Cælique gaudent vivere legibus,



Contra omne discrimen tuarum  
 Præsidio scapularum obumbras.  
 Postquam evolârit carcere spiritus  
 Illatus astris, nectare diffluet  
 Inebriatus, & recente  
 Ambrosiâ relevabit æstum  
 De fonte vitæ ; qui riguo fluit  
 Torrente perpes : qui & amabili  
 In luce spectabit perennem  
 Luminis empyrei architectum.  
 Benignitatis, tu Pater, interim  
 Expende munus te venerantibus ;  
 Et calle recto inambulantes  
 Tuta tuæ tegat umbra dextræ.  
 Non me superbo calce superbior  
 Premat tyrannus, nec manus impii  
 Armata ferrô, me æquitatis  
 Posse viâ putet avocari,  
 Qui fœda spirant crimina, & improbæ  
 Vitæ tenorem, præcipites stygis  
 Ivêre ad undas : ex amœno  
 Elysi cecidêre campo  
 Primi Parentes ; Aligerûm cohors  
 Dejecta cælo est. Tam grave crimen est,  
 Ut illud æther sustinere  
 Non valeat, licet ære fusus.



## PSALMUS XXXVI.

Antithesis infelicis impiorum felicitatis, & felicis Justorum miseriæ.

*Noti amulari in malignantibus, &c.*

**E**Xempla pravi ne sequere æmuli,  
 Quem noxiarum cernis in avia  
 Cupiditatum ferre gressum,  
 Perque scelus scelus aggravare.  
 Nec dente clausas exedat æmulus  
 Livor medullas, si melior malis  
 Fortuna adulatur, magisque  
 Deliciis quibusque abundant.  
 Felicitatis phasirata lubricæ  
 Cum Sole natæ, deciduo cadunt  
 Cum Sole rursus, more scæni,  
 Quod calidò brevis hora siccet  
 Accensa Phœbò. Tu, cui vivida  
 Spes in Tonante est, ne minimum viâ  
 Abscede rectâ, quasque servas  
 Ingenuræ bonitatis artes,  
 Constans teneto : cœlica dexterâ  
 Qui liberali præmia dividit,  
 Terræ tributis te beabit ,  
 Quodque potest capere illecebræ  
 Mortale pectus cœlitis, in tuas  
 Fluet medullas. Ne tua gaudia  
 Extra Tonantem quære : & ille  
 Munificus tua vota fluxu

Dabit secundo currere ad exitum.  
 Quocunq̃ue tendis, quas tibi semitas  
     In mente fingis, sive famam,  
         Sive decus, generisq̃ue nomen,  
 Committe cœlo: tum tibi singula  
 Ad vota current. Qualis ab æquore  
     Aurora Solem manè ducit,  
         Et rutilo jubet igne lucem  
 Usq̃ue ad supremum ferre meridiem:  
 Talis per orbem justitiam tuam  
     Illustriori vecta curru  
         Fama feret, tuam & æquitatem  
 Adusq̃ue fines Oceani ultimos  
 Laudabit orbi. Deprime subditum  
     Jugo Tonantis collum, & atrum,  
         Quod tulerit tibi læva fatum  
 Fortuna, perfer; vota q̃ue Numini  
 Pias ad aras pende; nec impia,  
     Ut te monebam, exempla vitæ  
         Esse tuæ patiare legem.  
 Iram severus comprime; fervidi  
 Flammæ furoris dilue: tramitem  
     Vita scelestorum, nec ullô  
         Nequitiae ingrediare campum  
 Exemplô adactus. Qui malè conscium  
 Abominandis criminibus sinum  
     Implent, in æternum salutis  
         Sponte suâ exitium laborant.  
 At qui modesto non variabilis  
 Tenore vitæ legibus ætheris



Parere docti, hæreditate  
Jura foli ad decimos nepotes,  
Per fera mittent sæcula. Sustine  
Moræ parumper : mox ubi constitit  
Sublimior vulgo superbus,  
Nulla sui remanebit umbra.  
Quod si requiras, quò steterit locò ?  
Quâ sede plantam fixerit impius ?  
Vestigiorum pressa nusquam  
Ulla dabit tibi signa tellus.  
At mansuëtis imperium foli  
Hæreditatis nomine ad ultimos  
Fluet nepotes, posteri que ,  
Quot superant numeranda lustra,  
Ducent sereno pacis in otio.  
Tectis dolosus retia fraudibus  
Nectit modesto, lividoque  
Dente fremit, perit & dolore.  
At qui supremo despicit æthere  
Curas inanes, ridet ad irritas  
Frendentis iras, arroganti  
Dum propiùs videt imminere  
Collo ruinam. Frustrà in acinacem  
Manus volabit, vel jaculis suum  
Armabit arcum , ut innocentum  
Morte suos fatiet furores.  
Nam vi, repulsus mucro, retrogradâ  
Redibit alto in viscera vulnere  
Necem minantis, lethiferque  
More vitri minuetur arcus.

O quàm

O quàm beatâ est sorte beator,  
 Illiberali cûi dederit parum  
     Fortuna dextrâ, & innocentem  
     Pauperiem satiare parvô !  
 Longè ille vincit divitis impiam  
 Felicitatem, cûi melior favet  
     Fortuna, & aggesti benignis  
     Obsequiis famulatur auri.  
 Potentiorum namque superbiam,  
 Viresque justus comminuet Deus :  
     Mentémque, robúrque, & salutis  
     Præsidium dabit innocenti.  
 Jubente cœli Numine Gratia  
 Aurata vitæ flamina protrahunt :  
     Illo jubente, posterorum  
     Jura tenet series nepotum :  
 Seu pestilentis vis mala toxici  
 Incestet auras, deque cadaverum  
     Latè per agros mors jacentûm  
     Congerie malè gloriatur :  
 Seu Mars procellæ turbine pallidum  
 Involuat orbem, & sæva manu facem  
     Bellona jactet, flammeoque  
     Tela volent cumulata nimbô,  
 Nil erubescet justus : ubi impius  
 Turbatur armis, ipse, tumultuum  
     Ignarus, in tranquillitatis  
     Pace suos numerabit annos.  
 Nec si vel agris, vel neget horreis  
 Ceres tributum, atque exedat ossibus

Fames vigorem, hunc inquieto  
Esuries cruciabit ausu.  
At impiorum turba nefaria  
Ibit profundo victima Tartaro;  
Et celsiore dum videntur  
Stare loco, timidumque vulgus:  
Calcere fastu, deficientibus.  
Pompis honorum, mox tenues eunt  
Auræ in vapores, nec superstes  
Indicium manet ullum honoris.  
Immensa iniquo pondere scœnora  
Auget scelestus, nec tamen aureo  
Est imbre dives, nec fideli  
Puncta refert sua Creditori.  
Non sic modestus: sit licet illius  
Fortuna pauper, dat sine scœnore,  
Dat indigenti liberalis,  
Quodque iterum tribuat, fidelis  
Crumena præbet. Debita quos juvat  
Tributa laudum reddere Numini,  
Illis facultates, opesque  
Terra dabit, cumulumque; frugum.  
At qui supremo per sua crimina  
Deo est rebellis, quæ malè congregat,  
Pejus peribunt, sordidaque  
Pauperie miser opprimetur.  
Quemcunque Olympi diligit Arbiter,  
Ad astra tuto tramite dirigit,  
Firmatque gressus, lubricoque  
Impavidum jubet ire calle.



Si fortè gressum præcipitem via  
 Prærupta fallat, vulneris innocens  
 Ridebit ipse: nam cadentis  
 Ipse manum Deus attinebit.  
 Olim calenti vivida sanguine  
 Mihi ibat ætas, jam gravioribus  
 Fatigor annis, induitque  
 Cana caput nivibus senecta:  
 Nec destitutum subsidiô Dei  
 Vidi innocentem, nec genus illius  
 Stipem rogare, aut ostiatim  
 Jure famis Cererem invocare.  
 Dum spem favente in Numine collocat,  
 Illaque vivit, dat sine ignore  
 Vel mutuum, vel liberali  
 Corde stipem erogat indigenti:  
 Nec inde legat pauperiem suis  
 Hæreditatis nomine filiis:  
 Quin munere astrorum relinquet  
 Progeniem locupletiolem.  
 Prudens malignam currere semitam  
 Cave improborum. Regia tutior  
 Via est proborum. Hanc si tenebis,  
 Propitium experiere cælum.  
 Deus tenacem justitiæ virum  
 Fovet paternis cordis amoribus,  
 Et candidæ sinceritati  
 Semper adest comes, & patronus,  
 Custosque vitæ in plurima sæcula  
 Sanctè extrahendæ. Sed malè conscios

Injuriarum, verberante

Pœna ferox sequitur flagello,

Omniẽmque stirpem sanguinis eruit

Radice ab ima : dum probus interim

Cultorque recti, per nepotes

Stirpe suâ genitos tenebit.

Hæreditatis perpetuæ integras

Possessiones, inviolabili

Per stemma cursu defluentes,

Dum facibus radiabit æther,

Et terra stabit : fraudibus abstinens.

Amanſque juſti, lege modetiæ

Verba ordinat : quisquis ore

Sermo fluet, sapiente venâ

Ductus coletur ; nec, niſi quod jubent

Vel æquitatis jura, vel integra

Virtus, vel incorrupta fraude

Simplicitas animi loquetur.

Nam corde ſculptam, quam gerit, intimo

Legem Tonantis non violabili

Cultu veretur : hæc regente

Omniẽm animi moderatur æſtum ;

Nec hoc ; vel illo tramite deviat

Intentus æquo. Hinc, quamlibet impius

Sui met ignarus malignis

Indiciis aliena facta

Cenſere ſuetus, conſtruat artibus

Caſſes dolosæ ; inſidiis licet

Subſeſſor aſtutus paratis

Innocuum illaqueare tentet ;

Labo-

Labore vano sudat, & irritos  
 Alit furores. Scilicet impiæ  
     Molimen artis illi pandet,  
     Qui superâ speculator arce  
 Humana cernit: non finet impiis  
 Hæerere prædam cassibus; & suô  
     Cum pro tribunali sedebit,  
     Judiciô meliore causam  
 Aget proborum. Quin animo imperas,  
 Spe non caducâ fidere Numini?  
     Brevemque discis sustinere  
     Mente moram, tacitisque cœlum  
 Orare votis? sustine: & abstine  
 Calle impiorum: te Deus eriget,  
     Dabitque terram possidere,  
     Pace frui, & pereuntis hostiæ  
 Spectare funus. Vidi ego nubibus  
 Sese inferentem fronte superbiam,  
     Qualis virentes inter umbras  
     Culta cedrus Libani superbit.  
 Respexi: & eccum! phasmata gloriæ  
 Evanuerunt. Quo steterit loco,  
     Dum quæro, vestigoque terram,  
     Nulla suæ lego signa pompæ.  
 Ergo sereni pectoris integrum  
 Serva pudorem, nec minimùm viâ  
     Cede æquitatis: hinc quadrigis  
     Pax niveis oritura, finem  
 Nullum videbit. Grandior imminet  
 Casus superbo. Quo steterat loco,



Illo peribit, sanguinisque  
 Jura simul trahet in ruinam.  
 At lætiorem frontis in aream  
 Vos sancta iusti admittite gaudia.  
 Vos Rector orbis, cum severam  
 Sors caperet malefida frontem,  
 Velutque motis fluctibus æquoris  
 Licentioso turbine Nereum  
 Convolvit, ereptos procellæ  
 Littore constituet quieto.  
 Vos astra fido robore munient,  
 Vastoque cingent præfidiò latus,  
 Viresque iniurorum retundent,  
 Vosque sinu placido fovebunt.  
 Hæc nempe merces inviolabili  
 Spei reposita est: sic Deus obviat  
 His, qui suæ cursum salutis  
 Arbitrio Domini remittunt.



PSALMUS XXXVII.

Deplorat errores suos, & ex his  
nata animæ, corporis, & honoris incom-  
moda, divinamque opem implorat.

*Domine ne in furore tuo arguas me, &c.*

**R**egum Imperator maxime, & ætheris  
Soliq̃ue Rector, cujus ad unicum  
Nictum minantis contremiscit

Terra, stupet mare, & astra pallent;  
Ne vindicantem ad fulmina porrige  
Dextram, ut rebellis stulta redarguas  
Delicta servi; nec severâ

Justa Themis mea facta lance  
Appendat. Eheu! desine, desine  
Arcu minari, & spicula tensili

Librare nervo: jam profundo  
Fixa animo tua tela grande  
Fecêre vulnus; quaque manu rotas  
Immane telum, me nimis aggravat.

Me vindicantis terror iræ  
Vulneribus malè fauciavit:  
Ut parte nullâ vivida sanitas,

Vigensque robur corporis emicet  
Measque culpas cogitanti

Ossa tremunt labefacta pulchræ  
Ignara pacis. Quæ mala perperam  
Seductus egi, jam capiti incubant;

Velutque pondus grande, fessum  
Mole premunt graviore dorsum.

Quis mentis error ! quæ insipientia  
Suasit meorum abscondere vulnerum  
Turpes cicatrices ? Venenum,  
Cum tegitur, magis invalescit.

Sic fauciati vulnera pectoris  
Sumpsere vires tempore, & horridò  
Fluxere tabò, defluamque  
In faniem putruere plagæ.

Heu ! quàm profundâ naufragus æquoris  
Nato procellâ ; vel potius luti  
Tenace visco mergor, atque  
In scelerum tumulor sepulchro.

Grandis jacentem sarcina deprimit  
Adusque abyssum, meque in amabili  
Sub mole luctantem perennis  
Tristities, gemitusque mordent.

Neque hic malorum terminus ultimus  
Fixus malorum est. Quâ violentiâ  
Sensus rebellat ? quàm invenustas

Mens scelerum sibi fingit umbras ;  
Novisque rursus ut castibus implicet  
Vix expeditum pectus, inebriat  
Sinum voluptate, & potente  
Illecebrâ rapit in ruinam.

Angustiarum cinctus ab agmine  
Quacumque curas verso, levaminis  
Spes nulla fulget : flere tantum  
Una animi miseri est voluptas.

Injussa vultum lachryma perluit,  
Mugitum ab imo carcere pectoris



Vox ducta tollit, more tauri,  
 Quem lanio trahit ad securim.  
 Qui perspicaci lumine ab æthere  
 Arcana spectas abdita mentium,  
 Anhela tu desiderantis  
 Vota vides, gemitusque cordis.  
 Tu cernis alti quanta pericula  
 Me naufragantem concutiant maris,  
 Et cymba jactetur frementis  
 Hippotadæ, pelagique ludus.  
 Tu cernis, ægrè quàm mihi languidi  
 Pedes trahantur, membraque pristino  
 Vigore denudata vires  
 Destituant, oculosque lumen.  
 Propinquiore quos mihi sanguine  
 Natura junxit, qui studiis mihi  
 Cultum exhibebant, fœderatis  
 In me odiis coiêre in agmen,  
 Ad vim parati: quique meum latus  
 Propè ambiebant, fœdifragâ procul  
 Fide steterunt, me in ruinam  
 Præcipitem dare præparati.  
 Nec sat dolorum. Quò manus impia  
 Proferre vires non potuit suas,  
 Calumniarum mole, & auctis  
 Opprobriis docuêre amaram  
 Pugnare linguam. Hæc, quîdquid acerbitas  
 Intoxicati pectoris intimis  
 Alebat in fibris veneni,  
 Evomuit, rigidoque dente

Mei momordit nominis inclytam  
Famam, atque apertis perfidiæ modis  
Ad subruendum me, dolosæ est  
Omne genus meditata fraudis.

Tamen filebam surdus ad omnia  
Calumniarum tela, ad aculeos

Injuriarum mutus : una

Pressum animum tenuit medela :

Pati, & filere. Hinc, qui mea conscii  
Probra audiebant, turpe silentium

Meum arbitrati judicabant

Possè pari bene par referri ;

Calumniarum tela, calumniis

Reddenda jactis, verbaque compari

Solvenda merce, injuriosa

Opprobriis referenda probra.

Tamen filebam mutus, & audiens

Non audiebam. Scilicet omnium

Erat levamen, spe secundâ

Magne Deus, tibi credidisse

Causam innocentis : nec precibus meis

Aurem negabis. Tu pater optime,

Fac, ne mea de afflictione

Lætitiâ sibi sumat hostis ;

Nec spe superbâ turgidus æmulus

Meis trophæa ex ossibus erigat ;

Nec, dum labante incedo gressu,

Ille meam petulante risu

Sortem sequatur ; perque minacia

Venena linguæ insultet, & arrogans

In me furorem, flammam, & æstum  
 Mentis agat, rabidumque dentem.  
 En me, Deorum magne Deus, tuos  
 Stratum ante vultus : deplue turbidâ  
 Flagella nube, nil relictor  
 Prompta tuos dare terga in ictus.  
 Nam, quam scelestus promerui, meos  
 Stat ante vultus pœna ; sed impio  
 Minor reatu. Nam, fatebor,  
 Supplicii genus omne culpas  
 Vix expiabit, quæis merui tuâ  
 Irâ feriri. Si mea contuor  
 Errata, judex ipse dico :  
 Grande meum scelus, & Tonantis  
 Est ira mitis. Viribus interim  
 Fœcundus hostis crescit, & auctior  
 Incumbit in meam ruinam,  
 Deque meo sibi planctu amœnum  
 Pœana cantat, deque doloribus  
 Meis cachinnos colligit, & bonis  
 Malum rependit, semper audax  
 Ore meum lacerare nomen.  
 Quæ causa tandem corda tot hostium  
 Exasperavit ? Nempe nefarium  
 Declino callem, perque sancta  
 Curro tuæ documenta legis.  
 Deus modesti tutor, & impii  
 Terror, favorem si merui tuæ  
 Benignitatis, tu propinquo  
 Me miserum comitare passu.



Te namque scutum, te clypeum meæ  
 Adoro vitæ; tu mihi tutus es  
 Portus salutis, ambigenti  
 Certa meis Helice in periclis.

---

## PSALMUS XXXIIIX.

Quærit in adversitate solatium ex  
 consideratione brevis vitæ hominis, &  
 plenæ miseriis.

*Dixi: custodiam vias meas, ut non de-  
 linquam, &c.*

**S**ic constitutum est: nec variabilem  
 Mutabo mentem. Quod male perfidâ  
 Sub forte dixi, dico rursus:

Quam tenui, stabili tenebo  
 Tenore legem: fortis, & abstinens  
 Conviciorum, jurgia perferam,  
 Silentioque promptus altô  
 Opprobrii tolerare morsus,  
 Frænabo linguam. Sic ego nuperâ  
 Cùm forte pressus luderer hostibus,  
 Obmutui; & defensionis  
 Jura meæ taciturnitate  
 Pressi modestus, ne temerario  
 Tentaret ausu erumpere verbulum.  
 At qualis angustas coactus  
 In lathras violentiore  
 Vi sævit ignis; talis in intima  
 Sede ulcerati pectoris abditus

Sensus doloris acriore

Invaluit furibundus æstu.

Hinc, cùm inquietâ mente revolverem

Meam ipse sortem, claustra silentii

Rupi in querelas, ac olympum

Suspiciens, lachrymansque dixi:

O! qui futuras res hominum vides,

Cœli Imperator, quem mihi terminum

Ponis dolorum? quem furori

Fata dabunt inimica finem?

Quousque vitæ stamina protrahent

Parcæ sorores? unde animô assequar,

Duro sinistrorum meatu

Quanta mihi toleranda restent.

Jam stringo votum. Scilicet est brevis

Mensura vitæ, quam rapido fugat

Tempus volatu; cûi supremum

Quæque dies jaculum minatur.

Labuntur horæ, prætereunt dies,

Mensesque & anni: vix bene transiit

Vigor juventæ, jam senilis

Membra tenet labefacta torpor.

Cunis ab ipsis ad tumulum gradu

Imus citato. Si bene pondero

Rerum refluxum, nostra vita

Est nihilum, nihilique imago.

At, si fugacis filia temporis

Viventium ætas est mera vanitas,

Peritque ceu pictura somni,

Dumque fugit, fugat ipsa semet;

Cūr tam calenti sollicitudinum  
Versamur æstu ? totq̃ue molestiis  
Mentem tenemus involutam ,  
Atq̃ue animum lacerare tantā  
Curā studemus ? Non satiabili  
Avarus æstu convehit ultimo  
Ab orbe thesauros, & auri  
Divitias op̃erosiore  
Labore confert : Sed cui congregat  
Nec ipse novit ; nec fruitur tamen ;  
Et fortè luxu dissipatum  
In nihilum peregrinus hæres  
Devolvēt aurum. Non ego fulgidō  
Cingi metallō, nos radiantibus  
Splendere gemmarum coronis,  
Non lapidum precioso honore  
Nitere posco. Tu mihi, Numinum  
Numen supremum, tu precium mihi  
Es omne, thesaurusq̃ue, opesq̃ue  
Divitiæq̃ue, & opima gaza.  
Tu me mearum retib̃us exime  
Iniquitatum, quæ gravium mihi  
Sunt fons malorum, meq̃ue vile  
Ludibrium populo dederunt.  
Nec in querelas mens, licet anxia,  
Erupit ullas, arcta silentio  
Tenente labra : nam sciebam,  
Essē tui documenta amoris  
Pœnas vel ipsas. Tu tamen, ò Deus,  
Suspende flagrum, & retrahē vindicem



Manum trifulco ab igne, meque  
Solve metu ferientis ictûs.

Robusta dextra est, quâ caput in meum  
Flagella stringis. Cernis, ut artubus

Vigor recedit, defluumque  
Destituat sua membra robur?

Hæc pœna nostro est debita crimini:

Languere membris deficientibus,  
Araneorum more rete

Texere, quo capiatur aura,  
Tota & labori impendere viscera

Nil profuturo, & pectora inanibus  
Turbare figmentis, sinumque  
Vanâ animi lassare curâ.

Aure ergo pronâ supplicibus Deus

Attende votis; aspice lachrymas

Per ora rivo defluentes:

Namque mihi peregrina vita est,

Parata quovis temporis aufugi

Migrare puncto, & currere semitam,

Quâ turba præcessit parentum,

Quêis lachelis sua fila rupit.

Deus! rigorem contrahe dexteræ,

Fessum ut resumat pectus anhelitum,

Eò priusquam morte tollar,

Unde nequit reditus patere.



## PSALMUS XXXIX.

Reddit Deo gratias suo adjutori.

Orat ad novas calamitates continuari auxilium. Mysticè exponitur de Passione, & Resurrectione Christi, & abrogatione legis.

*Expectans expectavi Dominum, &c.*

**P**ropè imminentem cùm timor & minæ  
Mihi videndam mortis imaginem

Ostenderent; spè plenus astris

Auxilium Domini poposci.

Visus morari est. Hunc lachrymabili

Prece invocavi rufus: & adfuit

Juvare promptus, nec per auras

Sustinuit vacua ire vota.

Calumniarum hic fluctibus obrutum,

Lutiq̃ne densis implicitum vadis

Eduxit, & petræ eminentis

Culmine me statuit, meisq̃ue

Per tuta callem gressibus obtulit,

Novoq̃ue cor ad carmina spiritu

Afflavit, & linguam sonorâ

Laude Dei resonare jussit.

Hæc conspicientur, quotquot ab ultimo

Mundi repositi margine Cynthium

Vident euntem, gaudeantq̃ue

Suave jugum Domini subire

Spe roborati. Filius optimæ

Est ille fortis, cūi sua Numini

Spes firmè adhæret ; quam dolosis  
 Non Rapiunt peritura technis ;  
 Nec vanitatis ludit imagine  
 Fallace mundus. Cernimus undique  
 Miranda, Numen, quæ patrâsti :  
 Consilio sapiente vincis  
 Omnem eminentis vim sapientiæ.  
 Si quando mentem vellicor, ut tua  
 Arcana pandam ; verba defunt,  
 Lingua tacet, ratio fatiscit.  
 Non victimarum te recreat cruor,  
 Non hostiarum copia publico  
 Congesta cultu : obediante  
 Corde capi tua dicta mavis.  
 Non hostiarum congeries sacris  
 Urenda flammis, quâ scelerum solet  
 Contracta labes expiari,  
 Grata tuos crepat ante vultus.  
 Tunc : Ecce dixi, nutibus obsequens  
 Tuis paratum subjicio caput.  
 Coli reposcis ; sed repressi  
 Obsequiis animi magis, quàm  
 Ardente ad aras munere thureo,  
 Sabæque donis. Est tibi legibus  
 Turgens volumen, quo voluntas  
 Scripta tua est, hominumque fata ;  
 Primus character, quem liber exhibet,  
 Tua est voluntas, quam mihi prælegis  
 Vitâ exprimendam. Nec morabor :  
 Ecce animi bene præparati



Submitto fasces. Quin tua dogmata  
Puræque sanctam legis imaginem

Servare, juravi, sinûsque

In media regione scripsi.

Enunciavi per populos tuæ

Famam æquitatis. Nulla licentia

Negata linguæ est, nec facultas

Dempta labris, tua jura mundo

Palàm eloquendi; tu mihi testis es.

Nec corde tantùm sub tacito tuæ

Momenta celavi æquitatis,

Sed labiis, patulæque voci

Frænum resolvi; ac ut fidei tenax,

Promissionum largus, & indigis

Favere promptus dicereris,

Lingua mihi tuba facta laudum

Fuit tuarum nuncia, propalam

Benignitatis per populos tuæ,

Et veritatis grande nomen

Intrepido cecinit canore.

Nunc ergo, Numen, me bonitas tua

Fidesque servet, fallere nescia,

Ne derelinquant, quæ fideles

Semper erant comites meorum

Molestiarum. Cernis! ut undique

Arctis coronant obsidionibus

Culpæque, crudelesque pœnæ

Innumeris numeris adauctæ!

Iniquitatis mancipium, gemo,

Vinctus catenis, & pedibus fero

Immane pondus vinculorum, &  
 Nocte meos tnmulante vultus  
 Spectare pulchrum præpedior diem.  
 Non tot capilli in tempora defluunt,  
 Collumque lambunt, quot procellæ  
 Exitium mihi comminantur.  
 Et jam propinquæ mortis imagine  
 Perterritum cor attonitum stupet,  
 Suâque sede devoluta  
 Vita sinu parat avolare.  
 In me paternæ frontis amabilem  
 Convertite Solem, Numen, & obrutum  
 Periculorum mole, tutâ  
 Innocuum regione siste.  
 Ludantur artes, quas struit improbus  
 Mihi in ruinam: panicus in fugam  
 Timor revolvat, quos iniqua  
 Fata juvat mihi præparare.  
 Pudor ruborem protinus evocet  
 In ora eorum, qui sibi risibus  
 Jocisque plaudunt, dum tuentur,  
 Tanta mihi incubuisse damna.  
 Illis serenus lætitiæ dies  
 Semper recurrat, qui fidei tuæ  
 Se crediderunt, & tenace  
 Solliciti tibi curâ adhærent:  
 Tuamque totum magnificentiam  
 Spargunt per orbem, qui tui amoribus  
 Castis tenentur, teque adorant  
 Præsidium dubiæ salutis.

Ego mearum sollicitudinum  
 In te revolve pondus, & indigus,  
     Pauperque egestatem prementem  
     Spero tuis relevare donis.  
 Nam tu salutis præsidium meæ es,  
 Scutum in periculis, murus aheneus  
     Objectus hosti. Tu natanti in  
     Morte animæ propera levamen.

---

## P S A L M U S XL.

Extollit pietatem in miseros. De-  
 tegit perfidiam simulatæ amicitiae. Alle-  
 goria Christi pœnitentis, & resurgentis.

*Beatus vir, qui intelligit super egenum, &c.*

**S**ortis beato fidere proditus,  
 Qui fronte suavi, munificâ manu,  
     Et liberali corde egenis  
     Dona refert, inopesque ditat.

Cum nubilofus triftitiæ dies,  
 Iræque tempus venerit ultimæ;  
     Quam præstitit benignitatem,  
     Confimili pietate largè

Illi rependet Numen, & omnium  
 Remunerator: sidera verticem  
     Ejus tuebuntur, suoque  
     E tumulto reducem vocabune

Vivas in auras, atque superstitem  
 Vitam beato nectare perlucet;



Hostiſque ademptum ultra volantis  
Conſtituet jaculi pericſum.

Si morbus ægrum torqueat improbus,  
Laſſoſque vitam vix trahat halitu,

Curator aſſiſtit dolenti,

Et Medici vice molle membris

Stratum parabit. Non ego teſtibus.

Utar remotis : ipſe ego nuperæ

Memor procellæ, cùm natarem

Jam pelagi tumultandus undis,

Voce hac querebar : Tu mea vulnerum

Tormenta miti lumine reſpice,

Jubeſque me largè fluentis

Participem bonitatis eſſe :

Sum tot malorum, quæ patior, reus

Sum ; non negabo : ſed ſclerum pudet ,

— Quæis læſa Majeſtas ſuprema eſt,

Atque tui violata jura

Auguſta honoris. Qui mihi per dolos

Eunus parabant, Eumenidum meum

Caput furori devovebant :

Quando petet moriturus atram

Stygem ? inquebant : quando ſilentium

Oblivioſo carcere noctium

Nomen, decus, famamque & oſſa

Una ſimul tumultabit urna :

His involutum fortè moleſtiis,

Si viſitandi nomine quiſpiam

Subivit ædes, corde riſum,

Ore tulit ſimulante fletum.

Vix æde gressus extulit, abditum  
Plenis venenum faucibus expuit,  
Amplosque per cœtus procace  
Evomuit maledicta linguâ.  
Hinc per fufurros alter in altero  
Accendit iras, ac odium mei,  
Miscetque turbas, & petulcum.  
Hinc populum ciet, inde canum  
Urbis Senatum in conciliabula;  
Quêis fanciuntur scommata, aculei,  
Calumniæ, ac artes nocendi,  
Opprobria, infidiæ, doli que;  
Secumque jactant. Hoc cilium jacens,  
Hæc lividorum palpebra luminum,  
Putasne rursum expergefiet  
Ad vigiles rediviva curas?  
Quin, qui perennis vincula fœderis,  
Nodumque pacis non violabilem  
Strinxere mecum, quos eodem  
Mensa cibo recreare mecum  
Nuper solebat, supposito pede  
Me subruebant. Quàm malè fidimus  
Fronti explicatæ! Sæpè amicâ  
Fronte animi tegitur venenum.  
At tu, polorum qui regis atria,  
Præsta paterno corde doloribus  
Meis levamen, dexteramque  
Tende piam, ut rapias parato  
Mortis sepulchro. Tunc ego nobili  
Gravis trophæo perfidiæ suas

Vices rependam, nec triumphans  
Ire sinam scelus impiorum :

A me impetrati hoc indicium tui  
Erit favoris, si nihil audeant

In me malignantes, suisque  
Non cumulent mea damna fannis..

Videre cœli jam videor mihi  
Nutum faventis, meque nocentium  
Secerni ab undis, protegi que  
Assiduâ pietate Divûm.

Ergo Israëlis tu, Deus, omnium  
Laudêre plausu, quâ veniens diem  
Aurora pandit, quaque fessum  
Sol fugiens caput abdit undis..

Neque hæc fluentis gloria temporis  
Claudatur annis ; sed dum Hyperionem  
Spectabit orbis, audiatur  
Laude tuâ resonare. Fiat !





## PSALMUS XLI.

Anhelat ab exilio ad æternam patriam, cujus memoriâ lenit suas misérias,  
& fiduciam erigit.

*Quemadmodum desiderat cervus ad fontes  
aquarum, &c.*

**Q**ualis recepto vulnere saucius  
Cervus medelam à lenè fluentibus  
Deposcit undis, atque anhelus  
Fonte situm relevare currit;  
Accensa talis mens mihi flammeo  
Amore cœli, te, Deus, anxiis  
Affectibus quærit, supraque  
Terræ humiles fugitiva tractus,  
Ad te Tonantem, roboris auspicem,  
Vitæque fontem, remigia explicat  
Sinûs amantis. Quando Numen !  
Quando tuæ dabitur potiri  
Splendore frontis ? quando pari vice  
Tuo licebit lumine conspici,  
Et, æmulâ felicitate  
Cœlituum, recreare mentem !  
Sic dum volantis vel celeres sequor  
Solis quadrigas, vel pigrioribus  
Per noctis umbras bobus actam  
Specto Hecaten, agor in querelas,  
Dilatæ in annos impatiens moræ  
Ad te evolandi : nec minùs interim

Sitim imbre potō lachrymarum,  
Esuriem satio dolore.

Sed hoc acerbāt vulnera pectoris

Jam jam cadentis, quod petulantior

Insultet hostis : Quā , inquit , umbrā :

Quā latitat Deus ille nocte,

Qui te patronā destituit manu ?

Hæc dum revolve mente, spei mihi

Scintilla resplendet, tuæque

Me radius bonitatis afflat ;

Qui jam propinqui monstrat amabilem

Titanis ortum, quō mihi fas erit,

Migrare mundi de tenebris,

Et superūm radiare luce.

Illuc solutus pondere corporis

Ferar volatu, ac æthereis choris

Conviva mixtus jubilantē

Deliciis fruar æviternis.

Quid ergo tristis mens mihi nubila

Offundis, imbres ex oculis graves

Datura ? deturbasque fidā

Pulchræ animum statione pacis.

Assurge vivax. Jam tibi blandior

Aurora ridet. Surgo, & amabili,

Si quando , nunc tuas canore

Incipiam resonare laudes.

Nunc mœsta quamvis nubila pectoris

Serenum inumbrent ; quæ memorē tamen

Promissa mentem, gloriæque

Pacta monent, animum jacentem

In spem reducunt. Unde ubi, patriâ  
Exul, supinis Hermonii jugis

Hinc cinctus, inde præfluentis,

Et placido strepitu natantis

Jordanis undis clausus, anhelitu

Suspiro crebro, teque meis voco

Malis levamen, certus alto

Auxilii venientis axe.

Audace qualis sidera Nereus

Cùm pulsat undâ, ac in liquidum vocat

Stellas duellum, surgit altis

Unda jugis, recidensque vastâ

Profundi abyssu mergitur, & novis

Secundam abyssum fluctibus instruit :

Talis procellarum tuarum

Turbo meo capiti minatus

Longè remotum me tenet ætheris,

Quem quæro , portu ; ac undique fluctibus

Diverberatum me in profundam

Præcipitat violentus alti

Luctûs abyssum : nec tamen ardua

Me spes relinquit. Sive dies polos

Flammis inundet, sive Iberæ

Mersus aquæ tumulo diurnos

Extinguat ignes, me pietas tua

Laudum sonora in carmina suscitât,

Et vota dictât. Hinc frequente

Voce tui memor : O meorum

Exclamo, Numen, quæ mihi digeris,

Spes gaudiorum ? præsidium meæ



Salutis ! affectum in paternum  
 Explicitas mihi pande palmas.  
 Cur ergo tristi me pateris premi  
 Spinâ doloris ? nec memorem mei  
 Ostendis affectum , æmulorum  
 Dum rabies inimica cudit  
 In me sagittas ; quoq̃ ; potest dolô  
 In innocentem præcipiti studet  
 Letho involare. Heu ! quàm pavendo  
 Offa gelu glaciata torpent  
 Horrore probri , quô petulantium  
 Me turba vilis verberat hostium ,  
 Phœboq̃ ; cum nascente primùm ,  
 Cumq̃ ; iterum moriente sannis  
 Me consalutat : Dicit , ubi est DEUS ,  
 Quem frustrâ adoras ? sic mihi singulum  
 Diem auspicantur ; singulumq̃ ;  
 Probra , joci , maledicta claudunt.  
 Sed cur vigorem , mens mea , pristinum  
 Roburq̃ ; ponis ? corq̃ ; doloribus  
 Afflicta mergis ? nec levamen  
 Mœstitiæ superesse credis ?  
 Confide Cœlo : jam tibi promicat  
 Aurora felix , quâ liceat DEUM  
 Tuæ salutis conditorem  
 In solitum revocare carmen.

Fiduciâ in D E U M fretus , & eripi  
malis sperat , & sacrificium laudis illi  
offerre desiderat.

*Judica me DEUS , & discerne causam  
meam, &c.*

**D**EUS latentis pectoris arbiter ,  
Et juste Judex , tu meritum meæ  
Expende causæ , & quidquid egi  
Ad Themidis revoca bilancem.

Me de reorum conciliabulis ,  
Plebisq; iniquæ cœtibus erue ;  
Et fraudis immunem latente  
Casse doli prohibe implicari.  
Tu namq; scutum , tu mihi pectoris  
Munimen omne es. Cur latere à meo  
Procul recedis ? cur dolentem  
Ire finis ? gemituq; lassum  
Inter cadentium densa volumina  
Calumniarum , fulminaq; hostium  
Desævientium me relinquis  
Præfidiô malè destitutum ?  
Emitte tandem ( quod toties precor )  
Et lucis imbrem , quô videam dolos ,  
Et veritatem , quæ viarum  
Ambiguo mihi calle Dux sit ;  
Tuiq; certo tramite ad editam  
Deducat arcem Numinis : ut piis

Affusus aris, te virentis  
 Delicium venerer juventæ.  
 Tunc igne rursus spiritus entheo  
 In metra surget; tunc modulamine  
 Novo canorus per tuarum  
 Ibo gradus Cytharista laudum:  
 Dicamq; mecum: Cur mihi nubilus  
 Mœror patentem frontis in arcem  
 Irrumpit, & morsu tenace  
 Corda vorax dolor exacerbat?  
 Frontis serenum lætior explica  
 Tonante nixus: jam tibi barbitus  
 In carmen ibit; jam licebit  
 Læta pio dare vota cœlo.

---

PSALMUS XLIII.

Revocat DEO in memoriam be-  
 neficia, quæ Patribus contulit, & implo-  
 rat paria calamitatibus sui sæculi.

*DEUS auribus nostris audivimus, Patres  
 nostri, &c.*

**N**Ostras ad aures fama prioribus  
 Allata ab annis per memores Avum  
 Patrumq; linguas elocuta  
 Magna tuæ, DEUS, ad nepotes  
 Exempla sparsit munificentiae,  
 Opisq; promptæ, si qua necessitas  
 Pulsaret afflicto, graviq;  
 Sors premeret violenta fato.



Gentes superbas , exitialibus  
Flammis ruentes , insuperabilis  
Virtute dextræ contudisti ,  
Et patriæ laribus furorem  
Exterminâsti , & pacificâ Patres  
Terrâ locâsti. Marte equidem suo ,  
Sed imbecillo , restiterunt ,  
Nec rabiem valuere fractâ  
Domare dextrâ. Tu , DEUS , arduam  
Manum extulisti : tu tribulantium  
Minas represisti : favore  
Victa tuo posuit feroces  
Bellona flammâs. Sic placuit tibi  
Testari amorem. Sed nequedum tua  
Lassata virtus ; nec potestas  
Immemorem finit esse nostri.  
Adhuc es idem , qui Patribus piam  
Opem dedisti , Rex meus , & DEUS ;  
Cujus benignô inter tot hostes  
Auxiliô genus Israëlis  
Victoriosum semper ab alea  
Martis redivit. Spes mihi suggerit  
Hinc firma robur ; qualis altâ  
Taurus agit leve stramen irâ :  
Sic vile ventis ludibrium dabo ,  
Quos hostis in me commovet impetus ,  
Tuæq; virtutis vigore  
Omne teram pedibus frementis  
Molimen hostis. Non ego spem mei  
Arcûs , vel ensis fulcio robore :

Nec de Tyrannorum procella  
 Arma mihi referent salutem.  
 Tu grande Numen, tu metuentibus  
 Hostile ferrum, jamq; cadentibus  
 Manum tetendisti, fugâq;  
 Præcipiti metuenda castra  
 Exterminâsti. Huc ergo revertimur:  
 Hic nostra sedem gloria propriam  
 Sibi locavit: huc meorum  
 Sponte meat rota gaudiorum.  
 Sed quò revolvor! Fallor? an horridâ  
 Nos fronte spectas; nec patrios sinis  
 Subire vultus; pœnitetq;  
 Te comitem auduisse nostris  
 In bella turmis? scilicet improbis  
 Nos vile probum deseris hostibus;  
 Retroq; versos persequentum  
 Nos manibus spoliū relinquis.  
 Qualis balantum grex ovium innocens  
 Crudum ad macellum victima cogitur,  
 Tales furori sævientum  
 Abjicimur, tibi chara quondam  
 Gens Israëlis. Quos miserabilis  
 Lethi sepulchro fortè superstites  
 Lassata servavit tyrannis,  
 Hos pretio levioꝛe scrutis  
 Vænum dedisti: nec prohibes jocis  
 Agi protervæ plebis, & obviis  
 Vulgi cachinnis vapulare, &  
 Ludibrio popularis iræ

Prostare metam. Hinc frontis in aream  
Sese verecundus pudor ingerit ,

Tegitq; vultum , liberoq;  
Ore diem vetat intueri.

Tot hinc , & illinc hostibus obruti ;

Tot derelicti , grex miser , hostibus

Aut proterendi , aut victimandi ;

Nec tamen immemores tuorum

Sol vidit unquam vivere foederum ,

Sanctæq; legis : tramite nec tuo

Avertimus pedem ; nec ulla

Fixum animis valuit Tonantem

Nos persequentum copia vellere.

Quamvis ab omni parte minacior

Urgeret hostis , & severa

Ante oculos Libitina staret ;

Et mœsta duræ pectora tædium

Vitæ teneret : nec tamen avio

Cultu peregrinos Deorum

Ante focos manus impiata

Thuris cremavit munera ; nec genu

Unquam recurvo Numina gentium

Vocata ad aras ; nec profana

Fictilibus data vota Divis.

Sed qui recessus pectoris abditos

Vides acuto lumine , quem nihil

Potest latere , providente

Ista oculo fugis intueri ?

Te propter annos ducimus , exule

Face , inquietos ; nec vacuus dies



Molestiâ affulget ; velutq̃;  
 Grex ovium trahimur , macello  
 Jam destinati. Quid simulas adhuc  
 DEUS soporem ? Surge , nec impio  
 Nos desere hosti ; sed suprema  
 Fata manu celeri anteverte.  
 Quid usq̃; frontem vertis , & arduo  
 Vultu minaris ? nil tibi deditæ  
 Est cura turbæ ? nil paternum  
 Nostra movet laniena pectus ?  
 Aspersa multo pulvere corpora ,  
 Viresq̃; fractas mitior aspice :  
 Et strata terrâ attolle membra ,  
 Et pluvias oculi cadentes  
 Solare , Numen. Surge ; ser obviâ  
 Mœstis salutem ; nosq̃; tyrannicâ  
 Crudelitate solve , nostræ  
 Præsidium , cumenq̃; vitæ.



## PSALMUS XLIV.

Epithalamion Christi & Ecclesiæ,  
quò laudatur Sponsus à dotibus suis, &  
Sponsa ab ornamentis.

*Eruclavit cor meum verbum bonum, &c.*

**D**Iviniori quis mihi pectora  
Afflavit aurâ? quis furor, entheus  
Sacrato ab igne, verba solvit,  
Verba metrum paritura Regi?  
Amœnam in oden insolito impetu  
It lingua velox, æmula pectoris  
Affectui, ut nec prævolantem  
Scriba levâ properante pennâ  
Æquare possit. Tu facilem mihi  
Ad plectra musam, Sponse, vocas. Tui  
Quæ forma vultûs? quæ sub astris  
Omne hominum decus antecellit.  
Tenor modestus frontis eburneo  
Sedet theatro, gratia luminum  
Decertat astris, labra dulci  
Melle fluunt, roseumq; malas  
Distinguit ostrum; cûi Charites favent,  
Non desituris officiis suam  
Curam locaturæ, & perenni  
Rore poli, radiisq; Solis  
Culturæ amictus. Hoc super unicum est:  
Accinge ferrò terrificum latus  
Heros pavende; & Marte victor  
Per medios ruiturus hostes,

Con-

Confunde cædes. Nec populis minùs  
 Amande Princeps, exere gratiam  
 Vultûs amœni, quâ tuorum  
 Corda trahas, animosq; stringas,  
 Et obsequentûm pectora civium  
 Dulci illecebrâ capta coërceas;  
 Felice sic cursu meabit  
 Temperies adamata regni.  
 Tecum gubernent Imperii lupos  
 Trinæ sorores: Candida Veritas,  
 Et Æquitas justâ bilance,  
 Et bonitas studiosa miti  
 Regnare dextrâ. Sic tibi gloria  
 Constans virebit: sic tua dextera  
 Gentes per ignotas potentis  
 Mira dabit documenta sceptri:  
 Sic & tuorum corda rebellium  
 Figes acutâ cuspide arundinis,  
 Cogesq; gentes jam subactas  
 Marte tuo genua osculari.  
 Hinc nec cadentis terminus ultimus  
 Solis, nec ævi labilis impetus  
 Dimensus annos imperantis  
 Jus poterit temerare sceptri,  
 Quod æquitatis legibus ordinas,  
 Et lenitatis nectare temperas;  
 Benignus idem, idem severus  
 Sancta tegis, scelerata frangis:  
 Jus æquitatis diligis, impiæ  
 Iniquitatis, criminum & omnium



Æternus hostis. Hinc Coævus  
Ante tuos, DEUS ad potentis  
Te scepra regni fustulit unguine  
Sacro perunctum. Quid memorem tuâ  
E veste spirantes Sabæûm,  
Atq; Arabum, Cilicumq; melleſes?  
Auramq; odoris, quam Caſiæ tibi  
Cortex adhalat? quidvè Opobalfama,  
Myrrhæq; ſillas lachrymantis?  
Quid memorem laqueare eburno  
Labore ridens? quid Babylonico  
Saxo, vel auro ſulta palatia,  
Ubi puellæ, ſtirpe Regum  
Progenitæ ꝑ famulante curâ  
Tibi miniſtrant? At mihi gratior  
Regina ſeſe vultibus ingerit:  
Regina ſublimis theatro,  
Parq; premens ſolium, paremq;  
Sortita honorem, quam ſtupeo tibi  
Dextræ aſſidentem. Prô Superi! Deæ  
Quæ pompa regnò digna! quantus  
Oris honor, ſpeciesq; vultûs!  
Auro capillus certat, amabili  
Fluctu flagellans terga; ſinuſtegit  
Congeſta gemmarum procella,  
Invidiam paritura ſoli.  
Per deſluentis ſymmata palii  
Auri ſonantis bractea multiplex,  
Colorq; multus innocente  
Scenâ oculos animoſq; ludit.

Huc

Huc regia aures progenies, tuos  
 Huc verte vultus; nec mea, negligens,  
     Sinum in profundum admitte verba,  
     Quæ tacitam tibi fundo in aurem.  
 Lares paternos, tecta domestica.  
 Matrem, patremq; , & vincula sanguinis  
     Oblivosâ conde nube,  
     Nec memorem patiare mentem  
 Versare amicos. Tunc tibi Regij  
 Augusta Sponsi gratia amabilem  
     Vultum explicabit; gestietq;  
     Tota oculis animoq; mergi  
 In expolitæ frontis imagine.  
 Huic redde amores: huius amabile.  
     Verere Numen: nec minore  
     Ille tuos cumulare parcus  
 Amore amores, de procul absita  
 Tyri vocabit margine filius  
     Et gemmâ, & aurô, & unionum  
     Multiplici radio micantem  
 Solem æmulantes, quæ tua supplices  
 Mandata adorent. Has opulentior  
     Caterva Phœnicum, & Canopus  
     Dives opum populus sequetur  
 Donis onustus; quem videor tuo  
 Videre honori flectere poplitem,  
     Frontemq; adorare; & decoram  
     In speciem tibi ferre, quidquid  
 Vel rictat Indus, vel Babylonia  
 Illustre ab arte est, aut Achemænidæ

• Legunt tributū , vel Mycene  
Larga sinu locuplete fundit.  
Quamquam exterorum nil decorum indiga  
Tuæ venustas frontis , ab intima  
Diffusa cordis sede , ab auri  
Obsequio , sibiq; cultu  
Nil augeatur ; gratior attamen  
Sese intuentūm aspectibus inferet ,  
Si limbus auro , torque collum ,  
Merce sinus preciosā Erythræ  
Pascat videntem. Talis amabili  
Occurre Sponso : Te comitabitur  
Cohors puellarum , apparatus  
Insolito radiata cultu.  
Tecumq; amantis proxima dexteræ  
Sponsi allidebit composito ordine :  
Fremensq; plausu , barbitisq;  
Lætitiæ dabit acroama :  
Tandemq; & unā Regia limina  
Templi subibit. Nec tibi deerit  
Fœcundus ordo filiorum , &  
Progenies cumulanda sceptris ,  
Quam terrā adoret , quam sibi gaudeat  
Præesse mundus , nec fugiat regi  
Nutu jubentis , leniumq;  
Imperium tolerare Regum.  
In his superstes Fama , tui memor  
Perennè vivet ; quaq; meat dies  
Ventura latè te patenti  
Posteritas celebrabit orbi.



PSALMUS XLV.

Securitas civitatis DEI, quæ illius  
protectione defenditur.

*DEUS noster refugium, & virtus, &c.*

**D**EUS suorum est turris, aheneis  
Munita portis, quam metuat propè  
Bellona tentare, & furente  
Mars fugiat violare ferro.  
Hic tutum asylum confugientibus,  
Salusq; certa est, quamlibet hostica  
In comminantes ira fluctus,  
Et rabies eat in procellas,  
Hinc nulla nobis intrepidam subit  
Formido mentem; sive boatibus  
Immugiat tellus, suisq;  
Cardinibus labefacta nutet;  
Cadantq; montes, & tumidum suis  
Procul repellant littoribus mare,  
Novisq; libertatem aquarum  
Limitibus redigant in arctum:  
Sive evolutis æquora fluctibus  
Suis arenis longius exeant,  
Camposq;, pugnantesq; rupes  
Indomito fremitu flagellent.  
Nam civitatis, quam DEUS incolit  
Sibi dicatam, mœnia limpido  
Errore circumductus ambit,  
Et vitreo exhilerat natatu

Tran-

Tranquillus amnis ; nec finit otia  
Turbari amœnæ sedis ab exteræ  
Plebis tumultu ; nec sacrati  
Jura loci strepitu profano  
Contaminari. Quin mediò DEUS  
Centrò quiescit : quis violabili  
Hic instet ausu ? semper una  
Cura DEI est , vigilare nostræ  
Vitæ saluti : dumq; procul videt  
Sortem minari , & densa pericula  
Adferre in armis ; prævenire  
Auxiliis malè structa damna.  
Gentes superbas ( haud equidem ambigo )  
Densè ruentùm fluctibus obruet  
Periculorum ; motibusq;  
Sors tragicis inimica volvet :  
Regna in ruinam pendula proximum  
Casum pavebunt : vociferatio ,  
Luctus , dolorq; haud profuturis  
Ad Superos lachrymis ferentur.  
At non eodem turbinis impetu  
Res nostra agetur. Nos patriis DEUS  
Defendit alis , aggeremq;  
Se validum statuit salutis.  
Adeste : quæ fas non fuit hætenus ,  
Portenta rerum cernite , quæis DEUS  
Implevit orbem , & se stupendum  
Cœli oculis hominumq; præstat.  
Sævi procellas Martis ad ultima  
Mundi cadentis littora dispulit ;

Arcusq; , & hastas , & cruentis

Funeribus satiata tela ,

Nimbumq; ferri missilis obviâ

Protrivit irâ ; scutaq; & ægides ,

Lassi Cyclopis apparatus ,

Exiguum in cinerem redegit.

Huc evocamur. Demite ( sic ait

Rex ipse noster ) demite vultibus

Nubes , & intentis faventem

Vestrum oculis Dominum videte ;

Meumq; robur discite. Gentibus

Ego imperabo ; quâq; patet solum ,

Salumq; , Solq; , & astra , honoris

Pulchra mei statuiam trophæa.

Huc ergo nostræ , non timidi , anchoram

Spei locemus : nos patrijs DEUS

Defendit alis , aggeremq;

Se validum statuit salutis.

PSALMUS XLVI.

Canit Epinicion Christo in Cœlum

ascendenti, & victoriam Fidei per uni-

versum orbem sparsæ.

*Omnes gentes plaudite manibus, &c.*

**Q**uascunq; gentes Sol habitabili  
In orbe lustrat, seu veniat recens

Undis Erythræ, seu seneclâ

Languidus Hesperio quadrigas

Con-



Condat sepulchrò. Surgite, surgite, &  
Tangi profano pollice nesciam

Chelym excitate, Numinisq;

In cytharam revocate laudes,  
Lætisq; cœlum implete canoribus.

Huic Solis ultra quadrijuges equos,

Ultraque stellas, in supremo

Ætherei penetrali Olympi  
Sedem locavit Gloria, Numini

Cœva; flammæ unde tonitruum

Despectat, ardentiq; terret

Regna foco, pavidosq; pulsat  
Fragore montes. Ille, rebellium

Cervice fractâ, protulit Imperi

Tributa nostri, perfidasq;

Sub pedibus dedit ire gentes  
Hæreditatis (sic genus Isaci

Dilexit olim) nomine nos suum

Vocavit in regnum, deditq;

Sceptra sui populi tenere.

Jam nunc curuli nube supervolat

Terrasq; & undas, & liquidas retrò

Relinquit auras, ac supremam

Empyreï tenet orbis arcem.

Illum sequuntur ponè frementium

Plausus Ephœborum, & comitum frequens

Caterua sistris, tympanisq;

Et lituis resalutat auras.

Expergefactos, jam semel, unguibus

Urgete nervos inclyta Cœlitum

Plaudentium turba ! atq; amœnâ,  
 Quà graditur, comitata buxô  
 Omnem sonoris cantibus increpa  
 Cœli coronam. Jam Deus imperat,  
 Dictatq; leges, subditumq;  
 Imperio sapiente mundum  
 Rex frænat unus : jam Fidei micat  
 Toto orbe splendor. Rursus in æmulum  
 Certamen ite expergefacti  
 In modulos Cythariistæ olympi.  
 Hic ( si futuri conscia mens mihi  
 Non falsa narrat ) sceptrâ potentiæ  
 Protendet extremis ab Indis  
 Solis ad Hesperium cubile.  
 Hûic colla subdent sub juga Principes,  
 Nec ante flexum flectere poplitem  
 Gentes amabunt, & verendi  
 Sacra focus dare thura Regis  
 Quà sol meabit, Relligio sua  
 Vexilla tollet non violabili  
 Firmata vi, & passim levabit  
 Sancta fides super astra Reges.



## PSALMUS XLVII.

Describitur Mystica Hierosolyma,  
seu Ecclesia, cujus Victoriæ ex antiquis  
vaticinijs prædicuntur.

*Magnus Dominus, & laudabilis nimis, &c.*

**Q**uà liberali prætereuntibus  
Jordanis undis alluit ardui  
Sionis arces, & modesto  
Templa Dei alloquitur susurro,  
Urbs est Tonanti dedita, quam suo  
Legit colendam Numine, quam replet  
Augusta maiestas honore;  
Quæq; Deo memorare laudes  
Assueta, semper, non imitabili  
Canore, sancto encomia nomini,  
Plaususq; concinnat, sacroq;  
Mira Dei canit ore facta  
Hæc arduarum culmina turrium,  
Plaudente terrâ, nubibus inferit,  
Ædesq; despectat minores  
Digna Deo domus inquilino.  
Quâ parte ad Arcton spectat, amœnitas  
Pulchro theatrum digerit ordine;  
Festiva quô ludit juvenus,  
Atq; oculos, animosq; pascit.  
At urbis intra mœnia, Numinis  
Est prompta semper dextra, potentibus  
Armata telis, quæ tuetur  
Præfidiò bene præparatò



Et templa, & ædes. Heu ! quoties furor  
 Huc congregavit Martia fulmina,  
 Pactâq; conjuratione  
 Mixtæ acies fremuêre bellô :  
 Quæ servitutis vincula Civibus,  
 Ferrum, catenas, vulnera, funera  
 Clademq; ! probrosamq; stragem, &  
 Diluvio cumulata secum  
 Fata adferebant. Sed cecidit suis  
 Vis fracta damnis : attonitus stupor  
 Ligavit armorum procellam,  
 Et timidæ obriguêre dextræ.  
 Successit alto in pectora vulnere  
 Sensus pudendi dedecoris ; suâ  
 Tam gloriosi Martis irâ  
 Mœnia non potuisse frangi.  
 Mox turba vilis præcipiti gradu  
 Conversa, retrò signa fugacium  
 Egit catervarum, & repulso  
 Anteijs sua fata cursu.  
 Quin hic ab Indis excita portubus  
 Furore Tharsis constitit, & Thetis  
 Audita mugitu pavendo  
 Excidium, cineremq; avito  
 Templo minari : at tu , Deus , ultimô  
 Antrò latentes Æoliæ, Notos  
 Austrosq; , Caurosq; evocâsti,  
 Et fremitu lacerare pontum  
 Gravi imperâsti. Scilicet obvijs  
 Luctata classis fluctibus, aut perit

Undis sepulta, aut dissipata est  
 Æolidum violento ab æstu.  
 Hæc, quæ parentum fama nepotibus  
 Narravit olim, nos quoq; vidimus  
 Sionis hæredes ; sequensq;  
 Posteritas iterum Nepoti  
 Suo loquetur. Namq; sioniæ  
 Fundamen arcis non violabili  
 Stat rupe fixum ; quam perenni  
 Lege Deus jubet ire in ævum.  
 Hac arce nobis divite flumina  
 Fluxêre venâ munificentia,  
 Pijq; sensûs, quô paternum  
 In populos Studium fateris,  
 Rex magne Cœli. Hinc & tibi nominis  
 It fama magni, & gloria ad ultimos  
 Mundi recessus, ultra utrumq;  
 Solis iter, pelagiq; fines.  
 Tuæ æquitatis dextera fontibus  
 Hinc cudit iras : hinc eadem manus  
 Adornat amplâ largitate  
 Promeritis referenda dona.  
 Hæc cernit, & se in gaudia lætior  
 Sion resoluit ! quem lepidô jocô  
 Implet juvenus, & jocantem  
 Festa jocis resalutat Echo.  
 Sionis & vos ite per ambitum,  
 Lustrate fossas, mœnia, & aggeres,  
 Et valla circumducta, & astris  
 Contiguas numerate turres.

Signate robur non superabile,  
 Situmq; & artem, & fortia conspici  
 Suggesta ; centenisque ; mundo  
 Ordinibus veneranda tecta :  
 Ipsique ; feris dicite posteris :  
 Has Inquilinus constituit suo  
 Ædes honori ; hic æviternum  
 Jura dabit Deus Israël.

---

PSALMUS XLVIII.

Inanis in congregandis opibus ho-  
 minum cura, qui thesaurizant sibi  
 thesauros in die iræ.

*Audite hæc omnes gentes : auribus perci-  
 pite, &c.*

**A**udite gentes, regnaq; frigido  
 Septentrioni subdita, & igneo  
 Afflata Sirij calore,  
 Quamq; oculò juvenis, senexq;  
 Ab axe lustrat progeniem dies :  
 Audite ; seu quos divite copiâ  
 Arridet aurum ; quosq; Erythra  
 Obsequiò colit unionum :  
 Seu quos avaræ fortis iniquitas  
 Vili parentum sanguine proditos  
 Damnavit obscurum ad mapale, &  
 Pauperiem dedit inquilinam :  
 Audite : prodam , quæ sapientia  
 Mihi locuta est, quæq; animo indidit

Subli-



Sublimore sensu olympus,  
Et Superi ratione firmant.  
Commota Phocis suggerit hæc mihi  
Cantanda metrô oracula posteris.  
Jam Plectra sponte, vix prehensa,  
Subsiliunt animare chordas.  
Quid congregandis divitis Indiæ  
Gazis, & auri congerie meas  
Absumo curas? quid uè cassa  
Vota traho per imaginatam  
Felicitatem? Desinet improbi  
Sitis metalli, sollicitudinum  
Fœcunda mater, cùm supremus  
Nostra dies revocabit acta  
Dei ad tribunal. Quid juvat anxio  
Sortem fugacem persequi anhelitu?  
Extrema si imprudens eodem  
Assèqueris tua fata cursu?  
Iniquitatis currere lubricum  
Ni cesso callem, noctis in horrida  
Caligine infaustum laborem  
Interitu malè terminabo.  
O mentis expers! quisquis amabiles  
Sirenas audit, vel magico malo  
Pectus recludit! vult perire,  
Qui stolidum ad peritura cursum  
Anhelus urget. Prætereuntium  
Caduca rerum magnificèntia,  
Opes, honores, gloriæq;  
More levis rapiuntur auræ,

Sunt spes inanes, quas homini applicas  
 Nil profuturo : nec tibi, si fera  
 Necessitas instet, rogatus  
 Frater opem feret, aut amatam  
 Malo medelam. Quin prece, si Deum  
 Flexisse possit supplice, ne Atropos  
 Stamen recidat ; nulla curvo  
 Vota genu, manibusq; passis  
 Ad astra mittet : nec precium dabit  
 Tuæ salutis. Non remeabili  
 Viâ est eundum ; nec labore  
 ( Quidquid agas ) valet impedi  
 Vis certa fati. Nemo perennia  
 Attinget annis sæcula : disfluet,  
 Quocunq; censeris beatus :  
 Insipiens sapiensq; fato  
 Cadent eodem. Pompa superbiæ,  
 odore multo parta opulentia,  
 Horti, laresq; , & ampla tecta  
 Mygdonio fabricata luxu,  
 Arcesq; & Urbes, & patrimonia,  
 Necessitatis lege, sequentibus  
 Sunt deferenda ; quæ vel hostis  
 Diripiet, vel iniquus hæres  
 raude occupabit ; nec memor amplius  
 ui, nepoti dividet. Interim  
 Oblivioso te sepulchro-  
 -Invincibilis Libitina condet :  
 nil superstes, præter inutilem  
 mbram relinques nominis improbi,

O cæcitas humana ! Divum  
Quem similem sibi dignitate  
Numen creavit, quem sapientiâ  
Dotavit augustâ ; arbitrij cui  
Concessus usus expeditus,  
Quem dominû est veneratus orbis,  
Sublimitatis non memor ampliùs  
Suæ, sereni lumina pectoris  
Extinxit, & mentem caducâ  
Merfit humo, pecudumq; more  
Cupiditatum flexus in avia  
Se belluini moribus induit,  
Et appetitu dissoluto,  
Quâ libuit, sine lege abivit.  
Hanc & sequentûm linea posterûm  
Viam frequentant : & licet obijce  
Periculorum & hinc, & inde  
Septa, tamen quia trita Patrum  
Vestigijs est, & memores adhuc  
Notæ supersunt, posteritas sequens  
Et laudat, & gaudens eâdem  
Interitum sibi stulta quærit :  
Et assequetur. Nam veluti pecus  
Virente ab herba sponte ruit suâ  
Dirum catervatim ad macellum,  
Lethiferô jugulanda cultrô :  
Sic post procaci fræna licentiæ  
Laxata, post & delicijs brevem  
Vitam peractam, gestientes  
Ad stygias rapiuntur Undas



Pudenda mortis victima, & inferis  
 Torrenda vivi sulphuris ignibus,  
 Cui nullus ætatis futuræ  
 Margo queat posuisse finem.  
 Ad hæc, videbunt, quos malè presserant,  
 Beatiori forte domesticis  
 Dei aggregatos ; audientq̃;  
 Supplicium sibi fulminantes.  
 Tunc nec clientum culta frequentia,  
 Nec liberorum, nec famulantium  
 Collecta vis, nec quæ coactis  
 Arca gemit cumulata gazis ,  
 Dabunt levamen ; præsidium in quibus  
 Et spem locarant. Scilicet improbæ  
 Spes interibunt ; & cadentum  
 Omne decus tineâ exedetur.  
 At me , supremo cum imperio Deus  
 Eliberabit carcere corporis,  
 Intaminatum mergi Averni  
 Sulphureis prohibebit undis,  
 Suoq̃; lætum suscipiet sinu  
 Hinc, si potentem videris edito  
 Loco sedere, & solis instar  
 Multiplici radiare gemmâ,  
 Cohorte cingi mille clientium,  
 Sudare in auro, collaq̃; Civium  
 Calcare,; ne quidquam expavesce :  
 In tumulum à Lachesi vocatus  
 Circumfluentis folle superbiæ  
 Devestietur, gloria corruet,

Nec in profundum devocatus  
Divitijs cumulabit orcum.  
Immersa rebus vita fugacibus,  
Avara laudis, se popularium  
Saginat applausu, & beatos  
Ipsa dies sibi gratulatur.  
Si blandientium suaviloquentiâ  
Titillat aures turba clientium,  
Laudat colentes se, pariq;  
Illita nectare verba reddit.  
Hinc, quod parentum gloria concidit,  
Illuc trahetur, Quos imitatus est  
Tenore vitæ, hos assequetur  
Fine pari, paribusq; pœnis.  
Non purus illi Justitiæ dies,  
Nec nubis expers sol sapientiæ  
Lucebit unquam; sed sepultus  
Nocte stygis gemet æviternum.  
O stulta gens mortalium, & immemor,  
Quâ sede honoris te Deus extulit!  
Quod decidisti? belluinæ  
Dum illicium sequeris voluptæ!  
Humanitatis degener indole  
Te belluinis moribus induis:  
Quocunq; te vocat libido,  
Sponte ruis rationis expers.

PSALMUS XLIX.

Prophetia de glorioso, manifesto,  
& terribili adventu Christi ad  
extremum judicium

*Deus Deorum, Dominus locutus est, &c.*

**M**onarcha Regum, Rex dominantium,  
Cûi terra fasces, sceptraq; subijcit;  
Severus ultor ad tribunal

Omne hominum genus evocabit.

Vocem stupebunt ortus, & occidens

Altô Sionis deciduam jugô,

In quo videndam Judicantis

Se species manifesta sistet.

Non ille, ut olim, vilis ab abdito

Prodibit antro; sed venerabili

In luce formidandus, acres

Ex oculis jaculatus ignes.

Nec jam silebit mutus ad impiæ

Delicta gentis; sed scelera abdita

In publicum solem evocabit,

Et valido tonitru increpabit.

Frontem anteibit flamma voracibus

Undans procellis, atq; avido omnia

Involvet igni, fumæâq;

Nube minax tumulabit orbem.

Circùm sonabunt fulmina vindice

Elisa dextrâ, murmura nubium,

Mugitus auræ, turbinumq;

Vis decimis cumulata ventis.



Tum pura cœli sidera, & aureas  
 Phœbi quadrigas, Oceanum ultimum,  
 Terramq; , testes advocabit,  
 Acta fori ut videant futuri.

Vos primi Ephœbi ( dicet ) oblympicæ  
 Aulæ ministri, vos mihi spiritus  
 Cœlô advocate , quos perennis  
 Aula Dei gremio recepit.

Vos, fida terræ viscera, reddite  
 Manes sepultos : Vos lituô, Angeli,  
 Quocunq; degentem sub axe

Huc populum mihi congregate ;  
 Qui pacta mecum non violabili  
 Fide tuetur fœdera , & hostijs  
 Mihi ministrat, cui verenda  
 Sacrificis calet ara flammis.

Obtemperabunt sidera jussibus  
 Dei imperantis, promptaq; nutui  
 Terra obsequetur ; quaq; mundi  
 Margo patet, merita æquitatis

Portenta spargent. Tollite lumina,  
 Auresq; ( dicent ) cernite Judicem :  
 Hic solus æquâ lance librat

Cœlituumq; , hominumq; facta.  
 At ille : pronis auribus excipe  
 Gens Israëlis, quæ loquor, inquiet ;  
 Auctoritatem agnosce, vimq; ,  
 Meq; tuum venerare Numen.

Non exprobrabo sacrificas focis  
 Vacasse acerras, vel mihi victimas

Parcè immolatas : nam Sabæis  
 Muneribus mea sæpè templa  
 Fumâsse vidi, merfaq; plurimo  
 Tot victimarum sanguine solvere  
 Delubra honorem, ac obsequentes  
 In pecudes micuisse cultrum.  
 Sed hæc fidèles non reputo mei  
 Testes honoris : non ego cæduis  
 Delector armentis ; nec hircos,  
 Nec vitulos , nec oves, bouesque  
 Tuo immolari de grege postulo.  
 Non sum tam egenus. Quod pecudū tuū ad  
 Præsepe mugit, quodq; opimis  
 In stabulis alis ad faginam,  
 Meum est : ferarum per juga montium  
 Quidquid vagatur, vel nemorum late  
 Virente in umbra, perq; campos  
 Herbiferos alimenta quærit,  
 Meum est : quod alâ remige navigat  
 Puras per auras ætheris, editos  
 Locatq; nidos vel cavatâ  
 Rupe, vel arboreis in umbris,  
 Meum est : quæ in agris flauet, & aureis  
 Culmis jocanti se zephyro exhibet  
 Arista ludum, seq; curvat  
 In facilem resupina falcem,  
 Mea est. An ardor fortè famelicus  
 Me tantus uret, cogar ut à tua  
 Stipem rogare largitate,  
 Quâ rabies famis edometur ?

Quodcunq; Phoebus despicit æthere,  
Quodcunq; tellus continet ambitu,  
Quodcunq; pontum scindit, omni  
Me dominum obsequio veretur.  
Quid arbitraris ? num mihi dapilem  
Mensam Juvencus pinguior instruet ?  
Aut sanguinem hirci postulabo,  
Si caleat fitis in medullis ?  
Est vilis isthæc Relligio mihi,  
Cultusq; vanus ? qui magis hostias  
Mentis reposco, vota, laudes,  
Et gemitus, lachrymasq; cordis.  
Cum te furenti sors inamabilis  
Vexabit irâ, subq; gravi jugo  
Pressum tenebit, nil pauesce  
Sollicitâ prece me vocare.  
Exaudieris : subsidiariam  
Adferre dextram nil ego differam ;  
Et te procelloso furori  
Eripiam ferientis iræ.  
At tu, solutus præcipitantibus  
Periculorum fluctibus, explicæ  
In vota mentem, gratiasq;  
Ingenuo mihi redde corde,  
Non sic iniquos blandior aspici  
Rex alloquetur ; fronte sed asperâ,  
Torvoq; vultu, flammeisq;  
Luminibus, tonitruq; vocis  
Sonante dicet : Tunè reatum  
Fœcunde nequam, tunè fidelibus



Infense latro ; tunè, recti  
 Calle procul, memorare legum  
 Audes mearum gloriam, & improbò  
 Linguæ venenò aspergere fœdera  
 Sancita quondam, & instituta  
 Sacrilegâ temerare voce ?  
 Tu sanctioris jura modestiæ,  
 Et suave recti non patiens jugum  
 Perferre collò , es execratus,  
 Quidquid olet pietatis auram.  
 Tu jura legum ludibrium facis:  
 Fugis doceri : si monita obvient,  
 Oblivionis nocte mergis,  
 Perq; jocum meo verba rides.  
 Cùm fure curris, quò tenuis vocat  
 Spes in rapinam; jungis adultero  
 Curas adulter ; & scelestum  
 Quemq; malo superare gaudes  
 Injuriarum gutture fertili  
 Vomis venenum, probraq; despuis ,  
 Calumniasq; , infamiasq; , &  
 Mille dolos struis innocenti.  
 Quin vel coactis conciliabulis  
 In damna fratrum consiliantibus,  
 Vel nocte consultrice tecum  
 In tragicum, bene cogitato  
 Tenore fraudis, digeris ordinem,  
 Ne fallat error. Nec tibi sanguinis  
 Discrimen ullum est, inq; fratrem  
 Funereas meditaris artes.

Hæc perpetrantem lentus ab æthere  
Vidi, nec ultrix ira, volantibus  
Pavenda flammis, insolentis  
Increpuit furiale pectus.  
Silere visus sum tibi, vel parum  
Humana cordi fumere, & impia  
Impunè pertransire facta:  
Menè tui similem arbitraris?  
Nunc est tonandum, nunc tibi fulmine  
Loquendum ad aures: nunc tibi publicum  
Ad solis aspectum retexam  
Præteritæ malefacta vitæ.  
Impune nullum supplicijs nefas  
Suis abibit. Vos, quibus excidit  
E corde Numen, dum videtis  
Tam rigidâ Themidem bilance  
Librare noxas, surgite, surgite  
Torpente somno; & supplicijs rea  
Spontaneis damnate corda,  
Et calidis lachrymis rigatas  
Mundate mentes; ne prior occupet  
Vindicta fontes, quos neq; gratia,  
Semel prehenso, nec patronus  
Auxiliô recreare possit.  
Benignitatis si specimen juvat  
Vos experiri, tollite sanguinem  
Taurorum ab aris, candidoq;  
Corde pias mihi ferte laudes.  
Hæc sola honoris victima Judicis  
Restinguit iram, hæc sola minantium

Flammam procellarum fauentes  
 In Charites valet explicare.  
 Hoc calle gressum ad sidera cogite  
 Nihil morantem, me Duce ; & obuius  
 Occurret æther ; huc vel ipsa  
 Vos facili vehet aura voto.

---

PSALMUS L.

Patrati adulterij & homicidij pœ-  
 nitens David, orat veniam & absolutio-  
 nem ; instituendamq; à se meliorem  
 vitam pollicetur.

*Miserere mei Deus, secundum magnam  
 misericordiam, &c.*

**F**ons gratiarum, quô fluit obvia  
 Salus roganti, cû manus in graves  
 Est parca pœnas, gratiasq;  
 Munifico dare prompta cornu !  
 Clementiæ fons ! me pietas tua  
 Huc supplicantem traxit, & ad tuos  
 Pedes coëgit. Lenitatis  
 Esto tuæ memor , ô mearum  
 Spes una rerum ! propitiam mihi  
 Reclude venam, quâ scelerum soles  
 Lavare cœnum, meq; scdum  
 Merge tuæ pietatis undâ.  
 Remerge mersum, ac ampliùs, ampliùs  
 Munda â reatu, donec inelegans



Deterfa labes me in priorem  
Cultum animi speciemq; ducat.  
Heu ! nosco tandem, quis fedeat mihi  
In corde Avernus : nosco reatum  
Molem meorum ; criminumq;  
Scena meos oculos oberrat,  
Mentemq; terret. Nam tibi perfidus,  
Ingratus, effrons, sacrilegè impius,  
In te, tuamq; sanctitatem  
Sævitiæ reus involavi.  
Tibi : sed uni ( si rigidum Themis  
Claudat tribunal, nemo coarguat  
Actor nocentem, nemo testis  
Facta probet, meritasq; nemo  
Pœnas reposcat ) displicuisse me  
Tibi, bonorum fonti, & origini,  
Mariq; amoris ; hæc repostos  
Spina animi laniat recessus.  
O me scelestum ! non puduit tuos  
Læsisse vultus ! Tu veniam tamen  
Mitis spondidisti dolenti :  
Fac, habeant tua verba pondus,  
Foroq; vincas, si tibi quispiam  
Blasphemus ausit dicere: fallere  
Te posse promissis, tuisq;  
Pollicitis dubiam futuri  
Fidem esse dandam. si tibi subuenit  
Meæ nefandum perfidiæ scelus,  
Meos ad ortus verte vultum :  
Hinc tenero mihi primi adhæsit

Labes parentis ; quiq; calentibus  
 Adhuc medullis fomes inæstuat,  
     A matre fluxit : nec meæ te  
     Displiceat meminisse quondam  
 Sinceritatis ; cum Nathan impio  
 Mihi exprobraret ducta per improbos  
     Delicta nexus. Veritatis  
     Tunc placuit tibi candor, & spem  
 Dedisti amoris : quin sapientiæ  
 Arcana sacræ, ac abdita noctibus  
     Secreta cœli prodidisti ,  
     Quæ fugiunt hominis pusillam  
 Capacitatem. Nunc igitur mihi  
 Hyslopi amara aspergine sanguinem  
     Affunde ; purgatusq; canis  
     Condidior nivibus recedam.  
 Dic, voce blandi Patris, amabile  
 Verbum : Remitto : tunc mihi gaudia  
     Sinum rigabunt ; tunc resument  
     Ossa novam vitiata vitam.  
 Averte vultus, nec mea crimina  
 Justæ ultionis fulmina suadeant :  
     Omnemq; noxam oblivionis  
     Perpetuò tumula sepulchrò.  
 His adde pulchræ tegmina gratiæ,  
 Cordisq; amictum, quò videar tuo  
     Amore dignus, spiritumq;  
     Redde mihi studiosum honesti.  
 Sed nosco quantis seditionibus  
 Subjecta mens sit ; quàm varium rotet

Sinum appetitus, quamq; rursus  
Cor facili rapiatur æstu  
Semper timendos in scopulos suæ  
Cupiditatis ; quâ procul abijci  
A te meretur : Tu rogantem  
Legetuâ, monitisq; firma.  
O si mererer lætitiâ tui  
Videre J E S U ! Tu tamen interim  
Me spiritu duc principali,  
Quo dominer malè temperatis  
Mentis procellis. Tunc ego perditos  
Annos refingam : tunc quibus impiæ  
Exempla vitæ in omne crimen  
Funerâ face præiêrunt,  
Verbisq; & actis erudiam tuæ  
Per pacta legis currere semitam,  
Quam dereliquerunt ; tuosq;  
Ante pedes veniam precari.  
Sed heu ! recurrit sanguinis innocens  
Amnis profusi, qui tacitè arguit  
Me parricidali furore  
Innocuum caput impulisse  
In tela mortis. Tu , DEUS , exime  
Hoc me pavore : & mox ego gaudiô  
Perfusus , in JESUM reflexæ  
Lætitiæ nova signa prodam.  
Linguæ solutis da mihi vinculis  
Artem loquendi, longa silentia  
Rumpam ; ut sonora sim tuarum  
Orbi ayido tuba gloriarum.




Si victimarum sanguis, & hostiæ  
 Tibi placerent, sacrificis focis  
     Non abstinere: quin calentem  
         Mille boves tibi, mille ad aram  
 Hircos cremarem. Sed veterum tibi  
 Est victimarum nausea; lachrymis  
     Cor expiatum, spiritusq;  
         Innocuus, scelerisq; purus,  
 Tua est voluptas. Nunc igitur pio  
 Vultu Sionem respice; nec suo  
     A Rege noxas perpetratas  
         Non nocuus luat ense civis.  
 Sionis arces rursus in editas  
 Extolle nubes, & veteres leva  
     Muri ruinas, candidaq;  
         Pace tuum populum tuere.  
 Exæstuabunt tunc melioribus  
 Flammis acerræ: tunc tibi victimæ  
     Gratæ afferentur mente purâ;  
         Tunc vitulos labiorum amabis.

F I N I S.











CLARK & SONS  
100 N. 1st St. St. Louis, Mo.  
Established 1850  
7th April 1892

